



Tecnológico
de Monterrey

INTER FOLIA FRUCTVS



J. M. ANDRADE



TODAS LAS COSAS TIENEN SU BELLEZA
PERO NO A TODOS ES DADO DESCUBRIRLA
Confucio.

EX LIBRIS
SALVADOR UGARTE
CIUDAD DE MEXICO
N° 743

Die 21 de Mayo de 1880
Sancho Semier de la Cruz
Calle de la Cruz
Calle de la Cruz
Calle de la Cruz

Sancho Semier de la Cruz
Calle de la Cruz
Calle de la Cruz
Calle de la Cruz

Sancho Semier de la Cruz
Calle de la Cruz
Calle de la Cruz
Calle de la Cruz

Sancho Semier de la Cruz
Calle de la Cruz
Calle de la Cruz
Calle de la Cruz

John 25.

Deo dabo mandata sua ut non moriantur
de peccatis. Et qui non mandata filii
hominis accipit non videt patrem
qui misit eum. Et qui non accipit
mandata filii hominis non videt
patrem qui misit eum. Et qui non
accipit mandata filii hominis non
videt vitam aeternam. Et qui non
accipit mandata filii hominis non
videt vitam aeternam. Et qui non
accipit mandata filii hominis non
videt vitam aeternam.

[Faint handwritten text, possibly bleed-through from the reverse side of the page.]

INTER FOLIA FRUCTU

J. M. ANDRADE

João Francisco Caspary George

Santiago Semiepariti of the Province

of Santa Fe de Bogota

of the Kingdom of New

~~Spain~~ Granada

~~Spain~~ Santa Fé

of the Province of Santa Fé

of the Kingdom of New

Spain

of the Province of Santa Fé

of the Kingdom of New Spain

D. 17. 26.

Illegible text, possibly a list or account, written in a cursive script. The text is heavily obscured by large, overlapping scribbles and flourishes, making it largely illegible. Some faint words like "Deo", "magna", "magna", "magna" are visible through the ink.

Illegible text, possibly a signature or name, written in a cursive script. The text is heavily obscured by large, overlapping scribbles and flourishes, making it largely illegible.

Illegible text, possibly a signature or name, written in a cursive script. The text is heavily obscured by large, overlapping scribbles and flourishes, making it largely illegible.

Muy Nro

Señora Vey quatro de diciembre
 de 1578. Recibido en esta villa de Mexico
 de las manos de don Juan de Ovando
 secretario de su Magestad, un
 traslado de una cedula de su
 Magestad, en la qual se contiene
 lo siguiente: Yo el Rey, por
 ende de lo que me ha sido
 representado, he mandado que
 se cumpla lo contenido en
 ella, lo qual cumplido se
 mande registrar en el
 libro de la Real Caxa de
 Indias, para que asi se
 cumpla y obedezca, sin
 falta ni dilacion alguna.
 En la qual cedula se contiene
 lo siguiente: Yo el Rey, por
 ende de lo que me ha sido
 representado, he mandado que
 se cumpla lo contenido en
 ella, lo qual cumplido se
 mande registrar en el
 libro de la Real Caxa de
 Indias, para que asi se
 cumpla y obedezca, sin
 falta ni dilacion alguna.

Yo el Rey
 Yo el Rey
 Yo el Rey

DOCTRINA CHRISTIANA, EN LENGVA ME

xicana muy necessaria: en la qual
se contienen todos los princi-
pales mysterios de nue-
stra Sancta Fee ca-
tholica .:.

COMPRV EST A POR EL MVY REVE-
*rendo Padre Fray Alonso de Molina, de la orden
del glorioso Padre San Francisco.*



CON PRIVILEGIO.

En Mexico, En casa de Pedro Ocharte.

M.D.LXXVIII.





ON MARTIN EN QUEZ, Vi-
 sorrey Governador e capitán general por su Magestad
 en esta nueva España e Presidente del Audiencia Real
 que en ella reside. &c. Por quanto el reverendo padre
 Fray Alonso de Molina de la orden de Sant Fran-
 cisco, me ha hecho relación, que el ha compuesto agora nue-
 vamente un libro, llamado Instrucción e Doctrina chri-
 stiana, en la lengua Mexicana, para el bien espiritual
 de los naturales, de que es cosa muy conueniente se imprima, por el bien y conser-
 uacion que de la Fee catholica, e su augmento se sigue e seguira entre los dichos
 naturales, y ser cosa tan conueniente a la saluacion de sus animas. El qual por
 comission del Reuerendissimo Arçobispo desta ciudad de Mexico, ha sido vi-
 sto y examinado por personas doctas de letras y consciencia, como por el parece:
 e me pidio, para que lo suso dicho ouiese effecto, le mandasse dar, y diessse licencia
 para q el dicho libro e instruccion de doctrina Christiana se imprima. El qual
 podra imprimir Pedro Ocharte impressor de libros vezino de esta ciudad, perso-
 na de confianza. E por mi visto atento alo suso dicho, por la presente doy licencia
 y facultad al dicho Pedro Ocharte impressor de libros, para que libremente pue-
 da imprimir el dicho libro e instruccion Christiana, con priuilegio que otra
 persona alguna no le pueda imprimir, si no fuere el suso dicho, por tiempo y espa-
 cio de seys años cumplidos primeros siguientes, sopena que el que lo contrario hi-
 ziere, sea suspendido de su officio de impressor, y perdimiento de todo lo que an-
 si imprimiere, con mas el valor del quatro tanto. E assi impresso el dicho libro e
 instruccion christiana, no se venda hasta tanto que se tasse cada volumen a co-
 mo se á de vender, e se corrija con el original. El qual vá rubricado del secreta-
 rio infra escripto, en quarēta y dos hojas de papel escriptas. Fecho en Mexico, a
 tre y siete dias del mes de Mayo, de mil y quinientos y setenta y ocho años.

Don Martin Enriquez

Por mandado de su Excelencia.

Martin Lopez de Gaona.

A ij Don

LICENCIA Y EXAMEN.



Don Pedro Moya de C6rteras, por la gracia de dios Arçobispo de Mexico, del c6sejo de su Magestad. &c. Aui6do visto el parecer del padre Iuan de Touar, dela compa1ia de Iesus, à qui6 cometimos la vista y exam6 dela Doctrina christiana, c6puesta por el muy R. Padre Fray Al6so de Molina, dela orden de sant Francisco: damos licencia, para que se imprima, poniendo al principio esta licencia, y el dicho parecer. Dada en Mexico, à veinte y seys de Mayo, de mil y quinientos y setenta y ocho a1os.

P. Archie. Mexicanus.

Por mandado de su Se1oria Illustrissima.
Iuan de Aranda.



Esta obra por mandado del Illustrissimo y Reuerendissimo se1or Don Pedro Moya de C6rteras, y con licencia del Padre Antonio Sede1o, vicerector de este collegio de Mexico de la compa1ia de Iesus. La qual es tal que conuenena bien con la opinio, que del muy R. Padre Fray Alonso de molina se tiene, cuyo autor es. Y assi en lo que toca ala lengua y lo de mas 6sta muy auerajada, por lo qual entiendo que conuendra se imprima, para el bien spiritual de los naturales y ministros dellos, pues dello resultara mucho seruicio a nuestro se1or. En Mexico, a veynte y cinco de mayo. De mil y quinientos y Setenta y ocho a1os.

Iuan de Touar.

DOCTRINA CHRISTIANA, EN LENGVA ME

*XICANA, e MUY NECESSARIA, PARA
que los Ministros de estos naturales, les enseñen todos los
principales mysterios de nuestra sancta Fee catholica.*

*Y para que los mismos naturales entiendan y pon-
gan en execucion todo aquello que conuiene*

*ala saluacion de sus almas. La qual
Doctrina Christiana compuso el*

*muy. R. Padre Fray Alon-
so de Molina, de la or-
den de Sant Fran-
cisco.*



NICAN VMPEVA YN TEMACH
tilli, in itoca Doctrina Christiana, in cen-
ca tlaçotli, in vel teizcali, tetlachielti: y-
techpa tlatoua in cèqueizca qualli tlanel-
toquiliztli, in itoca sancta Fee catholica, in itzin in el
huayo mochiuhtica in omotencuh tlaneltoquiliz-
tli. Auh in in temachtilli, yehuatl oquimotlalili yn
totatzin Fray Alonso de molina Sant Francisco teu-
pixqui.

YNaquin ytettzinco pachiuiznequi totecuiyo
dios, itech monequi in vel quimoneltoquitiz, y
uan yuh yez iniyullo, ca vel nelli cemicac moyetzti
ca: auh ca quimmocnelilia, quimmotlaxtlauiilia in a-
quique quimotemolia, in quimotlayecoltilia, in nel-
tiliztica quimotlaçotilia, quimouellamachtilia.

*Ad he
bre. 11
capi.*

DOCTRINA CHRISTIANA.

PRIMVS ARTICVLVS.

Capitv. I. *Quetracra dela Sanctissima Trinidad.*

YZCAT QVI YNIC CENTLA-
mantli, initechpoui tlaneltoquiliztli, inie
neltocoz in totecuiyo dios yeitilitzin, ini
toca sanctissima Trinidad.



TLaxiqualmocaquiticá, totla
copilhuanè, in amixquichtin
amitlaneltocacauan totecuiyo
dios: monequi anquimatizque,
ca inie otuallaque in nicá amu
chan, tamechmachtico, tamech
caquitico inihiorzin itlatoltzin
yuan inineltococatzin totecui-
yo dios, in motocayotia Doctri-
na christiana: in oncan mocen-
teneua inixquich itechpoui tlaneltoquiliztli, inito-
ca sancta Fee catholica. Auh ca cenca monequi inta-
mechmelauilizque, in tehuantin tamotemachrica-
uan in teoyotica tamotauan: auh in amenuamun
nocenca amotechmonequi in anquipaccacelizque
yuan anquipaccacaquizque, anquimoyollotizque.
Ypampa in axcan namechmelauiliznequi namech
pouiliznequi, in catlehuatl in moteneua sancta Fee
catholica. Xiomomachitican, ca in melauac tlanel-
toquiliztli, initoca. S. Fee catholica, monequi chica-
uaca tzitzquilo, vel neltocoz. q. n. cécavel ticnelto

cazque in tleí amovel tixtelolotica tiquitta nicátlat
 ticpac. In yehuatlin, ca velitzin inelhuayo, ichicaua
 ca, yuá ineltica inixquich ticchia: yuá inye muchi o-
 quimuchiuli totecuiyo, initechpoui tonemaquixti
 liz, yuá teoyotica tonemiliz. Ca in manel auel tiquit
 ta in nicá tlalticpac, quin vel ópa tiquittazq̄ inilhui
 cac, intla tomacehualtiz, yuá intla toquallachiualiz
 tica tiquicnopilhuizq̄. Auh intlacamo ticneltocazq̄
 inintlaneltoquiliztli, caniman auel titomaquixtiz-
 que, amono vel tictouellamachtilizq̄ yn totecuiyo
 dios. Iní ininemaquixtiliz tanima, inic cēca vey, inic
 cēca tlaçotli, vel quicēpanauia inixquich tlaltipacca
 yotl. Y pápain, vel xiquitztimotlalican, yuan vel xic
 nezcalicaittacá, ca cēca amotechmonequi in anqui
 paleuizque, in anquimauizmatizq̄ amotlacaquiliz
 in amixtlamachiliz, inic vel anquimatizque, ca amo
 miequintin teteo, ca çáce in nelli teutl, intloq̄ naua
 que, inipalnemouani, yuá caçá iceltzin nelli totlato
 carzi. Inayamo anquimiximachilia in oc yenepa in
 ompa otiuallaque, amo anquimatia in ac yehuatziñ
 auh in quenamicatzinui: yehica ca in yehuatl amo
 yaouh in tlacatecolotl, oamechixpoyauhca, vel oa-
 mechixpopoyotilica, inic amo vel anquitztimotla-
 lizq̄, anquiximatizq̄, incatlehuatl itlauil itlanex in a
 motlacaquia, in amechmonemactili, inic amechmo
 chichiuli totecuiyo, inipá tlaneltoquiliz tlanextli.
 In pápain, amovel oáquimiximachiliq̄ in ópa otiualla

DOCTRINA CHRISTIANA.

que. Yc cenca amotechmonequi inaxcan, in antlachiazque ammozcalizque, amixtlamatizque: vel amoyollo cōmatiz, yuá pani anquitéquixtizq̄, ca vel nelli çance in totecuiyo dios: çance in toteouh tolatocauh, in otechmochiuli, çan vel yceltzin anquimonochilizque, anquimorlatlauhtilizque, inic amechmotlauelcaquililiz, inic amechmocneliliz.

Y Zcatqui inic centlamátli, in vel monequi anquimatizque, yuan amo yollo itlá anquitlalizque. Ximatican, caçance intotecuiyo dios, intloque nauaque, in axcaua in tlatquiua, inixquich oquimochiuli, in itto yuan in amo itto, in ilhuicac yuan in tlatcipac onoc. Auh çaniceltzin tlaçépanauia ynic cenquizeca qualli, tlaçempanauia inic vey: vel moce macitica inic qualli inic yectli, moteneuhtzinoua nemiliz ameyalli: atle vel quimoneneuililiz in tlatcipac yuan ilhuicac, vel moçlacempanauilia. Nican vel neci, ca amo velitiz, amo vel mochiuaz in micquintin onyezque tete o: yehica ca çan vel ce in moyetztica, roteouh, tolatocauh, in toteyocoxcauh. Yntla vel ye o anquimiximachilique, monequi çan vel iceltzin anquimomauiztililizque, yuá vel amo cenollo yca ancanazque, anquicvizque inihyotzin in itlatoltzin, in itenonotzalitzin inic amechmonochilia. Noyuan, vel ixquich yc anquimocnelilmachitizque in itetlaocolilitzin in iteicnoittaliliz

litzin: vel anquimocenteutiz que. Auh macamo çan
 xicpiquicá, inic aca amoyollo itic çänen anquiteo
 tocazque, anquineltocazque, ca cenca ic antlatla-
 cozque, ic ammotlapololtizque initechpa tlanelto
 quiliztli, incéca chicauac neltoconi, tlaquauhtzitz
 quiloni: yuan ic anquitlacozaque, yc áquipolozque
 ynillhuicac otli, adócan vel anquiltazque in amoc-
 neliloca, yuan atle amechonquixtiz, atle ypan po-
 uiz inixquich amo quallachiuah, amo vel ic ammo-
 maquixtizque. Yuan monequi anquimatizque, ca
 in yehuatzin dios, in çá vel ce, in vel mocemacitica
 yc qualli yc yeçtli, ca yei ini Personas, yehuatzin in
 tetatzin, tepiltzin, spiritu sancto. Ynin ey personas
 çá vel ce dios. q. n. Ca in ey personas, çáce iniyelitzi
 inic moyetztica, çáce iniuelitilitzin, yuá çáccinitla
 nequilizti, çáce iniqualtilitzin iniyectilitzi, çáce ini
 justicia initetlatzontequililitzin, çánoce initetlao
 colilitzin. Yc vel neci, ic vel macicama ti, ca çáce in
 teutl amo miequintin teteo: ca monequia in cecen
 ne nononqua yezquia ininyeliz, noyuá cecétlamá
 tli yezquia inintlancquiliz, yuan inin velitiliz. Auh
 çan inin, canimá amo meluac niman auelitiz inic
 ytechpatzincó mitoz in Sanctissima trinidad. Ye-
 huathin, velic neci ca çan vel ce in dios, yuan ey ini
 personas. q. n. Ca çan vel iceltzin moyetztica inno-
 uian cemanauac, vel yceltzin tlacempanan ynic
 qualli ynic yeçtli. In ymeixtin personas, çan vel-

Decla-
 ración
 de la tri-
 nidad.

DOCTRINA CHRISTIANA.

teneuhqui inic quimopidia, inic itetzinco catqui
 ualtiliztli yectiliztli; amoma cetlapanauitica. Ca
 inic ceceyaca mitoua, moteneua dios, teuth, quitoz
 nequi. Ca ceceyaca cenquizca qualli, aic tlamiz, aic
 tzonquicaz iniqualtiliz: ceceyaca cenquizcaueliti
 ni, ceceyaca cenquizca tlamatini, yuan ceceyaca ce
 quizca tetlaocoliani, ^{ca me ca} yece çan vel ce dios: auclitiz in
 eintin teteoyezque.

sti
 orio de
 las p-
 sonas.



Vh inic ceceyaca, nononqua motene
 ua ini personas, im mitoua tetatzin,
 tepiltzin, Spiritu Sancto, ca ipampa
 inic ticmatizque, yuan ticneltocaz-
 que, ca inyehuatzin tetatzin, cemicac
 quimotlacatilia initlaçopiltzin: amo yuhquin tlat
 u. pactlaca ictlacati, çan occenca centlamantli: ni-
 man ayac vel quiteneuaz, ayac vel quitoz, ayac vel
 quicaquiz innican tlatipac, ca cenca vellapanauia
 inic vey, ynic mauiçauhqui. Auh ynic yehuatzin
 tetatzin, monepantlaçotlatzinoua initlaçopiltzin,
 oncan intechpatzinco moquixtia in Spiritu San-
 cto ym moteneua ic ey persona. Ynin, inaxcan an-
 quimocaquixtia, inic cenca vey, inic cenca maui-
 çauhqui, ca niman aucl tamechtenquixtilizque, ni-
 man aucl anquicaquizque, ypampa ca amo cenca
 vey in amotlacaquiliz, yuan ipapa cacenca vey in a
 mixpopoyotiliz: yece quimonequiltia yn Dios, in
 vel

vel amoyollocopa anquimoneltoquitizque, anqui
 motlatlauhtilizque, anquimomauiztililizque, an-
 quimoteutizque, iniuh amilhuilo, iniuh ancaquiti-
 ca, cenca yc antlacnopilhuizque inixpatzinco.
 Auh inaxcan notlaçopihuane, tlaxiquitzimotlali-
 cã, tlaipan ximoyolnonotzacã, ca nelli yehuatzinin
 in toteouh in totlatocauh, intoteyocoxcauh, inipal
 tzinco titonemitia, çan vel iceltzin, ayac occe vel cẽ
 quizca qualli, cenquizca yectli, tlapanauia inic mo-
 cemacitica, inic vel cemicac moyetztica: niman aic
 tzintic, aic peuh, aictlamiz, aic tzonquiçaz: yuã amo
 vel motamachiuaz: vel ixquich quimotemitilitica,
 yuã quimocetzitzquilitica initlachiualtzĩ, cẽca tlac
 pac, vel aco immoyetztica, yuan in ompa tlanĩ, no-
 uian moyetztica, yuan in tlanepantla, nouian mo-
 yetztica, in yenouian cemanauac, ixquich quimotti-
 lia, ixquich quimocaquitia, ixquich quimacicama-
 chitia: yece in yehuatzin ayac vel quimottilia: ca in
 ixquichcauitl nican tlalticpac, netoliniloyan tine-
 mi, amo tomaceualti inic tictottilizque. Yn yehua-
 tzin totecuiyo dios, ca spiritu, amo nacayo, amo tla-
 que, in tiuhque tehuantin tlalticpac titlaca: yehica
 ca amo tlalli, amo atl, amo checatl, amo tletl, amo
 tonatiuh, amo metztli, amo citlalin, amo cuztic teo-
 cuitlatl, amo iztac teocuitlatl: amono ce yehuantin
 yn anquimmoteotiaya in anquintlatlauhtiaya yn-
 çan tlachichiualtin, in anquinteotocaya yeuecauh,

DOCTRINA CHRISTIANA.

in anoço quauitl, in anoço tetl, anoço tepuztli, anoço amuchitl, çan vel yehuatzin tlachiuale, tlatzintirile, tlapeuáltile. Noyuan xicmatican, ca in yehuatzin dios, amo motlaqualtia, yehica ca amo moteco ciuitiani, amo matlitia: yehica ca amo mamiquitiani, amo mociauitia: yehica ca amo monenemitiani amo otli quimotoquilianiani.

Los
articulos
de la dei
4.4.

A Vh inic nelli cenquizca qualli, vel ipápa yncenca quimotlaelittilia inixquich catzauac, velmuchimelauac in quimochiuilia: noyuan inic céquizca yectli, céquizca mauiztic, y pápa in cenca quimochualittilia, yuan quimonequiltia in qualli yectli in melauac: auh inic tlacempanauia inic amo tzóquizqui yuelitilitzin, ipampa in oquimochiuili inilhuicatl in tlalticpacitli, yuan inixquich itech onoc, yuá in ye muchintin in itlachiualtzitziuani: auh ynic nelli ixquich yueli, ca vel quimopopolhuiz in ixquich oquimochiuili, in tlaquimonequiltiz. Y pampahin cenca ticetomauicahua, yuan ticetocuitia ynic cenquizca qualli, inic cenquizca yectli, yuan inic cenquizca tetlaocoliani. yehica cauelixquich oquimochiuili yntiquitta, maciui yn amo itetzinc o monequi, in atle quimotemachilia: yuan vel ticetocuitia, ticetomauicoua ynic cenquizcatlamatini, iniquac ticquitztimotlalia in quenin muchi mauiztic in oquimotecpanili, oquimotlamachtlalili yn itlachiualtzin: yuan in quenin ixquich quimonapalhuia, qui
motzitz

motzitzquilia, in çanipampa in cenca vey itetlaço
 tlalitzin. Y uan tiçtomauçalhuia, iniquac tiçqitz-
 timotlalia, in quenin çan topampa, ixquich oqui-
 mochiuili, in çanic otechmotlaocolili. Aub maciui
 in cenca mieçtlamantli, in amo çan tlapoualli, ic-
 tiçtotlatlactalhuilia, inie tiçtoquallancuitilia, çan a
 mo ic techmotelchiuilia, amo ic techmiquanilia,
 amo ic quimotzinquixtilia inixquich topampa o-
 quimochiuili, çan muchipa yuh catqui, muchipa
 yuh chicauacaca, yehica ca muchipa impan val-
 quiça in tonatiuh, quintlanextilia in qualtin yuan
 in amo qualtin: yuan quinalmiualilia inquiauitl,
 in qualtin yuan in amo qualtin, inie vel mochiuaz
 tonacayotl, in muchitlacatl itech monequiz. Y nin
 vel monequi anquitztimotlalizque, ipan ammo-
 yolnõnotzazque, inie anquimauçoçque in cenca
 vey itetlaçotlalitzin, yuan in cēca vei yuelitilitzin
 totecuiyo dios: yuan vel ixquich amotlapal anqui-
 chiuazque, inie amocēyollocopa anquimoteutiz-
 que, anquimotlatlauhtilizque, yuan anquimotla-
 camachitizque. Noyuá anquimauçoçque, inque
 nin muchipa cemicac itetzinco ca, quimopielia in
 yellacempanauia yuelitilitzin, yuan ymauçoçotzin:
 ye cenca amotechmonequi, in muchipa ammauh-
 canemizque ixpantzinco, inie aie anquimoqualá
 cuitilizque, inie aie áquimotlaueleuitilizque, yuá
 aie anquim ellelaxitilizque, iniuhqui anquimope-

DOCTRINA CHRISTIANA.

peualtilizq̄, iniuhqui anquiytlanzque, anquinene
 quizq̄ iniçomaltzin, iniquaľtzin, inic amo amech
 popoloz. Ca ĩtla ixquich amotlapal anquichiuazq̄
 inic anquimotlacamachitizq̄, anquimotlayecoltilizque,
 yuan intlavel ipápatzincó amoyollochichilizque,
 ca niman atle ic amechmotoliniliz, atle ye amechmote
 quipachilhuiz, atle icamechtlaocoltiz yuan atle ic
 amechamanaz, çan occécaye amechpaquiltiz,
 amechyollaliz, yuá amechmopiltzintiz, amotlaçotatzin
 yez, anquimotatizq̄, vel icéquizca velitiliztica
 amechmopaleuiliz, amechmopieliz, amechmomanauiliz:
 yehica caixquichiueli, ixquich vel quimochiuilia
 inquimonequiltia, inilhuicac in talticpac, in
 atlitic, in tlalli itic, yuá in ópa miçtlan. Aun iniquac
 ĩtla cēca amotechmonequiz, ĩtla anquimotzatzililizq̄,
 ĩtla itetzico amocauazque, ĩtla vel itetzincó
 amotemachizq̄, ca nelli nimá amechmocnoittiliz,
 amechmotlauelcaquililiz: vel cōmatiz in amoyollo
 initepaleuilitzin, inic ixquichiueli. Auh cēca
 monequi ic ampapaquizq̄, ĩtla iteicneliztica,
 yuá icéquizcaquiltiztica, amechmopolhuiliz
 inixquich itecatzualiz, initeouitiliz tlatla colli:
 yuá ĩtla amechmonemaçtiliz in amo çá queç
 quitlamantli itetlauhtiltzin, itetlaocolilitzin,
 inic vel anquimotlayecoltilizq̄, inic vel anquimotlaca
 machitizq̄. Yuá cēca monequi ic amoyollalizq̄,
 ĩtla anquittazq̄, ca vel anquitlauelnamiqui, anquitope

ua intlacatecolotl: yuá vel áquitlalcuá inixquich
 tlatlacolli, inic iucpa ámomaquixtizq̄ inmiçtlá tla
 ihiouliztli. Noyuá cēca monequi ic ámoyollalizq̄,
 intla anquicztimotlalizque, in quenin vel icēquiz
 ca tlamatiliztica amechmotlanextililia, amechmo
 tlaulilia, inic itech ámomatizque, itech ámopiloz
 que in qualli yeçtli: yuá inic anquitlalcuizque, ix
 pápa ameuazque in amo qualli amoyeçtli: yuá inic
 vel áquitemozque in itlayecoltiloca, iniuellamach
 tiloca, inic vel anquichiuazq̄ intlein quimonequil
 tia: canelli yehuatlin, cenca ic papaquiz, ic motla
 machtiz, icmochicauaz i amoyollo: yuan iccēca ite
 tzico ámotemachizque i dios, icēquizatlamatini,
 incēca motetlaocoliliani, inixquichhuçli. Auh inax
 can notlaçopilluane, macamo xiquileçuacanin,
 macamo ximociauhcanequican, macamo xitlatzi
 uicá, cēca xiquilnamicētinécá, ipan ximoyolnonotz
 tinécá: canelli cēca ámixcueptinemi, ámotlapoloti
 tinemi, vel cēca antlatziuhctinemi, anquilcaua in iz
 quitlamiçtli itetlaocubilitzin amoteouh amoclato
 cauñ, amo anquimocnelilmachitia: ic cenca amo
 techmonequi, in momozilac miccpa anquicztimo
 tlalizque, áquilnamiquizq̄ inixquich tlapac omo
 tencuh: inic cā velyehuatl q̄leuiz amoyollo intlein
 quimonequiltia corecuiyo dios: yuá inic iuicētzin
 co anquitlachieltizq̄ inixquich amotlachiual, çan
 vel ipápatzico anquichiuazq̄, anquitequipanozq̄:

DOCTRINA CHRISTIANA.

ca vel iccena anquimouellamachtilizque, anqui-
 mopapaquiltizque in amoteouh in amotlatoca-
 tzin. Auh mamuchipa yuhye in amoyollo, ca inça-
 çotlein amopan quimochiuliz nican tlalticpac, in
 aço tetolini, in aço tepaquilti, ca nelli vel ye-
 huatl in occena amotechmonequi, yuan vel ye-
 huatl tlapanauia inic qualli inic yeçtli. Y pampain,
 intla itla amopan quimochiuliz, in amo ceca qui-
 nequi amoyollo in amopan mochiuaz, intlanel cē
 ca tecoco tetolini, yuan intlanel cenca oui, cenca
 monequi in amo icquen anquichiuazque amoyol-
 lo, çan yuian yucuxca anquipaccatihuizque, yuā
 tlaneltoquiliztica, amocēyollocopa anquipaccace-
 lizque, anquimocuitizque, anquitozque. Ca yenci-
 li in tixpopoyome, amo titlacaqui, amo titlachia, a-
 mo ticmati intlein occēca totechmonequi: ca inic
 amo melauac ocatca totlanequiliz, totlaeleuiliz, y
 pampain, in ocyecentlamantli oquimochiuli to-
 tecuiyo dios. Auh maciui in amo ticaciamati in-
 tlein ipampa, yece ca occena totechmonequi in-
 ticpaccacelizque intlein topan oquimochiuli, ye-
 hica ca icemmaçtzinco otitocauhque. Yehuatin,
 amotlatol yez.



Oyuan vel monequi anquimatizque, ca
 in yehuatzin totecuiyo dios, vel iyoma-
 tzinco oquimochiuli inilhuicatli in tlat-
 ticpacçtli, yuā in atl, in checatli, in tletli: yuā
 inix-

inixquich ilhuicac yuã tlactiapac onoc: in ittalo y-
uã in amo ittalo: ye axcã caxtultzonxiuitl, ipã etzõ
xiuitl, ipan caxtolpoualli, yeno ipã epoualli oncax
tulli omei xiuitl, in oquimochiuili, oncan vallami
yn axcan ypan ticate metztlapoualli, caxtulli de
Março.

CAPITVLO. II. DELA
crisacion de los Angeles.

YNIC VNTLAMANTLI CAPI
tulo, oncan moteneua, in quenin ye-
huatzin totecuiyo dios oquim-
mochiuili in Angelome.



Xtematican notlacopilhuanè,
ca in totecuiyo dios, vel ach-
topa oquimochiuili in ompa
ilhuicac, in yehuantin Spiritus,
inintoca Angelome: amo
can tlapoualtin, cécamiquin
tin. Aun cequintin omodiapo
oltique, amo quimotlacama
chitique in totecuiyo dios, can omopouhque, oa-
tlatamatque: vel ic oquimmozentelchiuili in totecui
yo. Auh in occequintin, yehica ca oquimotlacama
chitique, oquichiuhque in tlein quimonequiltia,
ye vel ipaltzinco otlacnopilhuique, oquimnoma

*Cris-
cion de-
los an-
geles.*

DOCTRINA CHRISTIANA.

quili icemicac papaquiliztli, cemicac necuiltono-
 li, netlamachtilli: ipápa cavel itetzinco océpachiu-
 que, nimá aic oquimotlalcauiliq̄. Inyehuantini, ca
 vel inneixcauil, intequiuh, inic quimoyeēteneuiliz
 que, quimouellamachtilizq̄ quimotlacamachitizq̄
 quimotlayecoltilizq̄ initeouh intlatocauh, inteyo
 cuxcatzin, inintechiuheatzin. Y uá vel ineixcauilte
 quiuh inicquinmopaleuilizq̄, quimopielizq̄ tlaltic
 actlaca. O notlaçopilhuané, tlaxiquitztimotlali
 cá inquenin cēca amechmotlaçotilia in totēcuiyo
 dios: ca in acecēme, nocecēme angelome amotech
 quimopouilia, inic amechmopielizq̄, amechmopa
 leuilizque. Auh çannoyuh oquimocnelili inamota
 uan amocolhuan: yuan çannoyuh quimotlaocoliliz
 inixquichtin inquin tlacatzique nicá tlalticpac, in
 ixquichica tlamiz cemanauac. Auh in occequintī
 angelome, in amo quimotlacamachitique totēcui
 yo dios, inçan oatlamatq̄ omopouhque, ca oualto
 tocoque in ilhuicac, ouallaçalogue, miçtlan ocētel
 chiualoque, ópa in itocayocan Infierno: cēca amo
 quateca, veropa cenquizeoc mixquich nepapá totēc-
 uiztli, tlaihiouiliztli, chichinaouiztli. Inyehuantini
 in valuetzque ilhuicac, máciui cēca miequintin, ca
 occēca miequintin amo çátlapoualtin in ópa valmo
 cauque intatzinco dios. Auh iniquac oualuetzque
 tlauehiloq̄, in cequintin checatitech valmocaughti-
 quizq̄, muchipa ócantlaihiouitinemi, toneuhtine
 mi,

mi, chichinacatinemi: auh cequítin, nicá tlalticpac
 mocauhtiquizque: auhyehuátini, inmiecpa amoca
 mocacayaua, amechtlapololtia, amechiztlacauia,
 amechixpopoyotilia: auh noyehuantin inoquimiz
 tlacauique amotauá, amocolhuan catca, inic oqui
 moteotique intetl, in quauitl tlaxitli, in teocuitlatl
 yuá in occequi amo yuli, amo tlacaqui, in amo tla-
 chia, iniuhqui yehuatl tonatiuh, metztli, cicitlaltí,
 yuá in occequi mieçtlamátli itlachiualtzin totecui
 yo dios: iccēca oquintlapololtique, oquimixcuetp-
 que, oquimiztlacauique, yuá oquimixpopoyotiliq̄
 Ynyehuátini amoyaouá, ca cēca catzauaque, cēca
 retlaeltique, cēca tlaueliloque, auh cēca queleuia,
 quimicoltia imma muchitlacatl quinneneuili, yuá
 imma muchitlacatl tlauelilocanemi, inic amo quic
 nopilhuizque incēca vei papaquiliztli, inoquimix
 caualtique innepoualiztica, aintetlacamatiliztica:
 in amo icopachih inyollo inquitlamátli icoquĩ
 mocnelili, inic oquinmotlauhtili tloque nauaque.
 Yc cēca amotechmonequi notlaçopilhuanè, inax
 cā yeōpa titztiui, nimá amo anquineltocazq̄, amo
 anquicaquizq̄ ininteiztlacauiliz, inítetlapololtiliz
 inic amechixpopoyotiliznequi, iniuh oquimixpo
 poyotilique, oquintlapololtiq̄ yeuecauh amocol-
 huá catca. Mavel xicmocéneltoquiticá, inicel teutl
 dios: ca vellapanauia inic qualli icyeçtli, inic moce
 macitica: auh ca yehuatzin inaxcā tamechiximach

DOCTRINA CHRISTIANA.

yuanvelyehuatl inineltococatzin,iximachocatzin
 tamechcaquitia,in tamechmelauilia.Ma xiccentel
 chiuacan,vel xiccemilcauacan inixquich amixpo-
 poyotiliz,amonetlapolotiliz. Ca in amehuantin,
 in ocyuecauh, yuh ammomatia in canelli amo-
 teouh in tonatiuh,im metztli: anquintlatlauhtia-
 ya,anquinteotocaya:inin ca cenca ic ammotlapo-
 loltiaya.Y pampa inaxcan, ma amoyollo pachiuu,
 vel xicmatican ca nelli çan itlachiualhuan in tote-
 cuiyo dios:atle in yulia,atle imaniman inic vel yu-
 lizque: yuan atle yntlanemililiz, inic vellanemi-
 lizque:amotle imixtelolo,inictlachiezque:amotle
 innacaz,inic tlacaquizque:atle innenepil, inic tla-
 tozque:çanipan poui in tletl,anoço ocotl, tlaulli,
 çan intequiuh inic tetlanilizque, tetlanextilizque
 nouian cemanauac:intonatiuh itequiuh,inic tetla
 nextiliz tlahca:auh immetztli,çaniyo youaltica:ca
 çã vel ipâpain,in oquimmochiuili totecuiyo dios,
 auh aco,tlacpac in oquimmotlalili.Noyuan oqui-
 mochiuili in ehecatl, auh intech oquimopouili in
 totome,inic ehecatitech patlantinemizque.Yuan
 oquimochiuili in atl,auh intech oquimopouili in
 mimichtin, inic atlitic nemizque. Yuan oquimo-
 chiuili in tlalli, intech oquimopouili im mamaça,
 im manenemi, inic ypan nenemizque. Yuan yx-
 quich oquimochiuili in quauitl,inxiuitl,yuan inix
 quich itzmolintoc.

CAPITVLO. III. DE LA CREACION
del hombre, y del fin para que fue criado.

YNIC EY CAPITVLO ONCAN

moteneua, inquenin yehuatzin totecui-
yo Dios otechmochiuli in tlaltic-
pac titlaca, yuan intlein ipam
pa otichualoque.



Niquac ye oquimochiuli to
tecuiyo dios in tlalticpaſtli,
in cemanauatl, çatepan oqui
mochiuli in tlalticpac tlatatl
inic vel yehuatl ipan tlatoca-
tiz, yehuatl muchi itech mo-
nequiz, inixquich cema-
uac onoc: yuan oquimone-
quilti in yehuatzin dios, inic muchintin quitlaecol
tizque, quitlacamatizque inixquichtin itlachual-
tzitziuan. Auh inic noyehuatl, vel quimimacaxiliz
initeouh in itlatocauh, in cenca quimotlaçotiliz,
in quimoteotiz, in quimotlacamachitiz: inic vel y
paltzinco papaquiz, motlamachtiz, mocuiltonoz.
Auh achtopa oquimochiuli in oquichtli, in ticte-
neua achto tota: itech oquimochiuli in tlalli, ni-
man oquimotocayotili Adam. Nican vel neci no-
tlaçopilhuane, caçan titlaltin, caçan tlalli initech
otichualoque, çan tlalli in tonacayo: yehica caye

*Creaci
on del
hòbre.*

anquimottilia, ca iniquac momiquilia amouampouan, tlalli itic intoco: auh amo vecauhtica intlalli mocuepa ininnacayo. Yntla anquitoua, tleipampa, iniuh mochiua? Ca ipampa, ca çan tlalli initech oquiz tonacayo, çan tlalli initech quimochiuili totecuiyo dios. Ypampain, in tonantzin sancta yglesia, miecpa techilnamictia in quenin çan tlalli tonacayo, in çan titlaltin, inic amo titopouhtinemizque, canel tlalli çoquitl initech ochualoc tonacayo.



Oyuan monequi anquimatizque, ca iniquac oquimocencauili totecuiyo ininacayo in achto tota, niman oquimochiuili ini anima, in quiyolitiz, cenca tlaçotli, cenca maiztic, yuhquin angel: niman yitic ocó motlalili ininacayo achto tota, in çoquititech oquimoquixtili, inic vellachiez, vellacaquiz, velixtlamatiz. O cayuhquihyn inic oyocuyaloc, inic ochualoc yn achto tlatatl, yn ticocayotia achto tota. Auh çatepan, in yehuatzin totecuiyo Dios, oquimocochtlaxili yn achto tota Adam, auh yniquac yecocho, oquiualmoquixtilili ce iyomicucuil, yehuatl itech oquimochiuili ininacayo ciuatl, inic tlapiuiazque in cemanauac tlaca: yuan inic anquitzimotlalizque, in quenin çanitech iniyomotlan in Adam, oquimochiuili: amoma itech initzó tecon, amono itech inicxi, inic nepanotl cenca motla-

tlaçotlazque in oquichtli yuan in ciuatl, in teoyo-
 tica oquimocetilili totecuiyo dios: inie occenca
 nepanotl mocnelizque yuan mopaleuizque. Yuá
 occentetl oquimochiuili in anima yitic oquimo-
 tlalili in ciuatzintli inacayo, in omicicuilli catca:
 niman quimotocamaquili in totecuiyo dios, qui-
 motocayotili Eua: vel yehuatl achto tonantzin o-
 mochiuh. Yc cenca monequi anquimatizque, ca
 in yehuantin tonauan totauan, çan yeixquich in-
 quichiua tonacayo, auh in tanimá, çaniceltzin qui
 mochiuilia in dios, çaniceltzin yitic quimotlalilia
 in tonacayo. Y pampa inaxcan, ma yuhye in amo-
 yollo, yuh xieneltocacan, ca çan ymumextinin, in-
 intechpa otiquizque timuchintin: iniquac nenca
 tlalticpac, ca cenca miequintin in quinchihque
 ympilhuan: auh ynimpilhuan, çatepan otechih-
 que in tehuantin: yc cenca otimiequixque, oti-
 tlapiuixque yn nouian cemanauac: yuan in ame-
 huantin nican amochan, ca çan ye noyehuantin in
 techpa oanquizque.

CAPITVLO. IIII. COMO

nuestros primeros padres fue-
 ron pueſtos en el Paray-
 ſo terrenal.



DOCTRINA CHRISTIANA.

YNIC. IIII. CAP. ONCAN MOTE

neua in quenin yehuatzin totecuiyo dios

cenca qualcan, cenca yeccan o quimo

tlalili in achto tota Adá yuan Eua:

yuan in quenin oquimoyoli

tlacalhuique ininteyucux

catzin, ininteouh y

nintlatocatzin.

*Delpe
sado &
Adá.*



IN yehuatl achto tota, immoteneua
achto oquichtli, in quimotocayotili
to tecuiyo dios Adam, yuan in ach-
to tonan Eua: iniquae oquimmochi
uili, cenca qualcan, cenca yeccan in
oquimotlalili, cenca vel tecentlamachtican, cenca
teyolauialtican, itocayocan Parayso terrenal: inic
oncan vel quixcauizque in innemaquixtiliz, in teo
yotica innemiliz, inic amo çannen nemizque. Auh
in oncan Parayso, cenca mieçtlamantli immochi-
ua xuchiquaquauirl, vel oncan cenquiztoc inix-
quich mauiztic, in tzopelic xuchiqualli: auh nimá
quimmonauatili in yehuatzin dios, inic quiquaz-
que inye muchi xuchiqualli in oncan mochiua: y-
uan oquimolhuili, quimmomelauilili in tleipam
pa ochiualoque: auh yece ic oquimmonauatili, o-
quimonemachtli inicamo itech acizque, amo qui
szitzquizque, amonoquiquazque in itlaaquillo in
çan

çance tlanepantla icac xuchiqualquauitl: auh inic
 vel quimotlacamachitizque, inic vel quipiezque
 in itenauatiltzin, achtopa mieçtlamantli ic oquim
 mocnelili, oquimotlauhtili in cenca tlaçotli, in
 cenca tecuiltano, incēca tetlamachti: auh çatepan
 quimmocaquitili, quimmomachitili in quenin ni
 man miqizque, in tla quiquazque in yehuatl Adá
 yuan Eua, aocmo yulizque: yuan cenca ouí, cenca
 temamauhti in impan mochiuaz, totocoçque, aoc
 mo oncan nemizque in Parayfo terrenal: yuan ye
 quipolozque ini gracia totecuiyo: aocmono ite-
 tzinco pouizque. Auh in tlatecolotl, ipampa ca
 cenca moxicouani, niman oualla ceme yehuantin
 in angelome cateca, in ompa valuetzque ilhuicac, o
 quiztlacauico in ciuatzintli, in achto tonan Eua: o
 quiyoleuh inic quiquaz ixochiquallo quauitl, in-
 quimmocaualtili totecuiyo, in amo quitzitzquiz-
 que, in amo quiquazque. C, an in yehuatl achto to-
 nan, omotlapololti, oquiqua in xuchiqualli: nimá
 cequi oquimacac in inamic Adam: auh in yehuatl,
 çanipampa inic amo quitlaocoltiz iniciuah, o-
 quiceli, oconqua: ic cenca otlatlacoque in inumex
 tin, yehica ca oquitlacoque, oquipanauique in ite-
 nauatiltzin dios: auh in intlatlacol, amo çan quena
 mi, ca cenca tlapanauia inic vei, inic temamauhti:
 yehica ca vel yehuatzin in dios oquimotlatlcal-
 huilique: ca inic cenca vey mauiçotl intech quimo
 cla-

DOCTRINA CHRISTIANA.

tlalili totecuiyo, inic cenca quimmocnelili, amo cã
 quezquitlamantli ynic quimmomauicotili, ynic
 quimmotlauhtili. Auh iniquac otlatlacoque, ni-
 man impan omochiuh in yehuarl Adam, yuan ini-
 namic, impan oneltic in quimmolhuili totecuiyo:
 tel amo niman omic ininnacayo, yece çatepan, o-
 impan mochiuh im miquiztli, impan otlatocat,
 yuhqui inintecuiyo omochiuh. Niman iquac, omo-
 veinec ininnacayo, oquitlaueinamic ininanima:
 yuan niman ic oquipoloque intenyotl intocayotl,
 im mauicotl, in quimmomaquilica totecuiyo: yuã
 oquipoloque ynintlatocayo, ynintlacamachoca,
 ynic muchintin quintlacamatia itlachiualtzitzi-
 uã dios. Auh intechuatín, cabel timuchintin timpil-
 huan, intechpa tiquizque: ipampain, iniquac tiual-
 lacati tlalticpac, yecuel totech yetiuitz in tlatlacol-
 li, ye tlatlacolpan in tiuallacati: aocmo totech yeti-
 uitz in qualli yectli, im melauac inipan quimmo-
 chiuili totecuiyo dios in achto tota, achto tonan,
 çan muchi totech yetiuitz in tetolini in tetlapolol-
 ti: inic niman itech titomati tlatlacolli, in tlaueililo-
 cayotl. Auh ipampain, cenca moqualanalti in tote-
 cuiyo dios, cenca ic quimotlaelittili in achto tota,
 in achto tonan: niman quinalmoquixtili, quin-
 ualmototoquili in ompa Parayfo terrenal. Auh in
 ixqnichtin ipilhuan, inintechpa oquizque, in tlat-
 ticpac tlaça, muchintin yntech omoqualanalti,
 oquim-

oquimmo tlaelittili: matla tzonxiuitlipan ontzon
xiuitlipan macuilpoualxiuitl, in cenca moquala-
nalti, in amo moyolceuitzino: auh çanno ixquich-
cauitl tzauctimanca in ilhuicatl, ayac vel ompa ca-
laquia.

YZCATQVI YNIC VNTLA

mantli, initechpoui tlaneltoquiliz
tli, in ineltococa totecui-
yo DIOS ..

CAPITULO QUINTO, COMO
nuestro Redemptor encarno, para
librar nos del peccado.

YNIC MACVILLAMANTLI

Capitulo, oncan moteneua, inque
nin omaquixtiloque, otlaoco
liloque in tlalticpac tlaca:
yuan in quenin omona
cayotitzinoco itla
çopiltzin
dios.

Ynic

De la
redem
pción del
genero
huma
no.



Y Nic cenca yol-
ceuhcatzintli, y
uan inic cenca mo-
tetlaoculiliani to-
tecuiyo dios, amo
quimonequilti in-
yc ticépoliuzque,
yehica ca yeuatvel
icotechmochiuili í
ictictouellamachi
lizque, inic ticto-
tlaçotilizque. Y pá
pain, o quimone-
quilti in sanctíssi-
ma trinidad, teta-
tzin, tepiltzin yuá í spiritu sancto, inic valmouicaz
nican tlalticpac, in yehuatzin dios tepiltzin, inic o
me persona, inic o quichtli mochiuhtzinoquiuh, y
uan quimoceliliquiuh in tomaceualnacayo: inicye
huatzin techmopopolhuiliz inixquich totlatlacol
yuá inic techmotlapolhuiliz inilhuicatl. Ca intlaca
moyehuatzin techmopopolhuiliani totlatlacol, ca
aic vel poliuzquia, aic vel ilcauizquia, yehica ca a
yac occe vel quicempolozquia in tlatlaculli, in qui
chihque achto tota achto tonan: ayac vel quimo
yolceuilizquia in totecuiyo dios. Y pampain, cenca
totech omonec, yuan tocneliloca totlaocoliloca
omo-

omochiuh, inicyhuatzin monacayotitzinoquiuh
 dios ipiltzin, inic vel titomaquixtizque: tel vel qui
 quimochiulizquia in totēcuiyo dios, in itla occen
 tlamantli amo cenca oui, tomaquixtiloca mochi-
 uazquia, yece çan oquimonequilti inic yhuatzin
 techmomaquixtiliquiuh itlaçopiltzin, inic occēca
 tic̄totlaçotilizque: yuá inictiquitztimotlalizque in
 quenī cēca vei itetlauhtiltzī otictomaceuque: yuá
 iquenī cēcavei itetlaçotlaltzī otiquicnopilhuique
 inic otechmotlaçotili: ca otechmomaquili, totech
 oquimopouili in itlaçopiltzin, inic techmopaleui-
 liz, techmopatiliz, yuan techmotlanextiliz: yuan
 inic techmopolhuiliz in tixpopoyotiliz, in tone
 toliniliz, in vel tixcoyan oticmaceuhque, in tone-
 uian ic otitotolinique: yuan inic vel commatiz to-
 yollo, in quenin cenca vei itetlaçotlaltzin, iteicno
 ittalitzin in totēcuiyo dios topan oquimochiuli,
 in amo machiuhqui yezquia, in tla oquitla centla-
 mantli ic quimotlaitlanililiani talticpactlaca, inic
 vellaocolilozque, inic vel maquixtilozque. Auh in
 tla toyollocopa tiquilnamiquini hi, vel nelli cenca
 ic̄tipinauazquia, titotequipachozquia, inic muchi
 pa tic̄toyolitlacalhuitinemi totēcuiyo dios, in tic-
 chiuhtinemi inixquich nepapan tlatlacolli.

A Vh yuan monequi anquimatizque notlaço-
 pilhuanè, ca in yhuatzin itlaçopiltzin dios,
 in otechmomaquixtilico, ca itocatzin Iesu
 chri-

christo. Yn Iesus, ca quitoznequi temaquixtiani,
 yehica ca otechmomaquixtilico. Auh in christo. q.
 .n. tlaocalli, tlamamatillo: yehica ca in yeuecauh
 quimoçaya, quimmamatioya pahatica, iniquac
 quintlatocatlaliaya in veucintin tlatoque, in into-
 ca Reyes: imicpac quinoquiaya in ceca tlaçotli pa-
 hatl: auh yehuatin, inic ceca mauiztililoya, ic ma-
 coya in ceca vei tenyotl, tocatl: yuhquin ipá pouia
 in corona, in axcan imicpac tlalilo, manalo in Re-
 yes. Auh in totecuiyo Iesú christo, vel melauac inic
 motocayotia Christo, yehica ca totlatocatzin: vel
 yehuatzin otechmopalculico, otechmomanauili-
 co, inic aquen techiuaz, inic amo techtoliniz in to-
 yaouh tlatecolotl: yuan oquimopolhuico in-
 tlatlacolmiquiztli, inic omicticatca tanima: inic
 vel ipaltzinco tipapaquizque, titoyollalizque: yuá
 inic cenca veiyaz in totenyo in tomauiço: inic vel
 ipaltzinco tlanopilhuiz: motlamachtiz in tanima
 yuan in tonacayo: ca vel yehuatzin techmomaqui-
 lia in tocochca in toneuhca, yuan inixquich itech-
 monequi in tanima yuan in tonacayo.



Vh tlaximocaquitican, ca iniquac
 otlaimmantic, inyeoncá techmocne-
 liliz, techmotlaocoliliz, iniuh yehua-
 tzī oquimotlalili, oquimotecpanili,
 niman oualmouicac in dios ipiltzin
 nican

nicátlalticpac, o quimocuilico intomaceualnacayo
 ytictzinco in ciuapilli muchipa ychpuchtli Sancta
 Maria: auh ica in Spú sancto o monacayotitzino, y-
 tictzinco o quichtli omochiuhztino: yuá nimá no
 iquac, omochiuh ini animáztin, ic vel nelli o quich-
 tli, tlatatl omochiuh: ca o quimocuili intomaceual
 nacayo, in tiuhque, çan yeno yuhcatzintli omochi-
 uhtzino, yece occenca tlapanauia inic qualli inaca
 yotzin, inic chipauac, inic mauiztic, in çan niman a
 yac vel quimelauaz, ayac vel quitenquixtiz. Auh
 maciui in o quichtli omochiuhztinoco in ipiltzin
 dios, ca niman aic quenomochiuhztino inic teutl,
 amo ic omopatili, amo ic omocuep initeoyotzin,
 çan muchipa yuhcatqui, mocemacitica, motquiti-
 ca. Auh chiucnau metztli in itictzinco in ixilant-
 zinco moyetzicateca in muchipa ichpuchtli San-
 cta Maria: çatepan itetzinco omotlacatili. Y pami-
 pain, motocayotitzinoua in ciuapilli Sancta Ma-
 ria, inantzin in dios ipiltzin: auh ca niman amo ic
 opoliuh inichpochotzin, ca çan muchipa vel ich-
 pochtili, yn ayamo quimotlacatililia yn itlaçoco-
 netzin, ca muchipa ichpuchtli: auh iniquac yequi-
 motlacatililia, cano muchipa ichpuchtli: auh ini-
 quac oiuh quimotlacatilili, ca çan yeuel yuhcatzin
 tli, inic muchipa cemicac cenquizca ychpuchtli.
 Y nin axcan anquimocaquitia, in cenca mauçauh
 qui, in cenca vei itlamauiçoltzin totecuiyo dios, in
 oqui-

de la burguina?
 de la m. 2070

DOCTRINA CHRISTIANA.

oquimotlalili, in oquimotecpanili inic techmoma
quixtiliz, ca amo vel ancacicacaquizque, amo vel
ancacicamatizque, çan yeixquich vel xicneltoca-
can, ca çatepan yehuatzin amechmocaquitiliz, a-
mechmottiliz, amechmotlapolhuiliz initoptzin
ipetlacaltzin, (intla amocnopiltiz, intla amomace
ualtiz,) yuan intla cenca itetzinco anpachiuizque.

CAPITVLO. VI. DELA VIDA
y predicacion de Christo.

YNIC. VI. CAP. ONCAN MOTE
neua, in quenin tlalticpac monemiti di
os ipiltzin, yuan intlein oquimochiui
li, oquimotequipanilhui, yuan in
quenin topapa motlahiuiliti.

De la cõ
uersaci
on dñi hi
jo de di
os, y de
supasí
on.



Y N yehua-
tzinipiltzi
dios, in itlaço
conetzin san-
cta Maria, cẽ-
poualxiuitl õ-
matlaçtli o-
mei, in nican
tlalticpac mo-
nemitico: cen-
ca motolini-
tzinotiné, mi
cẽtlamatli co
coc

coc teopouhqui quimottititzino inipampa totla-
 tlacol, inic techmoyolceuililtzinoz irlaçotatzin,
 inic aocmo totech moqualanaltiz: auh canelli vel
 yuhqui omochiuh, ca vel topampa oquimouella-
 machtili, oquimotlacamachiti initlaçotatzin. Auh
 in nican tlalticpac, izcatqui inoquimochiuli in o-
 quimotequipanilhui, ca oquimotemachtili inite-
 nauatiltzin, initlatlaliltzin totecuiyo dios, (in vel-
 noyehuatzin,) yuan oquimotemachtili in Peniten-
 cia tlamaceualiztli, inic muchitlacatl tlamaceuaz,
 quitequipachoz, quichoçtiz initlatlacol, yuan inic
 yuicpa necemixnauatiloz ynixquich tlaueliloca-
 yotl: yuan oquimotemachtili, inic ipaltzinco dios
 netoliniloz nican tlalticpac: yuan inic necnoma-
 choz, inic chipauacanemouaz: yuan inic muchi tla-
 catl, qualli, melauac quimonemiliztiz, inic muchi-
 tlacatl chipauacanemiz: inic chipauac yez in teani-
 ma yuá tenacayo. Y nixquichin, in oquimotemach-
 tili, in oquimotequipanilhui, ca otli ypan poui,
 inic vel nemaquixtilo, inic viloua in ompa ilhuica-
 tlitic. Auh iniquac ayamo quimotzintilia, in aya-
 mo quimopeualtilia ynitemachtiltzin yn yehua-
 tzin totecuiyo Iesu christo, achtopa vel yehuatzin
 oquimochiuli, oquimotequipanilhui inixquich
 in çatepá inic omotenauatili, inic omotemachtili:
 yuan vel achtopa yehuatzin tixpan oquimotlalili
 machiotl neixcuitilli, inic tictoteputztoquilizque:

DOCTRINA CHRISTIANA.

yehica ca iniquac omotlacatilitzino nican tlalticpac, niman ocommotequilique immamaça intlaquayan, tetlaquaçtli ipan, cenca tecoco, cenca teto lini:auh inixquichcauitl nican tlalticpac omone-miti, muchipaitetzinco oquimopachilhui innetoli niliztli, in tlaihiouiliztli. Auh iniquac inye yuh monemitia, cenca quimotelchiuili inixquich tlalticpacayotl:yuan cenca mieçtlamantli tlamauçolli, teixpan oquimochiuili in nican tlalticpac, ic omonextitzino, in canelli teutl, nelli tlatouani, ixquich yueli yuan ipalnemouani. Auh inic vel commatiz toyollo, ca muchi qualli muchi yeçtli, muchi melauac inixquich otechmocaquitili otechmomachtli:ipampain, cenca mieçtlamantli veuei tlamauçolli oquimochiuili, inic oquimonelti lili, inic oquimochicauili initemachtiltzin.



Auh



A Vh çate
pan ini-
quac ye on-
can, ye immã
techmoma-
quixtiliz, çã
vel iyoloco
patzinco o-
mochiuh, y-
uan çan iyol
lotzin ota-
matic, inic o
momiquili:
yehica ca ni
man achto-
pa yuhquim
molhuili, y-

uan yuh quimmixpantiili, yuhquimmoyollamach
tili in itlamachtihuan, in cruztitech mamaçoualti
loz, yuan oncan momiquiliz: ca yuh quimotlalili, o
quimotecpanili in itlaçotatzin dios: inic vel imi-
quiztica, iclahiouiliztica momaquixtizque taltic
pactlaca: cayuhquin omouéchiuhtzino cruztitech
iniquac oncan motlahiouilti: inic vel ipampa in in
ventzintli, in cenca vei, incenca tlapanauia ic tlaço
tli, vel iquixtlaui, icuepcayouaz in totlatlacol, in ix
pãtzinco dios tetatzin: yuan vel totlaocoliloca, to

DOCTRINA CHRISTIANA.

cēquizcaqualtililoca mochiuaz in itlaihiouilitzin
 totecuiyo Iesu christo .Ca inie otech moyolceuilili
 itlaçotatzin, cenca tecoco, tetoneuh in itlaihiouiliz
 tli topampa oquimihiouilti inie oquichtli :cēca o-
 toneuac ochichinacac ininacayotzi, icvel oixtlauih
 ocuepcayouac in totlatlacol, inie oticōtoqualancui
 tilica itlaçotatzin. Yc vel neci, ca in itlaihiouilitzin
 totemaquixticatzin Iesu christo, inie topāpa omo
 uenchiuhtzino, vel cēquizcaqualli, cenquizca chi-
 pauac, cenquizca melauac, yuan cenca tlacamacho
 ni, cenca tlapanaui inie tlaçotli ixpantzinco itla-
 çotatzin, yehica ca vel icpoliui in totlatlacol. Yuan
 xismatican notlaçopilhuanè, ca in yehuatl in itlai-
 hiouilitzin, inimiQuitzin totecuiyo Iesu Christo,
 vel yehuantin talticpac tlaca in techpa oquiz, ye-
 hica ca çan in tlauelillocayotica, in nexicoliztica, y-
 uan innepoualiztica in oquimomiçtilique, ypam-
 pa in amo qualli in yollo, in amo qualli innemiliz,
 oquimomamaçoualtique : yehica ca niman amo
 vel oquipaccaihiyouique ini cenquizca qualtili-
 tzin, in melauaca nemiltzin totlaçotemaquixti-
 catzin Iesu Christo : amo canque, amo quicuique,
 amo quipaccaceli que inihyortzin in itlatoltzin, ini
 temachtiltzin, yuan in itenonotzalitzin, inie quim-
 mono nochiliaya, yuan inie quimmotlacaualtilia-
 ya in itechpa in imaqualnemiliz, in innetlapoltili-
 liz. Auh yehica ca cēca melauac in quimolhuiliaya,
 oqui-

*Lacan
 sa de la
 passion
 del hijo
 de dios.*

oquitecocamatque in itlatoltzin: yuan niman omonechicoque, omocétlalique, oquicétetilique ininyollo, inintlatol, oquicemitoque inic quimomiçtilizque: niman ixpan oyaque in Herodes, no yehuatl in Pilato, mieçtlamantli iztlacatlacatolli ic oquimotétlapiquilique: auh inic vel pachiuiz in in tlaue lilocayollo, amo çanquenin oquimopolhuique, ca cēca tepinauhti in ipan oquimochiuilique, yuan cēca tlapanauia inic oquimotlaihiouilti- que, ca vel nouian quezquixtique, quitzelti- que y ninacayotzin: auh in yhuatzin, cēca oquimopacacelili, oquimopacaihiouilti. Yc vel neci, ca cēca oquimeleuili in tonemaquixtiliz. Y pampain, cēca totechmonequi in itetzinco titixcuitizque, into cēyollocopa tictelchiuazque tlatlcpacayotl. Auh in tla quemmanian, itla tecoco tetolini topan mochiuaz, niman tiquilnamiquizque in quexquich topampa oquimihouilti in ipiltzin dios: inic çanno ipaltzinco titochicauazque. Auh ma ammo- mattin, aço yehuatl inic dios omomiquilitzino in totecuiyo Iesu christo, ca nimá amo: yehica ca inic dios, auel momiquiliz, amo vel motlaihiouiltiz, ca cemicac moyetztica, mocemacitica, aic vel quen- mochiuhtzinoz, aic vellamiz, aic poliuz. Aço an- quitoua, ca tlehuatl ipampa im mitoua, omomi- quili, yuan itech cruz omamaçoualtiloc? Xicmoca quitican, ca çá yehuatl inic oquichtli: ca inioquich

nacayotzin inicitzincó oquimoculi ciuapilli san-
 cta Maria, ychuatl in otlaihiouiltloc, yuan omicti-
 loc: auh ini animantzin, oquimotlalcauili ininaca-
 yotzin, ic cenca melauac immitoua, ca cruztitech
 omotlaihiouilti. Y pampain, cenca ticmauiztilia, ix-
 pan titopechteca in cruz: çan noyuh monequi an-
 quichiuazque, cenca anquimauiztilizque, ixpá am-
 mopechtecazque, amotel cenca ychuatl ipampa in
 cruz, yehica ca çan quauitl, çan tlatiloni, amo yuli,
 amotle tlaçotli itech ca, iniuh ye anquimottilia:
 auh inic ticmauiztilia, ipampa ca machiotl, tlan-
 namiconi, techilnamictia, tixpan quitlalia in itlai-
 hiouiltzin totecuiyo Iesu christo, inic tiquilnami-
 quizque, in quenin itech omamaçouaktiloc topan-
 pa, initech cruz motlatzinoticaca, inic imiquiztica
 otechmopopolhuili inixquich totlatlacol: ca oncá
 cruztitech oquimochipaui in tanima: yuá vel on-
 can otechmoyolceuilili in itlaçotatzin, yuan oncan
 itlaihiouiltzica oquimoxtlaui in intlatlacol ach-
 to tota, achto tonan, yuan ic omotlapo in ilhuicac
 tlatzacuilli. Auh iniquac omomiquili, niman oqui-
 motoquili que ininacayotzin: ic vel neci, ca nelli to-
 pampa omomiquili: yuan eilhuistica in omozcali-
 tzino, inic ticmatizque, yuan toyollo pachiuhtiez,
 ca nelli oquimopopolhui, oquimopanauili in itla-
 uelilocayo, in inepoualiz yuan in ichicaualiz tona-
 cayo: ca vel ipampa otoliniloc otlaihiouiltloc,
 yuan

*Lacau
 fa de la
 adora-
 cion de
 la cruz*

yuan cruztitech tepuztica ototococ in cenquizca
 qualli, cenquizca chipauac inacayotzin: yuan oto
 coc. Auh in amehuantin, çan noyuh monequi an-
 quichiuazque, anquitlatzacuiltizque, anquitlai-
 hiouiltizque in amonacayo, neçaualiztica, neme-
 cauitequiliztica: yuan in occequi tlamaceualiztli,
 ye anquitlaciauiltizque, ic anquitolinizque: ic vel
 anquimonemiliztoquilizque yn totecuiyo Iesu
 Christo: yuan ic vel itech ammixcuitizque ini Pas-
 sion, in itlahiouiltiztin, in ic topampa omotlahio-
 uilti, omomiquili yuan otococ: çan noyuh mone-
 qui tlamaceualiztica anquicnonemachitizque yn
 amonacayo, in ic muchipa tetlacamatiz, muchipa
 panauilo, muchipa telchiualoz, in ic amo yehuatl
 techpanauiz, yuan yuhquimma ticmiçtizque, tic-
 popolozque, in ic amo ticchiuazque in ic in tech-
 nequiltia, çan muchipa tiquelleltizque, yuan yuh
 quimma ticçtocazque, in ic aocçtle ic techtlapolol-
 tiz, techiztlacauiz. Auh in axcan, notlaçopilhuane,
 tlaxiccaquican, ca in yehuantin in vel quineltoça,
 in axcan oanquimocaquitique, muchipa vel ite-
 tzinco motemachitinemi, yuan vel itech mochica-
 ua motlapaltilia in itlahiouiltiztin totecuiyo Iesu
 Christo, in ic topampa omotlahiouilti, in ic to-
 pampa oquimonoquili itlaço ezçotzin, yuan in ic
 topampa omomiquili. Ynaquique yuhqui quichi-
 uazquehin, in quitolinizque, in quitlamaceualtiz

que ininnacayo, yuan in atleipá quitazque in itla çotlaloça, in ipapaquilti loca, in çanipaltzinco tote cuiyo Iesu christo quitelchiuazque, in iuhquimma tlacotli ipan quimatizque, ca nelli yehuantini vel quineltoça in neltoconi, (in axcan o toconteneuhque,) in itechpoui in inemilitzin yuan in iquitzin tote cuiyo Iesu christo.

CAPITULO. VII. DE COMO CHRISTO
fue sepultado, y descendio a los Infiernos.

YNIC. VII. CAPITV. ONCAN
 moteneua, in quenin otococ in inacayo
 tzin tote cuiyo Iesu christo : yuá in que
 nin ompa omotemoui in mic-
 tlan, in itocayucan Infiernos.

*Descen-
 dio a los
 infier-
 nos.*



MOnequi an-
 quimatizq̄,
 (notlaçopilhua-
 ne,) ca iniquac o
 momiquili ypil-
 tzindios, yuan in
 ocommotequili
 que tepetlacalco
 in acayotzin, in-
 yehuatl itiaço a-
 nim antzin nimá
 ompa omotemo
 ui in micctlan In-
 fier-

fierno , in ompa catca achto tota Adam yuan Eua,
yuan in occequintin cenca miequintin yecnemili-
ceque, immoteneua sanctos padres: ca in yehuan-
tini, in ocmonemitia tlalticpac, itetzinco omote-
machitinenca, quichixtinenca iniuallalitzin tote-
cuiyo Iesu christo: yuhcatca ininyollo, ca valmoui-
caz, yuan ompa quinalmoquixtilitiuh in tlaiho-
uiliztitlan. Y nin quimochiuili totemaquixticatzin
Iesu christo, icitixpan quimotlalili in cenca vei nec-
nomatiliztli yuan ic otechmonextilili inquenin cé
ca yuhquin quimamiquitiaya, quimoteociuitiaya
in tomaquixtiloca, in topaleuiloca: ca amo çan ye-
ixquich ic pachiuhiyollotzin, inic topampa omo-
miquili, inic cruztitech oquimocauili initlaçona-
cayotzin, yuan inic otococ, çannoyuan oquimone-
quilti in ompa motemouiz Infiernos, inic quinal-
moquixtilitiuh in ompa quimochieliticatca. Tel-
vel quinalmoquixtilizquia intlacanel amo ompa
motemouiani, çan oquimonequilti in motemo-
uiz, inic techmonextiliz inineçnomatilitzin, yuá
in cenca vei itetlaçotlalitzin. Nelli notlaçopilhua-
ne, inin ca cenca teyollali, cenca tepapaquilti: mo-
nequi icitoyoleuazque, inic notehuantin amo tà-
tlatmatizque, amo icitopouazque iniquac mieçtla
mantli ic tiquimicnelizque touampoua, immanel
impampa ticpolozque inixquich toutlatqui: yuan
immanel impampa timiquizque: ca inixquichin,
yuh

DOCTRINA CHRISTIANA.

yuhquin atle ipan poui, intla vel tiquitztimotlalican inixquich topampa oquimochiuli totecuiyo Iesu Christo: ipampa ca cenca quimoueicamachitia inin tetlaçotlaliztli, inic moeniuh tla, monepan icnelia in tlalticpaçtlaça, iniuh ticaquitilo inipan matlaçtetl teonauarilli: ca in etetl nauatilli itetzin co poui intotecuiyo dios, auh in chicontetl, intech poui in touampouan, inic nepanotl necemicneliloç. Auh in amehuantin, intla amoyollocopa xiquitztimotlalican, xiquilnamiquicanin, vel ic anquitopeuazque in amonepoualiz in amatlamachiliz: amo ic ammopouazque, iniquac itla ic anquin tlaocolizque amouampouan, in amocotoncauan amouilteccauan, yuan iniquac nepanotl ammotlaocolizque: niman amo ammociauhcanequizque initechpa teicnoittaliztli tetlaocoliliztli. Ca inianimantzin totecuiyo Iesu Christo, amo mociauhcaneç, inixquichcauitl ompa omotemoui in centlani Infernos, inic quinalmoquixtilito in ompa catca in çualtin tetauan, in quimotlaçotiliaya, in quimochieliticatca yuallaliztin.:



YNIC. VIII. CAPITV. ON-
can moteneua, inquenin eilhuiti
ca omonomaizcalitzino tote-
cuiyo I E S V Christo.



A Vh inianimantzin, ye
ilhuitica in occeppa y
ticocalac in itlaçonacayo
tzin, ic omonoma izcali
tzingo, omonomayoliti: y
pampa caamo monequia
in tlalli mocuepaz incen-
quizcaqualli in acayotzin
in itetzinco catea in dios.
Inic velanquimocaquitiz
que in ineltoconi, mone
qui anquimatizque: caini

*Resur-
rección d
christo.*

quac ye omotlahiouilti, yuan omomiquili totecui
yolesu christo, nimá occeppa oquimocuili in inaca
yotzin, inic vel yótlamanixti itechpa mocétlamach
titzinoz. Ynic cétlamantli, yehuatl ini animátzin,
inic vntlamátli, yeuatl in inacayotzin. Auh ipápain
miecpa oquimmonextili in itlamachtiltitziuan,

inic

DOCTRINA CHRISTIANA.

inic vel in yollo pachiuiz, in cayenelli omozcalitzi no. Auh iniquac yeiuh ompoualilhuitl mozcaltzi no, yenoceppa quimmomachtli, quimmoyolpachiuitli, yuan quimmochicauili inipá tlaneltoquiliztli, inic vel quimattiez inyollo, ca yehuatzin in nelli dios yuan oquichtli, iniuh achto quimmolhuilica, in ayamo momiquilia: yuan ipampa in quimonequilti in eilhuitica mozcaltzinoz, inic vel comatiz inyollo Iudiosme, ca nelli ipiltzin dios in oquimomamaçoualtli que, in atle ipá oquittaque: yuá inictimatizque, cainquenin yehuatzin omozcalitzino itechpa in acayotzin, çan noyuh teoyotica yuantzinco otiyolque otitozcalique: vel yehuatzin oquimozcalili, oquimochicauacatlalili in tonemiliz, in toqualtiliz, yuá intotlamatcayeliz: ca ixquichin, initechpa oquiz itlahiouilitzi in itlaçomiquitzin: auh in quenin yehuatzin imiquizticayuan itlahiouiliztica oquimocuili in cenca vei tenyotl mauiçotl, iniquac omozcalitzino, çan noyuh qui tomacèualtiz tocnopiltiz, vel ticpanauizque intla tlacolli in iniquia tanima, yuan vel tiquimpinauizque in toyaouan, (intla titlamaceuacan, intla titlahiouican, yuan intla ticchiuacan in ixquich qualliyectli.)

NOyuan monequi anquimatizque, yuan anqui neltocazque, ca iniquac ontlamiz cemanauac, occeppa valmouicaz in totecuiyo, moteuçlatolti quiuh

quiuh, motetlatzontequililiquiuh: timuchintin ti-
 yulizque titozcalizque: in tanima oceppa itic ca-
 laquiz intonacayo, iniuh oipantzincó mochiuh in
 totecuiyo Iesu christo. Yuan xicmaticá, ca iniquac
 á moyolmelaua, in ápopolhuilo amotlatlacol, (ini-
 uhquíma teoytica amizcalilo) céca amotechmo-
 nequi in aocmo ceppa antlatlacoq̄: yehica ca itla
 oceppa xitlatlacocá, nimá oceppa ámiquizq̄, ini
 techpa amanima: auh amo áquimati aço amolhuil
 tiz inic oceppa ámozcalizq̄: yehica ca ayaxcá, céca
 cui inic oceppa teoyotica nezcalilo. Auh in axcan
 notlaçopilhuane, ye oáquicacq̄, in onamechilhui, i
 onamechmelauili initechpa in quení yehuatzin to
 temaquixticatzin Iesu christo, oquimpopolo oquí
 totocac, yuá oquimpanauí intoyaouá tlatlacateco
 lo, inica itlahiouiilitzin inipassiõ, yuá ica itlaçoeço
 tzin, in topápa oquimonoquili, yuá ixquich icoqui
 mopopolhui in totlatlacol, inic otechmotlacauati
 ca, inic otechmaxcatica diablo: yuá ic quimoyolce
 uili in itlaçotatzin. Auh inic omamaçoualtiloc, otlá
 ihouiilitloc itlaçonacayotzin, ic oquimopanauili,
 inichicaualiz, in itlauelilocayo tonacayo. Auh inic
 omotemoui miçtlan, ic oquimocuilili iniuelitiliz,
 inichicaualiz tlacatecolotl, yuá in ixquich itlatoca
 yo, in oquitecuilica, in oquichtecca, in oquimaxca
 tica. Auh inic omozcalitzino, ic oquimopopolhui
 in ixquich itetoliniliz itechichinatزالiz miquiztli.

DOCTRINA CHRISTIANA.

Yc neci, ca ixquichtin oquimmopopolhui in to-
yaouan: in tonacayo, in tolatlacol, in Inferno, in-
tlacatecolotl, yuan immiquiztli. Y pampain, cenca
amotechmonequi in ixquich amotlapal anquichi-
uazque, in ic vel inuicpa ammopiezque in yehuan
tin amoyaouan. Noyuan vel amotechmonequi, in
cenca ic ammocnelilmatzque ixpátzinco in dios,
in ipampa ixquich ic oamechmocnelili: cenca an-
quitztimotlalizque in ixquich amocneliloca amo-
tlaocoliloca, in ic nocenca anquimoyecteneuiliz-
que, anquimotlatlau htilizque.

*Ascen-
sion de
christo.*



*CAPIT. IX. De la glo-
riosa ascension de Christo.*

YNIC. IX. CA.
oncan moteneua,
inicomotlecauito
tecuiyo Iesu Chri-
sto ilhuicatlitic.

A Vhiquac o-
quiz ompoua
lilhuitl, in yehua-
tzin totecuiyo Ie-
su Christo, in ic o-
quichtli, m otleca-
ui in ilhuicac, ini-
quac

quac ye omonomaizcalitzino : imixpá in itlamach
 tiltzitziuan immotlecauí: yuan impan oquiualmi-
 uali in spirítu sancto, in ic quimmocheauiliz, quim
 moyollaliz, in iuh yehuatzin achtopa quimmol-
 huili . Auh iniquac oualmouicac spiritu sancto, ni-
 man ic otlanextililoque, yuan vel otlapouh in imix
 ininyollo, inintlacaquiliz initechpa ixquich quim
 molhuili totecuiyo Iesu Christo: yuan tetlaçotla-
 liztica vel iuhquin otlatlac inyollo, in ic cenca o-
 quimotlaçotilique dios: yuan in ic ixquich oquitel
 chihque tlauelilocayotl: ic cenca ochicauac in in-
 yollo, in ic vel nouian quitemachtizque itlatoltzin
 dios, initechpoui tlaneltoquiliztli: yuan in ic nouiá
 quiteiximachtizque in itenyotzin in imauicotzin:
 yuan in cenca mauicauhqui itocatzin totecuiyo Ie-
 su christo: yuan in ic ayac quimacacizque, in teixpá
 ayac quimamatizque, iniquac temachtizque: yuan
 in ic quipaccacelizque immiquiztli, iniquac tlaihi
 youiltilozque ipampatzinco in temaquixticatzin.
 Auh canelli yuh oquichiuhque, in ixquicheauitl o-
 momiquilique. Y nin axcan oticteneuhque, in itino
 notzalo, ic titlaquammaco, in ic notehuantin, in oc
 nican tlaticpac tinemi, titoyoleuazque, tictocui-
 tlauique, in ic vel ompa tiazque ilhuicatlitic. q. n.
 ca in ixquich totlaeleuiliz, ompa tlecoz in ilhuicac,
 muchipa ompa itztinemiz itoyollo: yuá yuhquin ti
 camictinemizque, tictocuihtinemizque in ilhuica

cayotl:inic çanyeyyo iuellamachtiloca, itlaçotlalo
 ca totecuiyo dios tiçtemotinemizque, ti queleuiti-
 nemizque:ca intla yuh ticchiuazque, niman topá
 valmotemouiz in spiritu sancto, quimotlanextilili
 quiuh in totlacaquia, inic vel ticcaquizque iniz-
 quitlamantli itechpoui tlanelto quiliztli: yuá tech
 moyoleuiliz, yuhquin quimotlatiliz toyollo, in to
 tlanequiliz, in tocealiz, inic cenca tiçtotlaçotiliz-
 que, tiçtomauiztililizque, yuá tiçtotlacamachitiz
 que:yuan inic titonomatelchiuazque: çaniceltzin
 occéca tiçtotlaçotilizque. Yntla yuh ticchiuazque
 yn, ca yuhquimma ipampatzinco timiqui totecui-
 yo dios:vel neltiliztica, vel melauac inic motocayo
 tiz teoyotica martyrio, inic çan vel ipampatzinco
 micoua totecuiyo dios. Y uan monequi anquima-
 tizque, ca inyeyuh ompoualilhuitl omozcalitzino
 totecuiyo Iesu christo, niman omotlecauitzino in
 ilhuieatlitic. Yc ticaquitilo, timelauililo, ca inipil-
 tzin dios, iniquac omotlahiouilti, in oquimottili
 cococ teoponhqui tlalticpac, inic oquimotlacama-
 chiti itlaçotatzin, yuá inic oquimoneltilili ixquich
 itetlaçotlaltzin, niman omotlecauitzino in ilhui-
 cac, imayauhcampatzinco motlaltzinoto in itla-
 çotatzin dios. q.n.ca inyehuatzin dios tetatzin, o-
 quimotlatocatlalili in itlaçopiltzin, inic muchi qui
 mopachilhuiz, nouian motlatocayetztiez, yuan çá
 niceltzin nouian tlacamachoz, canel muchintin
 oquim-

oquimmopanauili, oquimmopopolhui inixquich
 tin yiaouan. Auh inic vel omochiuhin, in yehua-
 tzin itlaçotatzin, iyollocacopatzinco oquimoma-
 quili yniuelitiltzin: ytettzinco oquimocauili-
 li inixquich tetlatzontequililiztli. Ypampain, vel
 monequi amoyollo pachiuhtiez, caintla nican tlat-
 ticpac tlatelquipanozque, titlahiouiuzque, yuan
 intla ipaltzinco totecuiyo dios, cococteopouhqui
 tictottitizque, intla itetzinco titixcuitizque in to-
 temaquixticatzin Iesu christo, cano ompa tiazque
 in ilhuicac. Auh inic oquimonequilti immotleca-
 uiz ilhuicac, in aocmo tictottilizque tlatiticpac, ca
 ipampa inic teoyotica tictotlaçotilizque. Auh ca-
 nelli, vel iquac tictotlaçotilia, iniquac tictocemma
 quilia in toyollo, inixpantzinco ticuèchiua: in vel
 icenuictzinco tictlachieltia, in icemmaçtzinco tic-
 caua in toyollo in totlalnamiquiliz, inic ticcennel
 toca inixquich itlatoltzin yuá itlacemitoltzi. Auh
 noyquac cenca teoyotica tictotlaçotilia, iniquac
 ixquich ticpia in itenauatiltzin: yuan iniquac amo
 itech vetzi toyollo in tlatiticpacayotl, in çan muchi
 pa ilhuicac çuetztinemi tanima, in totlalnamiqui-
 liz: canel ompa ca inixquich tonecuiltonol, inix-
 quich tonetlamachtli. Ic cenca totechmonequi in
 tetzinco titochicauazque, yuá tictelchiazque in
 atle ipan pouhqui, in çan tlaçolli momati, in yemu-
 chi tlatiticpacayotl: ca nelli, niman amo vel itech-


moneneuiliz in ilhuicacayotl.

Y Nicvalmouicaz totecuiyo Iesu christo nicá tlat-
 tiepac, inie motetlatzôtequililiz, quincecni mo-
 teneuaz. Auh initechpatzincó Spúsancto, nican mi-
 roz: yuá oeno mitoz inipan imelaauaca cófirmació.
 Auh inie muchitlacatl mozciliz, yuan inquen in ce-
 micac yuliuaz quimmuchi mitoz, iniquac tió tene-
 uazq̄ iquení motetlatzôtequililiquiuh totecuiyo.

CAP. X. DEL AVENIDA DEL SPIRITV SANCTO.

YNIC. X. CAP. Y TECHPA TLA-
 toua iniuallalitzin Spiritu sancto.

*La ve-
 nida del
 Spiritu
 sancto.*



O Motlecaui in il-
 huicatliticimix
 pan in itlamachtli-
 huan. auh oquiual
 miuali in Spú sane-
 to, inie quimochi-
 cauiliz, iniuh ach-
 topa quimmolhui-
 lica. Auh ī oualmo-
 uicac, in oimpá val
 motemoui icnimá
 otlachixque: auhic
 otlanextililoc in in-
 tlacaquiliz initech-
 pa yzquitlamanthi
 oquicacca, in quimmolhuilica totecuiyo Iesu christo.

Auh

Auh inítlanequiliz, iuhquin otlecomú, velieoté in
 teotlaçotlaliztli, in itoca charidad, inic cēca quimo
 tlaçotilique totecuiyo dios: yuá inic quintlaeltiz in
 ixquich tlatlacolli: inic quicētelchiuazq̄ in ixquich
 tlauelilocayotl. Auh ininyollo, cēca chicauacyez, in
 ic quitemachtizque, yuá quimoteiximachtilizque
 incēca mauiztic itocatzī, yuá inineltococatzin, mu
 chitlacatl ixpá quiten euazque, ayac quimacacizq̄,
 ayac ixpá momamatizque, ayac quimauhcaittazq̄:
 yuá inic quipaccacelizq̄ inmiquiztli (in itoca marty
 rio,) iniuh impá mochiuh, in ixquichica momiquili
 que, inic omotlecauique ilhuicac. Inyeuatli, iētiyo
 leualo, inic no ompa titelecozque, cenca tiētocuitla
 uizque inic ōpa tiāzque. q. n. cavel ōpa ilhuicac yez
 in totlaeleuiliz: cēca ompa onuetziz in toyollo: yuá
 muchipa itetzinco pilcatiez in dios. In tlahuā ticchi
 uazqueī, canimá valmouicaz in spū sanēto, techmo
 tlanextililiquiuh: inic velticcaquizq̄, ticmatizq̄ in ix
 quich mauiztic itechpoui tlaneltoquiliztli: quimo
 tlanextililiquiuh in toyollo, yuá teoyotica quimotla
 tiliquiuh, iuhquī tlecomoniz initechpa itlaçotlalo
 ca dios: yuá inic muchipa titocēcauhtiezq̄, vel tocē
 yollocopa tiētotlacamachitizq̄, ticchiuazq̄, ticnelti
 lizque, tiētzunquixtizq̄ in itlanequiliztlin: vel toyol
 locopa titolcauazq̄, inic occēca tiētocuitlauizq̄ in
 tlaçotlalo ca. Ca yeuatlin, immoteneua nelli marty
 rio, inic teoyotica ipápatzinco timiqui totecuiyo.

DOCTRINA CHRISTIANA.

CAPITULO. XI. DELA VNION VNI-
uersal dela sancta Yglesia.YNIC. XII. CAP. ONCAN MOTENE-
ua ininnecentlaliliz inixquichtin Christia-
nome, immoteneua Sancta yglesia.La san-
ta ygle-
sia.

Y Van monequi
anquinelto caz
que in sancta ygle-
sia, quitoznequi.
ininnecétlaliliz ix-
quichtin christia-
nome. Inic mome
lauacacaqui, qui-
toznequi, ca intla
nel cenca mieccan
cémantoque, chayauatoque christianome, ca çá cé
tlamátli inquinelto ca. Auh ipápá motocayotia san-
cta yglesia, yehica ca oquimoteo chiuli, oquimo-
qualtilili, yuan oquimochipauli in totecuiyo Iesu
christo. q. n. oquinmocéquizcaqualtilili inixquich-
tin itlanelto cacauan, in çáce dios quimoneltoqui-
tia: yuá çan velce inintlaneltoquiliz: yuá ca neneuh
qui inic quicelia yatzin dios, in itoca baptisimo, yuá
çaniceltzin quimotlacamachitia in totecuiyo Iesu
christo: auh ipápain, motocayotia céquizcaqualli
Iglesia, yehica camuchítin itetzico poui itotecuiyo
Iesu christo: yuhquin intzontecon mochiuhtica in
vel

vel muchipa quimocenneltoquitia , quimotlaca-
 machitia,yuan quimotlaçotilia : auh in yehuantin
 itlaneltocacauan,yuhquimma imauan,icxiuan ipá
 poui,inic çá vel cettiticate yuátzinco totecuiyo Ie
 fu christo.Nican ticaquitilo,inquenin céca totech
 monequi tiçtotlacamachitizque yuan tiçtotlaçoti
 lizque in totemaquixticatzin Iesu christo : yehica
 ca itetzinco tipoui ininacayotzin.Yuan cenca mo
 nequi yuian yucuxca ixpátzinco titonemitizque,
 inic çance yez toyollo,çance yez in totlamatcane-
 miliz,in tonecétlaliliz:nepanotl titotlaçotlazque,
 titopaleuizque . Auh izcatqui inic ticmauiztiliz-
 que sancta yglesia.Tocenyollocopa tiçtotlacama-
 chitizque,ticchiuazque intleinictechmonauatilia
 yuá ticcuizque ticanazque initenonotzaliztin : cé
 ca toyollocopa ticpaleuizque,ticanamiquizque:
 yuan cenca tiquintocuitlauizque , tiquimpaleuiz-
 que inixquichtin quimotlaçotilia totecuiyo dios,
 in nelli itetlayecolticauan,in quixcautinemi itlae
 coltiloca,yuá in quitemachtitinemi,inquiteittiti
 nemi qualli nemiliztli:in amo çaniyo intlatoltica,
 çan noyuan inqualnemiliztica , inquallachiualiz-
 tica.Ca in yehuantini,niman amo elletiloni, amo
 monequi in aca quimelleltiz, in aca quintlacaua-
 liz:ca inaquique quintlacaualtizque, céca vei inic
 quimotlatzacuutiliz totecuiyo dios,céca intech
 moqualanaltiz.

DOCTRINA CHRISTIANA.

CAPITULO. XII. DELA COM- munion de los Sanctos.

YNIC. XII. CA. YTECH pa tlatoua ininnecentlali liz Sanctome.

Commu-
nion de
los san-
ctos.



A Vh ipampain, im-
mitoua. Sanctorum
cómunioné, quitozne-
qui. Ca itetzinco tipoui
in totzôtecon Iesu chri-
sto. Yc cenca totechmo
nequi in timuchintin,
titonepan tlaçotlazque
titonepan ycnelizque,
nepanotl titonànami-
quizque, yuan nepa-
notl tictomacazque, ne
panotl tictoxelhuiz -

que in tlalticpacayotl, initechpoui tonacayo: yuan
titonepan icnelizque in teoyotica, initechpa in ta-
nima: céca toyollocopa impampa titlatlatlauhtiz
que in touampouan, inic noyehuantin, topampa
quimotlatlauhtilizque in icel teutl dios: cayuhca
tonauatil, in tiquimpaleuizque, tiquintlaçotlaz-
que ixquichtin touampouan, in tlalticpac mone-
mitia, in anoco omomiquilique.

Cap.

YNIC. XIII. CAP. Y TECHPA

tlatoua, in tlatlacolpoliuitli.



IN omoteneuh, ic timachtilo, timelauililo ca in octineminican tlat ticpac, çã vel ipampa ini tlahiuilitzin totecuio Iesu christo, vel poli uiz intotlatlacol, intla nel amo tlapoualli, intla nel cenca miec: yuan ca vel oceppea itetzinco ti pouizque, itetzinco ti

*Remis-
sion de-
los pec-
cados.*

pachiuizque: auh in yehuatzin, vel oceppea techmopaccaceliliz, techmotlaçotiliz, vel ti quicnopilhuique ini gracia. Y pampain, cenca totechmone qui ic tipapaquizque, titotlamachtizque: yuan cenca ic titocnelilmatizque, inixpantzinco dios, inipã pa izquitlamantli ic otechmocnelili, ic otechmotlaocolili: ca nelli cenca vei, cenca tlaçotli initlahiyouilitzin, inimiquitzin totlaçotemaquixticatzin Iesu christo: auh ca tocnopiltiz, tomaceualtiz in cẽ ca vei itetlaocolilitzin, intla toyollocopa ticchiuazque Penitencia, inipampa ixquich totlatlacol:

yuan intla oceppa iuictzinco titocuepazque. Inin
 ca yenelli, ye melauac inoanquimocaquiti que. Ipá
 pain, macamo ximoxiuhatlacan, macamo ximoço
 tlaucan, macamo ximotlauelnequican, macamo
 xitlatlauelchiuacan, macamo ximociauhcanequi-
 can: çan itech ximochicauacan in cenca vei itetlao
 colilitzin totēcuiyo. Ca intlanel amotlapoualli a-
 motlatlacol, yece intla amoyollocopa xicnelto-
 canin, yuan intla ximonemiliztican, canimá amo
 amechmotelchiuiliz in totēcuiyo dios: çan occen-
 ca mieçtlamantli mauçauhqui amopan quimochi
 uiliz, cenca amechmopaleuiliz, amechmocuitlaur-
 tzinoz: ca yuh oquimocemmitalhuilili, oquimmo
 teneuilili inaquique vel quimoneltoquitiz que :ye
 hica ca intlaneltoquiliztli, vel iuiepa icçtitoma quix
 tia intlayuualli. Y pampain, amotechmonequi, ye-
 huatl anquitocazque, immacaçan otli, ca yehuatl
 amechittitiz intlein vel itechmonequi amanima:
 yuan quichipauaz in amotlacaquia, inic atle itech
 pa motlapololtiz: yuan amechiximachtiz in tote-
 cuiyo dios, amechittitiz intlein qualli áquichiuaz
 que: auh intlein amo qualli, anquitelchiuaz que: ca
 vel yehuatl intlaneltoquiliztli ic ammomaquixtiz
 que.

DE LOS DIEZ MANDA

mientos de nuestro Señor


Dios.

YZCATQVI INITLATLALILTZIN, inuenauatiltzin ycel teotl dios: in quimonequiltia
 tiçtonemiliztizque. Ynaquin vel quimonemiliz-
 tiz, in vel quipiez, quimaceuaz, quicnopilhuiz in
 cemicac papaquiliztli, in totech oquimopo-
 uili. Auh inin teonauatilli, ca matlaçtetl:
 in achto moteneua etetl, ytechpoui
 inimauiztli loca totecniyo Dios:
 auh in occhicontetl, intech
 poui in touápouan, inic
 tlaçotlaloçque, pale-
 uiloçque.:

*Los di-
 ez. ma-
 dami-
 tos & di
 os.*

CAP. XIII. DEL I. MANDAMIENTO.

Y NIC. XIII. CAP. ONCAN MOTENE
 ua, inic centetl teonauatilli.



YNtimuchintin, cato
 ueinauatil, inic achto
 pa velyehuatzin tiçtotla
 çotilizque in dios, ipá ix
 quich, çá vel iceltzin to-
 cēyollocopa tiçtonelto
 quitizque, yuan tiçtotla
 camachitizque, tiçtotla-
 çotilizque: yehica ca çan
 iceltzin nelli tlatouani,
 tloque nauaque, ipalme-
 mo-

*Primer
 mada.*

DOCTRINA CHRISTIANA.

mouani: çaniceltzin otechyocox, otechmochiuili.
 Yc cenca amotechmonequi, in anquincételchiuaz
 que, anquincemilcauazque in yehuantin anquim
 moteotiaya, in amechtlapololtiaya, in tlatlacateco
 lo: çaniceltzin occenca anquimotlaçotilizque in
 totecuiyo dios: amo cenca yuh ammotlaçotlazque
 in amehuantin, in amonauan, amotauan, in amoci
 uauan, in amopilhuan: yuan amo cenca yuh anqui
 tlaçotlazque in amaxca, amotlatqui: muchi anquil
 cauazque, amo itech vetziz in amoyollo, atleipan
 anquittazque, inic vel anquimocentlaçotilizque
 dios: yuan çaniceltzin itetzinco ammotemachiz-
 que, itetzinco ammocauazque: çaniceltzin anqui-
 mitlanilizque in ixquich amotechmonequiz: yuh
 quin vel amotatzin ipá anquimomachitizque: auh
 canelli vel amotatzin, amotlatocatzin, amotetlao
 colilicatzin: yehica caçan iceltzin vel amechcuil-
 tonoz, amechtlamachtiz, amechmomaquiliz in nel
 li necuiltonolli, in quimopielia in ompa ilhuica-
 tlic: ca in ixquich tlalticpacayotl, çan tlamiz, tzon
 quiçaz, çan poluiz: muchi anquicauhtiazque ini-
 quac ammiquizque. Y panpain, namechtatlaniz-
 nequi: tlaxiccaquicá notlaçopilhuane, iniquac mi
 quizque in amotauan in amonauá, in amociuauá,
 in tlanel cenca miec necuiltonolli amechcaulitiaz
 que, iniquac ammiquizque, cuixcequi anquitquiz
 que? Yuan in axcan amixcoyan anquippia in amax-

ca amotlatqui? Ca nelli namechilhuia notlaçopilhuane, ca amo, ca çan yehuatl anquitquizque, çan yehuatl amotech yetiaz intlein qualli yeçtli oanquichiuhque nican talticpac. yuan in amoqualne miliz, in amoquallachiuiliz, in ic amocenyollocopa oanquimotlaçotilique totecuiyo dios. Ca nelli çan yehuatl ye nemaquixtilo in itlaçotlaloca dios: in ic vel pielo in ic centetl teonauatilli: ca in aquin vel quipiez in in teonauatilli, yuhquin ye omuch quipix in occequi teonauatilli in ic motenauatilia totecuiyo, ca çan yehuatl ye nemaquixtilo, ic tlanopilhuilo, çan yehuatl ye viloua in ilhuicatlitic. Auh in aquin amo quipiez, in çan quitelchiaz, ca vel ic quimotitiz, ic quimomaceuiz in ixquich ne toliniliztli. Yn aquin icenyollocacopa quimotlaçotilia dios ipan ixquich, ca nelli vel yehuatl quitelchua in ixquich talticpacayotl, in çan ipampatzin co dios: yuan çan yeixquich, çan yeiyo quinequi, çan yeiyo queleuia intlein yehuatzin quimonequiltia: vel icenyollocacopa quimotlacamachitia, yuan çanyeiyo quitemotinemi in quimonequiltia in iuelmach. Ynin axcan anquimocacuitia norlaçopilhuane, canelli amopan mochiuaz, amopan neltiz, in tlaçac anquimotlatlacalhuilizque, in tlaçac anquichiuaz que in iyolitlacolocatzin totecuiyo dios. Caintla vel amocényollocopa ximocentla çotilican, aic vel anquimotlatlacalhuilizque, yuan

aic vel ammotlapololtizque , aic anquitlacoque
 inite nauatiltzin. Auh ipampain, vel xicmomachil-
 tican notlaçopilhuane, ca amo çan itla, ca cêca vei
 initlaçotlalo ca dios, inic tinauatilo in ticotlaçoti
 lizque ipan ixquich: ca cêca tlacêpanauia inic ma-
 uiçauhqui. Yc cenca amotechmonequi in anqui-
 motlaçotilizque tote cuiyo dios, inic noyehuatzin
 amechmocneliliz amechmotlaçotiliz. Ma ixquich
 amotlapal xicchiuacan, inic vel muchipa amoyo
 leuhtinemizque initechpa itlaçotlalo catzin : inic
 vel commatiz amoyollo , inca amo çan tlapoualli
 ic oamechmotlaocolili, inic oamechmotlamachti
 li amotlaçotatzin dios, yuan initlaçopiltzin tote-
 cuiyo Iesu christo. Ca intla yuh xicchiuacanin , ic-
 vel anquitechiuazque, ic vel anquitalcauizque in
 ixquich tlatlacolli, in tlauelilocayotl: yuan vel ic an-
 quimopielilizque inite nauatiltzin , immoteneua
 mandamientos. Y pampain, inaxcan, ma vel xicmo
 neltoquitican, ma vel itetzinco ximotemachican,
 yuan cenca xicmotlaçotilican inicel teutl dios.

CAPITULO. XV. DEL


*Segundo mandamiento de
 nuestro Señor.*

Y NIC. XV. CAP. ONCAN

moteneua, inic ontetl

teonauatilli.

Ynic



Y Nic vn- *Il. mā-*
 tetl ite- *damō.*
 nauatiltziu
 dios, yeuatl
 immitoua,
 macamo çá
 nen xiçtla-
 piçteneua y
 nitocatzi di
 os: yehica
 ca in yehua
 tzin vel cen
 quizca yec-
 teneualoni,
 mauiztililo

ni. Y c cenca amotechmonequi, in amo amiztlaca-
 tizque inixpátzinco dios. Auh intla itla ic iuiçtzin
 co ammonetoltizque, nimá amoyollocopa anqui-
 chiuazque, anquineltilizque, (intla qualli ic oam-
 monetoltizque.) Y uan cenca amotechmonequi, in
 amo anquinneltocazque inteixcuepanime, intetla
 chiuiani, immecatlapouhque in tlaolli quichaya-
 ua, in atlan teitta: y uan muchipa vel melauac, vel
 neltiliztli in xiquitocan: macamo xitetlapololti-
 can, macamo iztlaca tlatolli xiçtemachtican: y uan
 macamo çan xicpiquican, macamo çan xicyucu-
 yacan intlein ic antenonotzazque iniuh quichiu
 in

in yehuantin in quitlacoznequi teotlatolli, yuá in-
 tlaneltoquiliztli: çan niman amo neltoconi in teiz-
 tlacauianime. Auh macamo xicteneuacan in itoca-
 ztin dios, in ipan auillatolli, anoço iztlacatiliztli, ca
 ic anquitlacozque inin teonauatilli, in axcan ta-
 mechmelauilia: maçan muchipa xicmoyecteneuili-
 can, xicmotlatlauhtilican, ixpantzinco ximocnelil-
 matican in ipampa ixquich oamechmomaquili. cē
 ca xicmotzatzilicā, xicmonochilican in ic amech-
 mopaleuiliz: yuan xicmocuitican, xicmomachito-
 cacan, ca nelli çaniceltzin itetzinco ampoui: auh
 ma vel yuhquin amotatzin ipā ximatican: xicmi-
 tlanililicā in çaçotlein amotechmonequiz: yuan in
 ic occenca anquimouellamachtizque: çaniyo y-
 quac anquitencuazque in itocatzin, iniquac itla a
 mechtequipachoz, amechnentlamachtiz, in ic a-
 mechmopaleuiliz: yuan iniquac itla anquineltiliz-
 que amoneltiliztlatol, yuan iniquac itla ic antlatla-
 nilozque initechpa neltiliztli.

CAPITULO. XVI. DEL

Tercero mandamiento de
 nuestro señor dios.

YNIC. XVI. CAP. Y TECHPA

latoua, in ic etetl teonauatilli.





INic etetl teonauatilli,
ca yeuatl inic vel pieloz
in domingo, yuā inihuitl
q. n. ocmocauaz in tlate-
quipanoliztli, netlayecol
tiliztli, çan ixcauiloç in tla
elatlauhtiliztli: inic ixpan
tzinco totecuiyo necnelil
machoz, yxquichitlacatl
quimocuitiz, ca velyehua
tz in toteouhtotlatocauh
tloque nauaque, ipalne-

mouani. Auh çanno yuhqui ic motenauatilia in to
nantzin fan çta Iglesia: muchitlacatl tlateomatiz,
occenca iquac in domingo: yehica ca in izquitetl
domingo, in cecexiuhlica quiztiuh, ca itetzinco
pouhtica in totecuiyo dios. Y pampain, amo mone
qui in antlatequipanozque iniquac domingo: a-
mo amelimiquizque, amo ancalquetzazque, amo
antlauilanazque, amo anteximazque, anoço an-
quauhximazque. &c. Auh in occenca tlapanauia,
inic techmonauatilia totecuiyo dios, ca yehuatl in
ic vel titopiezque initechpa inixquich tlaueliloca
yotl, inic amo tictoyolitlacalhuizque, inic amo ti-
tlatlacoçque inilhuitlipan, çan occécaye ti quixca
uizque in tlatlatlauhtiliztli: cēca tic yecteneuazq̄ in
cēca mauicauhqui itetlaçotlalitzī, itetlaocoliliztzin

DOCTRINA CHRISTIANA.

tetatzin dios:cenca ic tic̄tomauiztililizque ,tic̄to-
uecapanilhuizque: noyuan, vel teixpan immauizti
liloz, in yēcteneualoz dios:muchitlacatl quimocui
tiz ca çan iceltzin itetzinco poui, ca vel quimonel
toquitia,yuá caquimotlacamachitia : timuchintin
tlatlatlauhtiliztica nepanotl titoyoleuazq̄, inic tic̄
totlaçotilizque,tic̄toyec̄teneuilizque totecuiyo di
os,occenca iquac in domingo yuan ilhuitlipan : ye
hica ca quallachiuiliztica,yuan tlatoltica neltoco,
mauiztililo,notzalo,tlatlauhtilo ,tlayecoltilo, tla-
camacho,tlaçotlalo inicel teutl dios. Yuan inic oc
cenca amocenyollocopa anquicaquizque in te-
machtilli, in Dios itlatoltzin,inic vellachiez amo-
yollo,inic antlanextililozque initechpa inixquich
anquichiuazque:ca iniquac toc̄eyollocopa tic̄pia
domingo yuan in occequi ilhuitl pielsoni, ca yuh-
quin ixpantzinco titouenchiua totecuiyo, çanice
tzin itetzinco titopoua. Ypampain ,techmona-
uatilia inic atle taizque ,atle tic̄tequipanozque
tlalticpacayotl iniquac domingo :auh amo tel tla-
tlacolli, inic quemmanian tic̄tequipanoua intle-
in cenca totechmonequi: in anoço tetlaçotlalizti
ca titepaleuia, titetlaocolia, ca inin vel tic̄chiuaz-
que immanel domingotica:çan yehuatl ipampa in
tinauatilo in atle taizque, inic timuchintin vel ti-
quixcauizque in itlatlauhtiloca in totecuiyo dios,
inic vel titlateomatizque,yuá çaniceltzi tic̄touella
mach

machtilizque:inic çan niman atle techeleltiz , atle techcaualtiz initalauhtiloca totecuiyo, in teoyotica tonemiliz :yehica ca vel ipápa techmomaquiliz in totecuiyo dios in cemicac nemiliztli, in cemicac yuliliztli, in ilhuicac papaquiliztli . O notlaçopilhuane, ma vel yuh commati in amoyollo, ca inin etetl teonauatilli in omoteneuh, vel itechpoui inmauiztililoca dios, inic vel mauiztililoz, tlatlauhtitiloz. Ypampain, cenca amotechmonequi in amoyollocopa anquimoyollotizque, inic vel iuh anquichiuazque, anquipiezque, anquineltilizque.

CAPITULO. XVII. DEL QVARTO

Mandamiento de nuestro

Señor Dios.

Y NIC. XVII. CA. ONCAN

moteneua , inic nauhtetl teonauatilli.



Y Nic nauhtetl teonauatilli, inic techmonauatilia totecuiyo , ca yehuatl ynic tiquintlaçotlazque touampouan, in talticpaçtlaca . Auh ipápa, in moteneua touampouan, yehica ca çan ticçtlaca : otechmocenchiuili in totecuiyo dios , inic ypaltzinco titoyollaliz-

*iiiij. m^a
damis^o.*

E que

que, tipapaquizque. Ipampain, cenca totechmone
qui in titonepan tlaçotlazque, in nepanotl itocne
lizque, quitoznequi. In quenin topampa ti quele-
ua in ilhuicac papaquiliztli gloria, in cemicac tito
tlamachtiznequi ipaltzinco dios: çan noiuhqui ti
quimeleuilizque in touampouan: inicno quimmo
tlaocoliliz, quimmoma quixtiliz totecuiyo dios.
Auh in occenca tlapanauia in touampouan, ca ye-
huantin in totauan tonauan, in otechtlacatlizque,
in otechizcaltizque, in otechuapauhque: in yehuax
tinin, cenca monequi ti quintlaçotlazque, ti quim-
mauiztilizque: ca intla yuh ticchiuazque in, vel ic-
ticpiezque in in teonauatilli. Yc cēca monequi (no
tlaçopilluane) in anquimmauiztilizque in amona
uan in amotauan: cenca anquintlaçotlazque, an-
quintlacamatizque. yuan ixquich amotlapal anqui
chiuazque, inic anquimpaleuizque: auh iquac an-
quimpaleuizque anquimmōeuitlauizque, iniquac
itla intechmonequiz, in anoço iquac motoliniz-
que: in anoço iquac itla quintequipachoz, ca vel a
monauatil inic vel anquimpaccaihionizque. Auh
inic vel amoyellocopa anquimpaccaihionizque, y
uā inic vel anquichiuazque in in amonauatil, mone
qui anquilnamiquizq̄ in izquitlamātli ic oamechic
nelique, inic oamechpaleuiq̄: yuā inic cēca amopā
pa otlahionuiq̄, iniquac oamechizcaltizque oamech
uapauhque: ca vel yeuatl ipāpain, cēca amotechmo
nequi

nequi in anquimmauiztilizque. Ca iniuh yehuan-
 tin tetauan, vel innauatil mochiua in cenca quim
 mocuitlauizque impilhuan, yuã quimmachtizque,
 quimittitizque in qualli nemiliztli, çánoyuh quim
 monauatilia in totecuiyo in tepilhuan, inic quin-
 tlacamatizque, quimmauiztilizque inintauan inin-
 nauan. Y uan vel monequi anquimatizque, ca inye-
 huantin teopixque sacerdotes, vel nelli amotauan
 amonàuan, occenca yehuantin in amechmachtia
 in amechyolmelaua, yuan in amechmaca in occe-
 qui sacramentos: ca yuhquin teoyotica amechtla-
 catilia. Auh occenca tlapanauia inic amotauan in
 yehuantin obispome, yehica ca occenca in vei na-
 uatil, vel intequiuh in quimocuitlauizque amani-
 ma: cenca monequi tlapanauia inic anquimmauiz-
 tilizque. Auh no amonauatil, in anquintlacamatiz-
 que, anquimmauiztilizque in yehuatin amechpa-
 choua amechyacana tlalticpacayotica: no yehuan-
 tin in veuetque in yequaiztaque, in yeuecaua, in
 tla qualli inyollo: ca muchintin, cenca mauiztililo-
 ni, tlacamachoni: iniuhoancaquitiloque inipanin
 xconauatilli.

CAPITULO. XVIII. DEL

*Quinto mandamiento de
 nuestro señor dios.*

YNIC. XVIII. CA. YTECHPA

tlatoua, inic macuiltetl teo-
 nauatilli.

V. man
dani.



Y Nic ma
cuiltet te
onauatilli ye
huatlinmito
ua, aiac mo-
macmiquiz,
(q n.) Ynix-
quichtinmo
uampouan,
inmoco tōca
uá, mouiltec
cauá ayactic
toliniz, ayac

quenticchiuaz: yuan ayac ticnuquiztemachiz, aiac
ticmiquizeleuiz motlaeleuiliztica: anoac ticyuli-
tlacoz, ayac itech tim oxicotinemiz: yehica ca cen-
ca quimonequiltia in dios, in nenepantlaçotlaloç,
netlaocoliloç, nenepan icneliloç. Yuan quimone-
quiltia, in nepanotl titotlapopolhuizque, in ipani-
pa in acitla ic otitonepantolinique, in acitla ic ne-
panotl otitoyolitlacoque. Ca inaquique in yollo-
copa quipaccaihiovia netoliniliztli, in çan ipaltzin
co totecuiyo dios, in amo quitecucupilia, in amo mo
tzoncui, in çan motlapopolhuia, iniquac yolitlaco
lo, iniquac telchinalo, vel yehuati quicnopilhuizq̃
inilhuicac papaquiliztli. Inipanī teonauatilli, cēca
titlaquauhnautilo, inic amo tetch tiqualanizq̃
amo,

amo tetch titoxicozque, yuan ayac itech titotzõ-
 cuizque, ayac ticauazque, ayac ticpapacazque : no
 oncã ticaquitilo, inic aiac titic ticcocolizque, ayac
 tictlauelizque, aiac itla aqualli tiqueleuilizque, ina
 ço itechpa inacayo, inanoço itechpa y anima. Y pá
 pain, monequi velixquich amotlapal anquichiuaz
 que, inic anquicentelchiuazque in recocoliliztli,
 in techalaniliztli, inic amo tenepantla ammotecaz
 que, amo antetlaelcuitizque, amo anteyollocol-
 coltizque, amo antenetecheuazque, yuan amo an-
 tetlaelilocacuitizque. Ca intla xictlalcauican in iz
 quitlamantli omoteneuh, ic velanquipiezque in in
 teonauatilli: auh intla çan ipan xinemican, intlacã
 mo ximocaualtican, cencã ic anquimoyolitlacal-
 huizque in totecuiyo dios. Ipampa inaxcan, ma xi-
 tetlapopolhuican, ma ximoyolceuican, maxiquil-
 cauacan in acitla ic oanyolitlacoloque, in acitla ic
 oanqualancuitiloque: ca ic neciz in nelli anqualtin
 anchristianome.

CAPITULO. XIX. DEL SEXTO

*Mandamiento de nuestro**Señor Dios.*

YNIC. XIX. CAP. ONCAN

mitoua, inic chiquacentetl

teonauatilli.



VI. mā
dan. iē.



YNic chiquacētetl teo
nauatilli, yehuatl im-
mitoua, amo tahauilne-
miz, quitoznequi. Caqui
monequiltia in totecui-
yo dios, in ayac tetlaxi-
maz, in ayac intechaciz
tenamicuan: çan occen-
ca anquimocuitlauiz -
que in chipauacanemiliz
tli, in nepieliztli: amotla

oltica, amo tlachiualliztica, yuan amo tlalnamiqui
iztica: yehica ca inizquipa intech amaci in ciua, in
amo vel teoyotica amonamicuan, no izquipa an
quicatzaua in amanima, yuan ic anrechmotelchiui
lia in totecuiyo dios, yuan ic anquipoloua ini gra
cia. Ma xiquilnamiquican, notlaçopilhua ne, ca in
yeuecauh, maciui in ayamo anquimiximachiliaya
totecuiyo dios: yece vel yuh commatia in amoyol-
lo, ca amo qualli, ca cenca teiçau in tetlaximaliz-
tli: ca inaquique tetlaximaya, omaxac quinquate-
pipitziniaya: ipampa inaxcan cenca amorechmo-
nequi anquimauhcaittaz que, in ancouicaittaz que
in cenca anquitlatlacolmatizque, in amomachiu
yeuecauh catca: yehica ca vel yehuatl ipampa in te
tlaximaliztli, itlacau in netlaçotlaliztli, in ic nepa-
notl motlaçotla in teoyotica omonamicque, in

fa-

sacramentotica oquimmocetilili totecuiyo dios. Auh inintechpa amociuauan, in teoyotica amona
 micuan, inic anquinnepanozque, quimonequiltia
 in dios, çan antlaixyhecozque, amo anquicemma
 tizque in tlaelpaquiliztli: yuan amo intech anqui-
 chiuazque intlein amo chiualoni, in aqualli ayec-
 tli, in catzauac, initechpoui tlaelpaquiliztli: çã mo-
 nequi vel ixquich anquimacacizque, anquitlaelit-
 tazque, muchi anquitelchiuazque. Yuan amovei
 nauatil, in amo intech amacizque, amo anquimmo-
 mecatizque in occequintin ciua, amo anquimixe-
 leuizque, ca cenca ic anquicatzauazque in aman-
 ma: iniuh çatepan amilhuiloizque, iniquac itechpa
 tamechnonotzazque in sacramento matrimonio,
 in teoyotica nenamictiliztli.

CAPITULO. XX. DEL

*Septimo mandamiento de
 nuestro señor dios.*

YNIC. XX. CAP. Y TECHPA

rlatoua, inic chicontel teo
 nauatilli.



E iiij Ynic

vij mā
damiē.



Nic chieōtetl teona-
Yuatilli, immitoua, a-
 mo tichtequiz. In yehua
 tzin totecuiyo dios qui
 monequiltia, çan yeix-
 quich ic pachiuiz in to-
 yollo intlein tiepia tax-
 ca, totlatqui inotechmo
 maquili: amo tiecucuiliz
 que, amo tiecteinailizq̄, a
 mo tiecetetlatilizque inte

axca, in tetlatqui, in tecococauh: ca in aquin quite-
 cuilia teaxca, cenca ic quimoyolitlacalhuia inipal-
 nemouani, cenca vei tlauelilocayotl quichiua: mo-
 nequi quitecucuiliz, quiteixtlauiliz intlein oquite
 cuili, inic vel poliuiiz in itlatlacol: yuan inic vel mo-
 maquixtiz: auh intlacamo quiteixtlauiliz, ca amo
 quimotlapopolhuiliz in totecuiyo, auel monia-
 quixtiz. Y pampain, notlaçopilhuane, cenca xiqui-
 macacican, xicmauhcaittacan inteaxca, intlanel çā
 tepiton: macamo çantlapic xictecuilican: yuan ma-
 camo xitetlatlallochticā: macamo xiccuilican in ax-
 caua in tlatquiua intlein amo amechmacaznequi:
 yuan macamo çan xiquimichtequilican, macamo
 xiquintlatilican. Auh macamo xictlanitocan in a-
 maxca ī amotlatqui: macamono xictetlanilicā inte
 axca: auh intla itla oanquiteixictlanilique, amotech
 monequi

monequi in anquincuepilizque in aquirque oan-
 quintlanilique. Auh intla itla teaxca, cana anqui-
 mortilizque, anquimopepenizque, nimá xicte-
 mo can in axcaua, xicmacacan intlein yaxca, ino quipo
 loca: auh intlacamo neciz axcaua, xiquinmacacan
 immotolinia. Auh in ampuchteca, macamo tete-
 xitlaixtlapanacá, macamo tetech xitlamieccaquix-
 tican: maçan vel yuh yauh in quenin patiyo intlein
 anquitenamaquiltia, in anoço anquitecouilia: ma-
 camo cenca xicueilican in ipatiuh, yuá macamo xic
 necuilocan, macayac ica ximocacayauacan, maca-
 mo xitexixicocan: maçan icpachiui in amoyollo in
 tlein amechmomaquiliz dios: auh intlein amotech
 monequi, xicmitlanililican in amoteouh amotla-
 tocauh: ca cenca motetlaocoliliani, ca nelli amech
 momaquiliz, amechmotlaocoliliz: auh inic vel a-
 mechmomaquiliz intlein áquimitlanililizque, mo-
 nequi çaniceltzin itetzinco ammotemachizque, y
 tetziuco ammoçicauazque, amo amocuetlaxoz-
 que, amo ammoçotlauazque, ca nelli amechmoc-
 noittiliz, yuan quimmoyollotiliz in amouampo-
 uan inic amechpaleuizque. Y pampain, notlaçopil
 huane, macamo xictecuilican in teaxca: ca cenca ti
 tlaquauhnauatilo in ipanin teonauatilli, inic amo
 riqueleuizque in teaxca: yuan inic amo titeoyea-
 catizque, çan occenca ti quintlaocolizque, tiqui-
 micnoittazque in touampouan yuan ic ipapaquiz
 que

que iniquae tiquimittazque immotlamachtia, im
miectlamantli ic quincuiltonoua ic quintlaocolia
totecuiyo dios.

CAPITULO XXI. DEL VIII. MAN
damiento de nuestro señor Dios.

YNIC. XXI. CAP. YTECHPA
tlatoua inic chicuetetl teo-
nauatilli.

vii. mā
damiē.



I Nicchicuetetl
teonauatilli,
yehuatl im mi-
toua, ayac itech
titlatlamiz, aiac
ticētlapiquiz,
quitoznequi.
Ca in yhuatzin
dios quimone-
quiltia, in amo
anquinchicoy-
tozque, in amo
anquinteputz-
comonizque in amo uampouan : amo anquintētlā
piquizque, amo intech anquiltlamizque in tlatla-
colli, in tlauelilocayotl, in amo nelli oquichihque:
amo anquimiztlacauizque, amo anquintlatolchi-
chiuilizque: yuan ayac anquitolinizque, ayac an-
qui

quimauizpolozque, çanmuchintin anquintlaço
 tlazque in amouâpouan. Auh in quenin tchuatl tic
 nequi in ayac mitzmanizpoloz, çan noyuh mone-
 qui in ayac ticmauizpoloz: yehica ca in yehuatzin
 dios, cenca intech moqualanaltia in temauizpolo-
 uani, in tetentlapiquiani: ca cenca vei tlatlacolli in
 quichiua, auh cêca ic quîmotlaelitika in icel teutl
 dios: ca in temauizpoloua, maciui in quichoçtiz in
 itlatlacol, yuan maciui in quicuepaz itlatol, yece a-
 yaxcan vel pati intemauico, ca cêca oui inic occep-
 pa qualtia yeçtia: ic cenca totechmonequi in vel y
 techpa titopiezque techicoitoliztli, temauizpolo-
 liztli. Ca in in teonauatilli, yuhquimma yilpica to-
 nenepil, inic ayac ticmauizpolozque, ayac ticçetla
 piquizç: yuâ aiactotlatolticaticçtolinizque, ticpina
 uhtizque: ca in tonenepil, cenca iciuhca quitêquix
 titiuetziznequi in amo monequi. Ipampain, cenca
 totechmonequi iuicpa titimatizque, yuan ticçtlaca
 ualtizque: ca yuh quimonequiltia totecuiyo dios,
 in çan tiquixyhecozque totlatol. Auh in ixquich
 intlatol, in intlachiuâl touâpouan, monequi muchi
 qualli ipan ticçtlachieltizque, muchi qualli ipan tic
 cuepazque: noyuâ monequi vel cômâtiz intoyollo
 in innetoliniliz touâpouâ: yuhquimma tehuâtin to-
 netoliniz ipâ ticmatizç: cêca icnoyouaz intoyollo,
 yuâ cêca titlaocoyazque in ipâpa in netoliniliz, in
 netequi pacholiz, in intlaocoyaliz touâpouâ. Yuan


DOCTRINA CHRISTIANA.

totechmonequi , muchipa tiquinyequitoz que, ti-
quinyecteneuaz que, tiquimpaleuiz que, impan ti-
tlatoz que: auh inintlacol, amo nouian tictene
uaz que, amo tictenextiliz que , amo nouian tepan
ticcemmanaz que, çan tictlatiz que iniuh tiuelitiz-
que.

CAPITULO. XXII. DEL. IX. MAN
damiense de nuestro señor Dios.

Y NIC. XXII. CA. ONCAN
moteneua , inic chiucnauh-
tetl teonauatilli.

*IX. m̄
damiē.*



A Vh ynic
chiucna
uhtetl teo-
nauatilli, on
can techmo
nauatilia in
totecuiyo di
os, inic amo
riqueleuiz-
que in teciu-
uauh , in te-
namic. Cay-
nitechpa hí

tlacleuiliztli, amo çaniyo amechmocauatilia tote
cuiyo dios intetlaximaliztli, çan noyuan inieleuilo
ca: inic çan niman ayac anquixeliuique tenamic
in

inteciuauh. Auh tlaxicmocaquitican, ca amo çan
 yeixquichin, in quimonequiltia totecuiyo, in amo
 itech amacizque in teciuauh, çan noyuan quimo-
 nequiltia in amo anqueleuizque .ca intla amoyol-
 lo ica anquixeleuizque teciuauh, iniuhqui oanqui
 cemitoque, iniuhqui ye oanquitzontecque inic y-
 tech antlatlacoque, ca yeoantlatlacoque, in amo
 yolloica, ixpátzinco in dios: auh intlanel amo itech
 oamacique, ca amoyollo ica, amocecaliztica itech
 oamacique. Y pampain notlaçopilhuane, in axcan,
 inic amo ipan anuetzizque inin clauelilocayotl, in
 ic amo anquiltlacoque inin teonauatilli, cenca a-
 motechmonequi in anquintlalcauizque in tena-
 micuan, in amo intlan annemizque, çan imixpam
 pa ameuazque: auh amo çaniyoque in tenamicuá,
 çan noyehuantin in ocequintin ciua, inic vel an-
 quipiezque inin teonauatilli.

CAPITV. XXIII. DEL DECIMO

*Mandamiento de nuestro
 señor Dios.*

Y NIC. XXIII. CAP. ONCAN

mitoua, inic matlaçtetl
 teonauatilli.



Ynic

X. man
dan. 15.



I Nic matla
Atetl teo-
nauatilli, ye-
huatl im mi-
toua: amo ti
queleuiz in-
tetlatqui, in
teaxca, (qui-
toznequi.)
Amo çanyei
yo amonaua
til, inic amo
anquitecui-

lizque in teaxca, tetlatqui, çan noyuan amonaua-
til in amo anqueleuizque amoyolloica: çan vel ix
quich icpachiuhctiez in amoyollo, intlein amaxca,
amotlatqui oamechmomaquili totecuiyo dios:
auh intla occequi amotechmonequi, ca quimone-
quiltia, in anquimitlanililizque. Inin teonauatilli,
yuan inic chicontetl teonauatilli, caimelauaca inic
chiquacentetl, yuan inic chicontetl teonauatilli.
Auh ca yehuatl icititlaquammaco, titlaquauhnaua
tilo, inic ayac tictolinizque touampo: yuan inic vel
tictoyollotizque intlein ic techmonauatilia tote-
cuiyo. Auh yehica ca amo cēca chicauac intotlaca-
quia, inic vel ticacicacaquizque inite nauatiltzin
totecuiyo, yuan ca cenca techelleltia, techtlacaual

tia in tonacayo, yuan ca çan niman yuhtiquizque
 in tiqueleuia tlauelilocayotl, inic amo toyollocopa
 ticchiua qualli yeçtli. Ipampain, in yehuatzin to
 tecuiyo dios miecpa in techmomelauililia, in tech
 moté quixtililia in itenauatiltzin, in icvel ticçoyollo
 tizque, inic vel ticmatizque in tlein ic techmonaua
 tilia yuá inic amo çatepan titoxixicozque, in amo
 itla itech ticçlamizque totlauelilocayo, yuan inic a
 tle icçtitotzinquixtizque inixpantzinco, inic amo
 tiquitozque, ca amo nicma, ca amo niccac, amo nil
 huiloc in tlein qualli yeçtli: amo nicauatiloc in tlein
 in aqualli ayeçtli. Vel ipápain inomicuilo inçontetl
 teonauatilli. Ca in tlein izquitetl ipan teonauatilli
 ticaquitilo, yuan ticauatilo in tetoliniliztli, inic
 ayac tomacmiquiz, inic ayac quenticchiuazque,
 çan occenca ticauatilo in aquallaeleuiliztli, in ti
 ticpa vitz, inic ayac titic ticmiquitlanizque, inic
 ayac itla aqualli ticnequilizque, tiqueleuilizque
 cenca quimonequiltia in dios, inic chipauac yez
 in toyollo, yuan inixquich totlaeleuiliz, inic aic ti
 queleuizque, aic ticnequizque in aqualli ayeçtli,
 çan muchipa yehuatl tiquilnamicçtinemizque in
 qualli yeçtli. Ypampain, in yehuatzin to tecuiyo
 dios, techmonauatilia, inic muchipa chipauatiez
 in toyollo: yuá inic muchitlacatl yuh quimatiz, ca
 qualli, ca chipauac in toyollo, yuá muchitlacatl yuh
 quimatiz, ca ticçtouellamachtilia in to tecuiyo dios.

DOCTRINA CHRISTIANA.

Auh ca iniquac cenquizca chipauac yez in total-
 namiquiliz, in tlacacotle aqualli, ayeçtli tiquilnami
 qui, in aocçtle catzauac queleuia toyollo, in aocac
 ticcocolia in tocotonca in touiltecca, in aocac tic-
 clauelitztinemi, in aocac tiçtçoyaotia. Ca ipampain
 in ontetl teonauatilli, otechmotlalilili totecuiyo
 dios, in ic muchipa chipauac yez in totlaçleuiliz, in
 totlanequiliz, in toyollo, in ic çan niman atle catza
 uac ti queleuizque, ticnequizque. Noyuan, caini-
 pampain teonauatilli, in çatlatzonco, in çatlatzac
 can moteneua, oncan cenquiztoc in occequi teo-
 nauatilli, in ipã icviliuhtica ic ontetl teuapalli. Y pã
 pain (notlaçopilhuane) nameçh nonauatilia, macç
 ca xicmocuitlauican, in ic vel commatiz in amoyol
 lo in in amotlaocoliloca: yuan in ic vel amoneixcui
 til yez, in ic vel amoçtacauh yez, amomachiouh yez
 amoui yez. Ca in in, in macaçan otli, yehuatl anqui
 tocazque, in ic vel connamiquiz, quineneuiliz in a
 motlalnamiquiliz, yuan in amotlachiuall: ca nelli,
 vel yehuatl ic ancalaquizque in ilhulcatlitic, vel ic
 anquienopilhuizque in ilhuicac tlatocayotl. Oca-
 yehuatl in, in matlaçtetl teonauatilli: in icçca totech
 monequi ticpiezque, tiçtonemiliztizque, in ic vel
 titomaquixtizque. Auh ca velyehuatl ic neciz, in ca
 ticpia, ca tiçtonemiliztia, in tla cenca tlapanauia ic
 tiçtotlaçotilizque totecuiyo dios: yuã in tla tiquin
 tlaçotlazque in touampouan, in iuh titotlaçotla.

Auh

Auh cayehuatl ic tictotlaçotilizque in dios, intla
 tiçtelchiuazque inixquich tlatlacolli, inixquich tla
 uelilocayotl: yuan vel yehuatl ic tiqintotlaçotiliz
 que in touampouan, intla tiquinnequilizque, ti-
 quimeleuilizque, intlein tehuantin ricnequi topã
 chiualoz: yuã intlacamo tiquimeleuilizque, tiquin-
 nequilizque intlein amo tiqueleuia tehuantin to-
 pan mochiuaz: yuan intlaçan noixquich tiquinne-
 quilizque inquexquich tehuantin totechpa ti que-
 leuia, in qualli yeçtli.

DE LOS SIETE PECCADOS

Mortales.

NICAN MOTENEVA IN CHI

contetl temictiani tlatlacolli.



MOnequi *Los siete peccados mortales.*
 áquima-
 tizque, (no-
 tlaçopilhua-
 ne,) ca inic
 velammoma
 quixtizque,
 achtopa amo
 techmone-
 qui, anquicé
 telchiuazq̄, á
 quicemilca-
 uazque iniz-

F qui

DOCTRINA CHRISTIANA.

quitetl temictiani tlatlacolli: ipampa ca in yehuatl
 temictiani tlatlacolli, cenca micctlamantli ic ame-
 chouitilia, ic amechtolinia: ca ic poliui in gracia, ini
 tech ca amanima: yuan ic miqui, ic poliui: ipam-
 pa ca in quenin yehuatl in anima quiyolitia in tena
 cayo, auh in tlacamo quiyolitiz: ca niman yc mi-
 quiz: ca çan noyuhqui yni graciatzin in totecuiyo
 dios, vel yc yuli in tamina: auh yntla quipoloz,
 niman ic miquiz, ic poliui. Auh ipampa in mote-
 neua temictiani, yehica ca vel quimictia ite anima:
 auh ca aïac vel quimictiz in anima, ç áyciyo intemi-
 ctiani tlatlacolli. q. n. ca niman ic quimotlalcauilia
 quimotelchiuilia in icel teutl dios, iniquac oqui-
 chiuh, in ipá ouetz tlatlacolli. Ipampain, monequi
 anquimatizque, ca in temictiani tlatlacolli, ye uatl
 quitoznequi, in ic aca itlatoltica, anoço itlachiua-
 liztica, anoço itlalnamiquliztica quitlauel nami-
 qui in totecuiyo dios: in anoço yc quitelchiua, qui
 tlacoua in itenauatiltzin, yuan itlanequilitzin: Auh
 ximatican, ca chicontetl in occēca veuei tlatlacol-
 li, in amomachiuhqui in occequi. Iniz quitetlin tla-
 tlacolli, muchipa techtlauel namiqui, techyaochi-
 ua. Auh yzcate in itepaleuicauan, in itloepa moque-
 tza. Ca yehuatl in tlacatecolotl, noyehuatl in tlatlic
 pacayotl, yuan in tonacayo: auh in in tonacayo, tla-
 panauia in ic occenca techicali, techyaochiua. Ypá
 pain, cenca amotechmonequi in muchipa iuicpa

ammimatizque, iniuicpa ammopiezque, yuan ma
chipa anquitlacaualtizque, anquitlatzacuiltizque
tlamaceualiztica, nemecauitequiliztica, tlatequi-
panoliztica, yuan ixtoçoliztica.

CAPITULO. XXIII. DEL

primer peccado mortal, y de sus
circunstancias.

YNIC CENTETL TEMICTIANITLA

tlacolli, ca yeuatl in nepoualiztli, atlamatiliztli.

Sober
uia.



Nin tlatlacolli, in motencua
nepoualiztli: cayeuatl inic a
mo melauacayotica, céca ti
queleuia in totéyo, in toma
uico: in çã tlapic, çan necha
chamaualiztica. Auh inin
tlatlacolli, occenca tlapana
uia inic vei, inic temamauh

ti, atle iuhqui in occequi tlatlacolli: ca inaquí itech
ca, occenca motepanauiltoca, cenca momauicolla
ni: in occequintin atle ipan quimitta, atle quimom
poua: ayac ixco tlachia, in tlanel itepachocauh, ite-
yacancauh atle ipan quitta: muchitlacatl quitelchi
ua. Auh inin velitzin in elhuayo inixquich tlauelilo
cayotl: ca vel iyaouh in totecuiyo dios: auh inic vel
anquitzineuazq̄, in macaçã quauitl, inic vel áquinel
uayotlaçazq̄, céca amotechmonequi in nouiãpa iuic
pa ammopiezq̄, yehica ca céca çan iciuhca in teca
mocacayaua, in tetlapololtia: ca vel iuhquin mico-

uani patli ipan poui, in nouian temictia, nouiá itz-
 molini: immacaçan quauhixualli, nouiá monelhua
 yotia, inite ch intlein tetlamachtí, inanoc tetolini
 canel ic mopoua, iniquac itla aqualli quichiua, yuá
 iniquac inca mocacayaua ininuápouan: cēca ic mo
 chachamaua, teixpan quiteneua, quimomachitoca
 inic otetlaxinque, inic otemictique, inanoce otenā
 moxque: ca inic cenca vei initleuelilocayo in nepo
 ualiztli, cenca motepanauiltoca initechpa ichiua-
 loca inixquich aqualli ayeçtli: yuan ic atlamati, ic
 moqualitoua intlei occēca ic pinauazquia, inic tlal
 li itic motlatizquia. Ipāpain (notlaçopilhuane) xic
 centelchiuacan in nepoualiztli: vel xiquilnamiqui
 can, ca ammotolinia, amo miec inamaxca amotlat
 qui, amono miec in amonecuiltonol: auh çanē itla
 amechatlamachtiz, amechcucuenouiz? caçā nimā
 atle amechōquixtiz in amonepoualiz, ī amoneuei
 matiliz. Noyuan, vel xiquitztimotlalican, ipā ximo
 yolnonotzacan in izquitlamantli amonetoliniliz,
 yuan ixquich incēca mauīçauhqui itetlauhtiltzin,
 iteicnelilitzin totecuiyo dios, ca niman ic āmocno
 matizq̄, ammonomatelchiuazq̄, aocmo cēca anqui
 tlaçotlazque inixquich amaxca: aocmo āmoueinc
 quizque, aocmo amoueicapanozque, çan occen-
 ca āmotepitonozque, āmocnomatizq̄, yuan vel an
 tetlacamatizq̄, vel anquintlacamatizque in amote
 yacancauan, in amechitqui amechmama, yuan vel

anquimixtilizque, anquimmauiztilizque inamech
 panauia in occéca mauiztique. Auh céca amotech
 monequi, yn amo anquintelchiuazque, yuan amo
 anquinmopanauiltocazque inamechneneuilia, in
 aço amouanyolque, yn anoço amocniuan: ca intla
 xitelchiuacan, intlacatle ipan xiteittacan, niman
 oncan neciz in amone poualiz, inamàtlamachiliz,
 in amoneucimachiliz, yn amoneucapanoliz, in a-
 maquentlattaliz. Y pampain (notlaçopilhuane) ma
 camo xiquintolinican, macamo xiquimpinauhti-
 can immotolinia, inicnotlaca, intoneuatinemi, chi
 chinacatinemi in yollo in nacayo, in cococ teopo-
 uhqui quitta tlaltiepac: ca inaquique quintolinia
 icnotlaca, yuan inaquique tetlacuicuiltinemi, te-
 namoxtinemi, ichtectinemi, ca vel intech tzinti, in
 tech nelhuayoua in tlaueli, in qualátl, yuhquin te
 quanime mocuepa: muchipa tetoloznequi, tetza
 tzayanaznequi, cenca temiçtiznequi: ic céca amo
 techmonequi yn anquintelchiuazq̄ inixquich amo
 nepoualiz, in amàtlamachiliz, in amonechachama
 ualiz yuan in amonequalitoliz inic ammoqualito
 tinemi. Tlaxicmoca quitican, ca vel yehuatl ypápa
 ininepoualiz yn valuetz Lucifer ompa ilhuicac, o
 quiualmototoquili, oquiualmotlaxili intotécuiyo:
 maciui in vei, maciui in quīpanauia yua yn occequin
 tin angelome inic chipauac: yuá maciui in céca qui
 motlaçotiliaya in yehuatzin dios: ca nimá amo ye

quimixitili, çan oquimocentelchiuili inipampa y-
 nepoualiz : noyehuantin oquinalmotlaxili inix-
 quichtin ytech omixcuitique, in amo çan tlapoual
 tin angelome catca. Auh ynachto tota Adam, yuan
 yn achto tonan Eua, on oquinalmoquixtili, oquin
 ualmototoquili yn ompa Parayfo terrenal, çan no-
 ypampa inin nepoualiz inimatlamatiliz, yuan in oc-
 cenca miequintin yn nican tlalticpac cēca otlatza
 cuilti que, o popololo que inipampa nepoualiztli.
 Ipampain, cenca monequi yn amo anqueleuizque
 yn tepacholiztli in teyacanaliztli, in tlalticpac ma-
 uiçotl, yn tlatocayotl, impillotl: ca ye amoyollo itlá
 ca, ca inaquique queleuia, inaquique quitemoua
 tlatocayotl, cenca yc motolinia, cenca yc motequi
 pachotinemi, yc motlapololitiniemi, yc mamanti-
 nemi, yuan çatepan cenca mieçtlamantli yçtlapo-
 uazque inixpätzinco in dios, inipápa intequih, in
 aço vel oquichiuhque, in acanoçomo, ca muchi ic
 tlatoltiloz q̄ yçtlatzótequililoz q̄. Auh ipápain, occē
 ca amotechmonequi in amocnomattinemizque, i
 cenca anquitlaçotlazque anqueleuizque in nec-
 nomatiliztli, ynic cenca anquimoueltamachtiliz-
 que in totēcuiyo dios : ca yn ychuatzin totēcuiyo
 Ieſu chriſto, in niman yquac motlacatili tlalticpac,
 cenca oquimotlaçotili in necnomatiliztli : auh yn
 yxquicheauitl tlalticpac omonemiti, muchipa y tla
 toltica yuan inemiliztica otechmomachtili, otech

monextilili in quenin cenca tlaçotlalonin, in quenin
 cēca nenemiliztiloni in necnomatiliztli: auh in ye-
 huatzin cēquizcaqualli ciuapilli, ym muchipa vel
 ychpuchtli sancta Maria, initlaçonantzin dios, ca
 ypampa in necnomatiliztli, oilhuiltic, oimaceual
 tic ynic ynantzin omochiuhtzino initlaçopiltzin
 dios, in totecuiyo Iesu christo. Auh in ixquichtin y-
 tlaçopillouá totecuiyo, in ye ompa ilhuicatlitic mo
 yetzticate, çá noyehuatl ipápa in necnomatiliztli,
 otlacnopilhuique. ca in ocmonemitia talticpac, cē
 ca omocnamattinéque, cenca omotlanitlazque, a
 tleipan omottaque, omonomatelchiuhque: auh in
 yxquich intlein qualli oquichiuhque, çan muchi y
 tetzinco oquipouhque in dios: yuh oquimattinen
 ca in inyollo, ca yxquich itechpatzinco vitz in tote
 cuiyo, in qualli yeçtli. Y pampain, in axcá, yequipia,
 yequimocuiltonoua, yequimotlamachtia yn ilhui
 cac papaquiliztli, yuan incenca vey tenyotl mauiz
 çotl. Auh in axcá (notlaçopilhuane,) namechtlaqua
 uhnauatia, ma xiccentelchiuacan yn nepoualiztli,
 yehica ca itzin, caipeuhca, in elhuayo, yuhquin itzō
 tecō mochiuhtica in ixquich tlatlacolli: ca in yehuá
 tī mopouhtinemi, cemicac quimotelchiuiliz, quin
 mocemixnauatiliz in totecuiyo: auh intla ámyolla
 liznequi, yuá antlacnopilhuiznequi iniquacmote
 tlatzōtequililiz in dios, occeppa niqitoua cacēca
 amotechmonequi í amoyollocopa áquitlalcauizq̄

DOCTRINA CHRISTIANA.

in nepoualiztli in nechachamaualiztli. Ma itech xi
 mixcuítican in icheatl, itoca oueja, incenca mocno
 matini, çan iuian yucuxca nemi, in ayac quitolinia
 in ayac quenquichiuu : çan noyuh amotechmone-
 qui annemizque , muchipa ammocnomattinemiz
 que, yuan yuian yucuxca ammonemitizque. Ca in
 yehuatzin totecuiyo Iesu christo, inic cenca tlatla-
 catzintli, itech moneneuilitzinoua in icheatl: yehi-
 ca ca in quenin icheatzintli amo nauati, iniquac xi
 malo, çan noyuhqui omochiuhtzino in totecuiyo,
 iniquac quimoteixpãuili que ixpã Pilato: atle oqui
 mitalhui, atle ic omomapa tlatzino, çan omocauh-
 tzino, iniquac cenca yetolinilo: çã noyuh amotech
 monequi anquichiuazque. Auh in itlaçonantzín
 dios sancta Maria, çanno ipampa yn iuhqui ichea-
 tzintli cenca mocnomatzinotinenca, oquimotla
 catilili in itlaçoconetzín, yn cenca yeteneualoni
 icheaconetzintli. Y pampain, cenca amotechmone
 qui inicnoyo, tlaocollo yez amoyollo, inic cenca
 anteicnoitrazque: ca yuh quichiuu in aquique moc
 nomattinemi, in tlapaccaihioiuiani, yn quipaccahi
 youia tetelchualiztli, tetoliniliztli: ca vel in ceyol-
 locacopa quipaccacelia iniquac tolinilo, iniquac
 çannen, çan tlapic ayo. Yn icheatl, ye anquimotti-
 lia, atle ic momanauia iniquac mictilo: yuan atle ic
 tetolinia, ayac quenquichiuu, çan nomonequi yuh
 que yezque in aquique nelli mocnomatini, vel in
 tech

techmonequi in amo momapatlazque iniquac to
 linilo, çan quipacaihiovizque, intech quipachoz
 que inintoliniloca. Y n yehuatin tlapacaihioviliz
 tli, yuan in teicnoittaliztli, yn necnomatiliztli, cen
 ca oquimotlaçotili yn totemaquixticatzin Iesu
 christo, iniquac omonemiti nicá tlalticpac, noyuá
 otechmonauatili inicitetzinco titixcuitizque, inic
 notehuatin tictlaçotlazque yn necnomatiliztli.
 Auh in yhuatzin sant Pabło, çanno yhuatl cenca
 quimotlaçotiliaya, yehica ca amo momapatlaya,
 iniquac mieçtlamantli ie toliniloya. Y panpain, in
 yhuatzin totēcuiyo Iesu christo, inic techmomach
 tiliz in necnomatiliztli, oquimopaccacelili in mi
 quiztli, yuan atleipan oquimottili in tlalticpac ine
 militzin. Auh in axcan mapachiui yn amoyollo, ca
 nelli namechilhuia, yntla ximocnomattinemican
 tlalticpac, vel ye antlacnopilhuizque, ic anyazque
 in ilhuicatlitic: amopan neltiz in itlatoltzin tote
 cuiyo, yn quimitalhuia. Quemmach vel yhuantin
 iniuian yucuxca monemitia in aquentechiua, caye
 huantin quimaceuazque, quimaxcatizque yn tlat
 li, (quitoznequi,) yn ilhuicac tlatocayotl. Yuan mo
 nequi anquimatizque, ca in quenin yhuantin no
 nontin ontlamátiticate: in ce quintin çá nimá yuh
 ypá otlacatque, auh in occequitin, yeuatl icononti
 que ini gracia dios, (quitoznequi) ca ini gracia to
 tecuiyo oquinnontili, inic aocmo ipá tlatoua, aoc
 mo

Delahu
 mildad

DOCTRINA CHRISTIANA.

mo quimocuitlauia in tlalticpacayotl, ypampa in çan quixcautinemi itlaccoltiloca, in itlatlauhtiloca totecuiyo, çan noyuhqui, no ontlamanticate ym mocnomatini, yniuian yucuxca monemitia. In centlamantin, nimá yuhquizque yuhtlacatque, inic mauhcanemi, teimacaci, momauhtia. Auh yn occentlamantin, çan tetlaçotlaliztica, vel in ceyollocopa iniuian yucuxca monemitia, teicnoitta, cenca ycnoyo ininyollo: in yehuantini, vel intechpouhqui in tlalli, (quitoznequi) in ilhuicac tlatocayotl: yehica ca atle ipan quitta in tlalticpac mauiçotl, yean amoquitecocamati in netoliniliztli, in netquipacholiztli. Auh çá noyuhqui amomaceualtiz, intlacamo itech vetziz amoyollo in tlalticpacayotl: intla çan ipaltzinco totecuiyo, yuian yucuxca ammonemitizque: intlacamo antlatlauelchiuazç, intlacamo ammotlauelpolozque, iniquac itla reto lini amopan mochiuaz, intla amoyollocopa anqui paccabiouizque, anquipaccacelizque. Auh intla amotechyez yniuuhqui yn necnomatiliztli, vel yc pacca, yucuxca anquipiezque in amoyollo, in amaniman, yc cenca tlapanauia tlaçotli mochiuaz in nican tlalticpac. Ypampain inaxcan ma cenca xicmo cuitlauican in amaniman: auh in amonacayo, yuan in tlalticpacayotl, macatle ipan xicmatican. Ca nel li intlaiuh anquichiuazque, ic anquimaceuazque, ic anquicnopillhuizque, ic anquimaxcatizque in il hui

huicac tlalli, (quitoznequi ,) yn ylhuicac cemicac papaquiliztli, yn ylhuicac tlatocayotl, yn ompa cemicac yoliua, cemicac nemoua . Auh intlaçan ammpouhtinemizque, yuan intlaçan anqualantinemizque , vel nelli ayc vel ompa ancalaquizque, aic ompa amacitiui : yehica ca çan yehuantin intech itauhqui in quimonemiliztia itenonotzaya Spiritu sancto: yn vel incenyollocopa quipia teo nauatilli.

CAPITULO. XXV. DEL

segundo peccado mortal, que es

Anaricia.

YNIC VNTETL TEMICTIANI
tlatlacolli, ca yehuatl in
teoyeuacatiliztli.



A Vh monequi anquimatizque, ca occentetl onca temictiani tlatlacolli, itoca teoyeuacatiliztli. Auh initzin inin nelhuayo inin tlatlacolli ca yehuatl inic amo cencaneltoco in totecuiyo dios: yuá in amo ceca iui Atzincó netemachilo : ca

ANARICIA.

DOCTRINA CHRISTIANA.

in yeuatzin muchintin quimmomaquila inintech
 monequi, yn qualtin yuan in amo qualtin, no yeuá
 tin impatlatinemi tototzitzinti, (yniuh yehuatzin
 quimitalhuia inipan Euangelio.) Auh in yehuatl in
 animati, inamozcaliani oquichtli, inanoço ciuatl,
 ymmomati ca amo can quittaz yn atl quiz, yn çan
 no quimmomaquila totecuiyo in manenemi, yn qui
 íquexquich intechmonequi: auh momati in motla
 pololtiani, ca in yehuatzin ipalnemouani, ca amo
 cenca quimmocuitlauitzinoua, amo cenca quim-
 momaquila in izquitlamantli intechmonequi in
 tlaçouan, in itetlayecolticauan, iniuh quimmoma-
 quilia impatlatinemi, in atan nemi: yuan in cuetz
 paltotóti, in occequintin yolcatotonti. Auh ca ye-
 huantin ypan vetzi in in tlatlacolli, ynaquique cen
 ca queleuitinemi tlaticpacayotl, yn quinenechico
 coua, yuan incenca vel quipia, quitlatia, quinaya,
 yn atle quimmacaznequi immotolinia, in atle quix
 cauaznequi ymaxca intlatqui. Auh intlan el cenca
 monequi in ic tetlaocolizque, in ic quitexexelhuiz-
 que yntlein quipia, çan in yehuantin çan niman a-
 mo quicaualiztlamati, yc cenca quimoyolitlaca-
 lhuia yn totecuiyo dios, yuan yc occenca veyá, tla-
 piuia yn intlatlacol, yn innetoliniliz: yc ypan vetzi
 yn occequi tlauelilocayotl in amo çan tlapoualli,
 ca quiteeuculia, quiteculia inteaxca, tetlatqui: auh
 inoquitecuilique, aocmo quiteixtlauiliznequi, aoc
 mo

mo quitecucpiliznequi:yuan mie&tlamantli tetoli
 ni tlauelilocayotl quichiua, inic tlanecuilo ua, inic
 motlayecoltia: ca tetch tlaixtlapana, texixicoua,
 tetlaxiccuilia, quitenaualcuilia itetlatqui teaxca in
 tecococauh:auh inic cenca niman atle quicaualiz-
 tlamati, in tlanel velyehuantin intechmonequiz, in
 aço quizque, in anoço quiquazque, in anoço qui-
 moquentizque, amo commomaca:auh immotoli-
 nia, in icnotlaca, çan niman atle ic quintlaocolia, a-
 tle ic quimicnoitta, in ipampa in cenca vei inteoye
 uacatiliz: quitlacoua in itenauatiltzin sancta ygle-
 sia, amo quipia in ihuítl pieloni, amo tlateomati in
 domingo, çan quixcauia in innerlayecoltiliz: quitel
 chiua in temachtilli, in itlatoltzin totecuiyo. In ye-
 huatl talticpac tlatquitl, in necuiltonolli, immaca
 çan xiuitl, immacaçã çacatl, ic quixippachcua, qui
 ximicçtia in teotlatolli. Auh ipampa in axcan, (no
 tlaçopilhuane,) vel ximimatican, ma amechiztlaca
 ui in tlatecolotl, ma amocamocacayauh: ca miec
 tlamantli in itzonuaz, in iteiztlacautiliz, in ic teixcua
 pa, in ic tetlapololtia, in ic micçtlan tetlaça : ma vel
 iuicpa ximopiecan: ca teotlatolpan neztica, in que
 nin yhuatzin totecuiyo dios, cenca quimmocen-
 telchiuilia in ixquichtin teoyeuacatini, in atle quix
 caua, micçtlan quimmotlaxilia, in ic ompa cemicac
 motolinizque. Auh in ic amo ompa anyazque, in ic
 amo ompa antlaçalozque, amotechmonequi in cẽ

ca anquimicnoittazque, anquintlaocolizque inic
 notlaca immotolinia: ca yuhca tonauatil, inic ne-
 panotl titotlaocolizque, in tixquichtin itetzinco
 tipoui in totemaquixticatzin Iesu christo. Ipampa
 in, iniquac cana anquittazque motolinia, cocoxca
 tzintli, in yemapizmiquitia, inyemamiquitia, nimã
 anquicnoittazque, niman anquiyollalizque, an-
 quipaleuizque: yuhquimma amehuantin amoneto
 kniliz ipan anquimatizque ininetoliniliz. Ca in-
 tla yuh anquichiuazque, intla anquintlaocolizque
 motolinia, çan noyuh amechmotlaocoliliz in tote
 cuiyo dios: yehica inic ticstemaca, ic titetlaocolia
 tlalticpacayotl, ia amo cenca tlaçotli, ic techmoma
 quiliz in totecuiyo dios in cenca vei in cenca tlaço
 tli ilhuicac necuiltonolli, netlamachtli, in aic tla-
 miz in aic poliuiiz. Ipampain, in yehuatzin totecui
 yo Iesu christo quimitalhuia. Quémach vel yehuan
 tin inipampatzinco dios motolinia, (quimitalhuiz
 nequi.) Quémach vel yehuantin in quitelchiua tla
 ticpacayotl: auh intlanel cequi quipia, yuhca inin-
 yollo, ca amo imaxca, çã motolinia, ic notlaca imax
 ca intechpoui. Inin, ca yuh oquimochiulique ini-
 tlaçouan totecuiyo dios, in Patriarchasme: noyuh
 oquichiuhque in cenca miequintin yecnemiliceç,
 in quipiaya amo çanquexquich tlalticpac necuilto
 nolli: ca çan itlahpixcauã omochiuhque in totecui
 yo: quimmacaya, quinxexelhuiaya in motolinia, in

ixquich intlatqui, inintech o quimocauili dios, inihquimma quimmopialtili. Ina quique yuh quichi uain, ca yehuantin vel intechpa mitoz, ca nelli motolinia ipaltzinco in totecuiyo. Auh in amehuátin ca no amonauatil, inic áquimocuitlauizquein, inic antetlaocolizq̄: inic no amotechpa tlachiez initlatoltzin totecuiyo Iesu christo: auh ca yehuatl vel ic amotechpa neltiz, intla xiccételchiuacan tlalticpacayotl, yuan intla ximonomatelchiuacan ipaltzinco in dios: inic amo anquichiuazque intlein quinequi amaqualla eleuiliz, çá yehuatl anquichiuazque intlein quimonequiltia amoteouh amotlatocauh: yuan çan yeuatl anquimocuitlauizque iniuelmach initlanequilitzin: vel amitic anquimocuitizque, yuan inteixpan, ca çan iceltzin itetzinco ampoui in totemaquixticatzin Iesu christo: amoma aca occetlacatl: auh noyuá amotlachiuahque. Ipápa inaxcan, (notlaçopilhuane,) mayuh ye in amoyollo, ca inaquin çá ipaltzinco in dios motolinia, vel itlaçomochiua in totecuiyo, vel itetzinco poui, vel quimotlaçotilia: atleipan quitta inixquich tlalticpac necuiltonolli, çan occenca icenyollocopa motolinia: yuan çá ipaltzinco totecuiyo quitelchiua inixquich tlalticpacayotl. Intla itech ammomatizq̄, intla anquitlaçotlazque inin netoliniliztli: ca cēca ic ampactinemizque, ic pachiuhtinemiz ī amoyollo.

YNIC ETETL TEMICTIA-

ni tlatlacolli, yehuatl in auil
nemiliztli.

Luxu-
ria.



Iemocaquitican, (notlacopil huane,) ca inin tlatlacolli, yehuantin ipan vetzi in aquique amo mopia, in amo qui mocaualtia tlaelpaquiliztli: ca in yehuatzin totecuiyo dios: in ipan ic chiquacé tetl ite nauatiltzin, yuá in ipan ic chi conauhtetl, techmonauatilia, in ic ayac tepan yaz, in ic ayac itech aciz tenamic: yuan in ic amono eleuiloz que tenamicuan. Auh inin tlatlacolli in auilnemiliztli, vel itech monelhuayotia, itech quiça in tonemachiliz, in tosentidos, in ictiquitta, ticcaqui, anoço ticmatoca in tlein teyoleua in iuicpa tlaelpaquiliztli, auilnemiliztli. Ipampain, ma cenca ximimaticá, in ic amo ic ammotlapololtizque, in ic amo itech vetziz amoyollo inin tlatlacolli: maçan xicnemiliztocacan, itech ximixcuitican in sancto Iob, in muchipa quitlacaualtiaya in ixtelolo, yuan in iz quitlamantli in emachiliz, in ic aic itla quichiuaz in teauilquixti, in temauiz polo tlaelilocayotl: yuá xiquitztimotlalican, in quenin tlaelpaquiliztica, auil

auilnemiliztica ixpopoyoti in amotlacaquia, in a-
 mix, in amoyollo: auh in itetzinco anquipouazquia
 totecuiyo amotetlaçotlaliz, çan ytech anquipoua
 in tlalticpac netlapololtiliztli, yn tlalticpacayo ele-
 uiliztli: auh in tlein ic anquimocuitlauizquia, an-
 quipaleuizquia in amoyolia in amanima, çan ye-
 huatl itech anquipoua, çan yehuatl occenca anqui-
 mocuitlauia in amonacayo: in aocmo centlamantli
 quallalnami quiliztli áquilnami ðtinemi, çaniyo
 ancamiqui, anquiteociui, yn muchipaypá annemiz-
 que, anquilnami ðtinemizque in cêca catzauac tla-
 elpaquiliztli, auilnemiliztli, in omoteneuh. Auh in
 axcan, (notlaçopilhuane) xiccentoclohuacá in in tla-
 uelilocayotl: auh cenca xicpiecan in in nauatiltzin-
 dios: auh yn ic vel anquipiezque in in teonauatilli,
 amotechmonequi in anquitlalcauizque in izquitla-
 mantli teyoleua in itechpa tlaelpaquiliztli: amo in-
 tlan annemizque, amono anquimittazque yn tena-
 micuan, yuan in yeixquichtin ciua: amono imixco
 antlachiazque: ca in a quique cenca imixco tlachia,
 in anoço quimmocniuhua tla uelilocayotica, cêca
 ic motlapololtia, yuan ycquimiçtia in in anima: y-
 uan yc quitemiçtilia in teanima. Yc cenca amotech-
 monequi, in amo anquintzitzquizque, in amo an-
 quimmatocazque, yuan amo anquinnotzazque: çá
 niman amo anquimilhuizque in tlaellatolli, in ca-
 tzauac in tetlapololti, in teyolmalacacho tlatolli,

ynic poliui, inic itlacauí in qualli yeſtli nemiliztli:
 inic telchiualo, panauilo itlatlaliltzin itenauatiltzĩ
 dios: çan occenea oncan inichantzinco totecuiyo
 dios, yuan in teopan ythualco: vel monequi ammo
 piezque, inic atle yuhqui anquichiuazque in ona-
 mechteneuili in tlauelilocayotl: in cenca cãmãna
 quitlapololtia teanima. Auh iniquitlamantli to-
 nemachiliz, in moteneua ſentidos, vel iuicpa am-
 mopiezque: inic atle amechyoleuaz iniuicpa tlael
 paquiliztli: ca in yehuatzin dios, vel amechmona-
 uatilia inic anquitlalcauizque iniquitlamãtli inte
 miſtiani tlatlacolli, inic amo anquicatzauazque a-
 monacayo: auh amo çanio anquimalhuizque in a-
 monacayo, çan occenea yehuatl in amanima, inic
 amo anquitlilozque anquicatzauazque: iniuh ye-
 huatzin quimitalhuia ipan ſançto Euãgelio: ca nel
 li cenca ye amechmotlaquauhnauatilia inic vel an-
 quimocuitlauitinemizque ynichipualiz amani-
 ma: ca quimitalhuia. Quemmach vel yehuantin in
 chipauac in yollo: ca quimottilizque in dios. Auh
 ma ammomattin, aço yehuatl ic amechmonauati-
 lia inic anquimocuitlauizque inichipualiz in çan
 nacatl amoyollo, ca nelli amo yehuatl quimotene-
 uilia, yehica ca in nacatl amoyollo, amo yehuatl
 quimottilia in dios, çan yehuatl in amanima, ye-
 huatl monequi itech yez in cenquizcachipualiz-
 tli. Auh inic vel chipauaz, monequi yxquich amo
 tlapal

tlapal anquichiuazque, cēca ammoyollochichiliz que, inic anquimocuitlauizque, inic anquitemoz que inixquich teoyotica chipaualiztli : ca nelli na mechilhuia, (notlaçopilhuane,) ca çan yehuantin in vel nelli chipauac ymanima, in quimottilizque dios, amo yehuantin in çaniyo chipauac in nacayo. Ypāpain, ma cēca xichipauacanēcā: xicchipauacan, xicpapacacan, xicaältican teoyotica in amanimā, inic çan niman atle queleutinemiz catzauac, inic atle quinequiz initechpoui tonacayo, inic atle tetchpa queleuiz tetolini: yuan inic atle quitlaçotlaz, atle queleuiz inixquich tetlapololti, in tlalticpacayotl: amo telyehuatlipampa tictechiuazque in aço itla catzauac in ixquich tlalticpac onoc, ca muchiqualli initlachiualtzin totecuiyo dios, çan yehuatlipampa in cenca yc motlapololtia, in cenca ic motliloua, ic mocatzaua in anima, intla cenca itech vetziz amoyollo: cainyehuatzin totecuiyo dios, techmonauatilia, inic çaniceltzin itetzinco vetztinemiz toyollo, çan iceltzin ticçotlaçotilizque, auh amo yc techmonauatilia inic ticçlaçotlaz que tlalticpacayotl. Ypampain xicmocaquitican, (notlaçopilhuane,) ca amo namechcaualtia, ca ye namechtlaquauhnauarā, inic anquichipauazque in amanima : ca nelli namechilhuia, ca vel yehuatl yc anquimottilizque in totecuiyo Dios, in nican tlalticpac. (quitoznequi.) Ca vel yc amechnotla

DOCTRINA CHRISTIANA.

nextiliz in totecuiyo Dios, yuan ynlic vel anquiximatizque, noyuan ynlic vel anquittazque ym-melauac otli, yuan inixquich neltiliztli: auh yuá in ixquich in tlaçotli, immauiztic initechpoui totecuiyo dios: yuá in yeixquich itlatoltzin inie amech monochilia, in amixpan quimotlalilia tonázin sancta Iglesia: ca yeuatl vel ic tictottilia in dios, yuan tlaneltoquiliztica vellachia in tanima.

CAPITVLO. XXVII. DEL QUARTO

Peccado mortal, que es Ira.

YNIC NAVHTETL TEMIC-
tiani tlatlacolli, yehuatl in qua-
lanaliztli.:



Ira.

YNin tlatlacolli, ca ye huantin ipan vetzi, inaquique motzoncuiz nequi ininuicpa inyauan, inintetolinicauan. Ipampain, in yehuatzin totecuiyo Iesu Christo, cenca techmonequiltia in tetlaçotlaliztli, ini toca charidad: ca amoça niyo in quimonequiltia riquintlaçotlazque in yeuantin techtlaçotla, in vel toc-

tocniuan, çan noyuan techmonauatilia inic tiquin
 tlaçotlazque in toyaouan, in totecocolicauan, in-
 totetelchiuhcauá: cenca quimonequiltia in anqui
 micnelizque, anquintlaocolizque inaquique yuh
 amopan quichiuain, yuan anquimpopolhuizque
 intlein ic oamechyolitlacoque: yuan quimonequil
 tia in totecuiyo, in amo terech ammotzôcuizque,
 inamo anquitecuelizque intlein ic amechtoliniz
 que amotecocolicauan: amo amehuantin anquin-
 tlatzôtequilizque in amechtolinia, amono intech
 anqualanizque yehica ca iniquac terech anquala-
 ni, ic motlapololtia in amoyollo, ic amixmalacachi
 ui, aocmo melauac in anquichiuá iniuicpatzincó
 totecuiyo dios, yuan ininuicpa amouampouá. Auh
 iniquac omotlapololti in amoyollo, in amotlaca-
 quiliz, niman noic motlapololtia in amonenepil,
 aocmo melauac in anquitoua, cêca amo qualli tla
 tolli in amocamacpa quiça. Ipampain (notlaçopil-
 huane,) ma cenca xicmocuitlauican, macêca xique
 leuican iniuián yucuxca nemiliztli, xicxtemocan ini
 tetlamatecanemitiaya totecuiyo dios: xitlapaccai-
 hiouican, xicpaccacelican inic antolinilo, inic an-
 telchiualo: ca intla iuián yucuxca antlapaccaihio-
 uizq̄ inipaltzincó dios, ic amechmopiltzintiz: auh
 in amehuatín ic amotatzin mochiuaz, cêca amech
 motlaçotiliz, yuan amechmomaquiliz inilhuicac
 tlatocayotl, in amotech oquimopouili. Ipampa in

axcan amotechmonequi in anquimotlacamachi-
 tizque, vel ancanazque, anquicuique, áquimoyol-
 lotizque in itlatoltzin : yuan cenca vel anquinelto-
 cazque in ixquich ic amechmononochilia : yuan in
 anquimonemiliztizque in qualli yeçtli, in itoca vir-
 tudes. Ca in tla yuh anquichiuazque in, ic vel antlac
 nopilhuizq̄ ipaltzinco in dios : ic vel amotechpa mi-
 toz, ca amipilhuá in dios : ca amiteicauan í totecui
 yolesu christo : yuan ca amotechpoui in ixquichiyax-
 catzin dios tetatzin : ca yuátzinco in totemaquixti
 catzin Iesu christo anquimaxcatizq̄ in ilhuicac tla-
 tocayotl. O notlacopilhuane, cayeuatlin, innelli ite-
 tlamatcanemitiaya dios : yehuatlin in qualli in qui-
 monequilia totecuiyo, cēca tlapanauiá in ic maui-
 çauhqui in ic qualli in ic yeçtli, vel yehuatl ic nema-
 quixtilo, ic tlacnopilhuilo in omoteneuh itetlamat-
 canemitiaya totecuiyo, in ic yuiá yucuxca nemo ua-
 tlalticpac. Ipampain, in yehuatzin í sant Pablo, cēca
 techmotzatzililia, techmononochilia, techmotla-
 quauhnautilia in ic titlamatcanemizque, in ic iuiá
 yucuxca titonemitizque : ca yeuatlin, ic techmopil-
 tzintiz in dios : ic tiqualti azque, ic tiyeçtiazque : ca
 in yehuantin tlatlacouani, in tlaeliloq̄, amo yuián
 yucuxca nemi, amo quimocuitlauia in tlamatcane-
 miliztli, çan quintlapololtia in intlatlacol, vel in tla-
 tlacoltica quipoloua, yuan quitelchiua in tlamatca-
 nemiliztli : yehica ca í tlatlaco lli, cēca temomoyaua

tenononquat lalia, teyollococoltia, tenetecheua, ic
 techmotlalcauilia in dios: ic nonõqua: cececcá tito
 quixtia, toyoca nõqua tiq̄tzalo, techmotelchiuilia
 inipalnemouani, ic cēca veia in tonetoliniliz, ic mi
 qui in tanima: ca yuh quimitalhuia in David pphe
 ta. In tlaueliloq̄, aic yuía nemi, aic tlamatcanemi, çá
 muchipa motlapololtia. Ipápain, macēca ixquich a
 motlapal xicchiuacá, inic muchi anquitelchiuazq̄
 tlatlacolli: ma iuía yucuxca ximonemiticá inixpan
 tzinco totecuiyo, maxitlamatcanemicá, inicamech
 mopiltzintiz iccl teutl. Auh ca yetiquitta: toyollo
 pachiu, in q̄nin cēca pactinemi, motlamachtia ni
 cá talticpac iniuía yucuxca monemitia: ca tlaçotla
 lo, tlacamacho, mauiztililo: ma tictotlacamachiti
 can itotecuiyo, yuá macēca tictocuitlauicá itlamat
 canemiliztli, inic cemicac titoyollalizq̄, inic aic po
 liuiz tonetlamachtli: ma vel itertzinco titixcuiticá i
 totecuiyo Iesu christo, ca in yeuatzin cēca oquimo
 tlaçotili intlamatcanemiliztli. Auh intla quēmanía
 itla amechtlauelcuitiz, amechqualácutiz, nimá xi
 mocuitiuetzican, yuan ximocauacá, macatle xiqui
 tocan, çan xiquilnamiquican, amitic xicmolhuicá:
 ca melauac in oquimonequilti totecuiyo inih to
 pan mochiuazin: yehica camuchi itēcopatzico mo
 chiu in dios: ca tomaceual inic titolinilozq̄ ipápa
 totlatlacol: yuá anquitozq̄: ca i diosoquímoyolloti
 li itotetolinicauá, inictictzaquazq̄ totlatlacol, icni

anquimoyeſteneuilizque in amoteicnelicatzin, in
 amotetlaocolicatzin dios, cenca anquimotlaçoca-
 machitizque, yehica ca oquimonequilti inic nican
 tlalticpac anquitzaquazque in amotlatlacol, çaipá
 pa in cen ca amechmotlaçotilia:auh amoquimone
 quilti im miçtlá anquitzaquatiui in amotlatlacol,
 in ompa cenca ouican, cenca tetoneuhcá, techichi
 natzcan. Auh inaxcan (notlaçopilhuane,) cuix an-
 quimatiznequi, iniquin monequi anqualanizque?
 Xiemocaquiticá, ca iquac in anquimatizque, ano
 ço anquicaquizque, in itla icyolitlacolo totecuiyo
 dios, in anoço tolinilo amouampouan: inanoço ce
 quintin cauilquixtia teoyotl, in amo tlamauiztilia
 teopan: niman ic ammotequipachozque, ic anqua
 lanizque, antlaueleuizque, ipampa ca quimotlatla
 calhuilia in totecuiyo dios: amotechmonequi an-
 quintlacaualtizque, anquinnonotzazque, anqui-
 mauazque, inic amo yuh quichiuazque, çan occen
 ca ye quimomauiztililizque ininteouh inintlato-
 cah: vel itloepatzinco ammoquetzazque in amo
 tatzin dios: yuan impan antlatozque, anquimma-
 nauizque in amouápoúá, in çannen tolinilo. Intla
 yuh anquichiuazquein, ca nelli mitoz, ca melauac
 inic antlaueleui, ca amo ammotlapololtia: çan oc-
 cenca qualli, cenca melauac in anquichiu, inic ipá
 antlatoua in justicia: yehica ca çan ic antetlaocolia
 ic anquinnonotza, ic anquintlacaualtia immotla-

pololtitinemi, inic monemilizcuezpazque, inic quicauazque, quitelchiuazque inimaqualnemiliz.

CAPITV. XXVIII. DEL

Quinto peccado mortal, que es

Gula.

YNIC MACVILTETL TEMIC

tiani tlatlacolli, yeuatl innexui

tiliztli, in xixicuiyotl.



N Otlacopilhuane, macamo xiclaçotlacan in tequitlaqualiztli, in nexuitiliztli, in xixicuiyotl, in tlauanaliztli: macamo xiuintican, maca

mo xixocomiquican: macamo xicquacan in teiuinti, intetlaelilocatili nanacatl, yuan inixquich occe qui tetlapololti. Auh initechpain aqualli intetlapololti tlatlacolli nexuitiliztli, xixicuiyotl, amoçá tlapoualli, amo çanquexquich temictiani tlatlacolli itech quiça, in vel itech tzinti, itech peua: ca cen-

ca pinauhtiloni, telchiualoni, inaquique octica mo
 tlapololtia, yehica ca intlauanaliztli, vel quipoloua
 quitlacoua in amotlacaquiliz, in amonemachiliz,
 in amonezcaliliz: vel ic ammomaçatilia, aocmo an
 tlacancei, aocmo anquimati intlein anquichiua: ic
 cenca miecpa ampinauhtilo, antolinilo: inic cenca
 itech ammomati intlauanaliztli, mieçtlamantli co
 coliztli itech motlalia in amonacayo, ic cēca coco
 liz cui: yuan cēca mieçtlamantli ipan anuetzi tlaue
 lilocayotl, inic mieçtlan anquitlaça amanima. Ipam
 pain, cenca amotechmonequi, anquixyhecoz que
 intlein anquiqua, intlein áqui: yehica ca amo ipam
 pa oamechmopepenili in totēcuiyo, amo ipāpa oa
 mechmonochili inieantequitlaquaz que, inic ante
 qui atliz que: yuan amo ipampa oanquicelique ini
 atzin dios, in itoca baptifmo, inic çan antequitla
 quatinemiz que, inic antequitlauanaz que. Ipampa
 inaxcan, occēca yeuatl xicmocuitlauican in tlaqua
 lizcaualiztli, in neçaualiztli, inic amechmonauati
 lia tonantzin fançta Iglefia: macamo nacatl xicqua
 can iniquac quarefina, yuan iniquac in vigilia fan
 çtosme, in anoço quatro tēporas, yuan in viernes,
 in fabado: tel amo ic antlatlacoz que intla xicqua
 can iniquac cēca ammococoua, in antlanau. Auh
 monequi anquimatiz que, ca in yehuatzin totēcui
 yo Iefu chrifto, techmolhuilia, techmononochilia,
 inic nicá tlaticpac tamiçtinemiz que, tapizmiçtine
 miz

mizque inipaltzinco dios: inic çatepan, vel ompa ti
 papaquizq̄, titoyollalizq̄, pachiuiz itoyollo inilhuicac:
 (yuhquī quimitalhuiznequi,) ca inieveltitoma
 quixtizque, inic vel tictotlamachtitui ilhuicac pa
 paquiliztli, monequi achtopa tapizmiquizque, ta
 miquizque in nican tlalticpac: yehica ca in tlaltic-
 pac tlahiouiliztli, itech nelhuayotica, itech tzinti
 rica in ilhuicac tlatocayotl: auh in nelli mayanaliz-
 tli, amiquiliztli, ca vel yehuatl inic yuhquin ticami
 qui, tictēcociui in qualli yeçtli, in melauac, in chipa
 uac initoca justicia. q.n. Ca muchipa iuhquin tica-
 miquizque, tictēcociuizque inixquich qualli yeçtli,
 inic viloua ilhuicac: auh cenca toyollocopa tictel-
 chiuazque inixquich tlauehilocayotl, incēca techel
 leltia, teçaloua, inic amo õpa tiazque inichantzín
 co dios. Yuan cenca monequi, titonomatlatzacuil
 tizque, titonomatolinizque, inipampa totlatlacol
 inic otictoyolitlacalhuique inicel teutl dios, cenca
 titlaocoyazque, ic̄tichocazque, yuan titocemixna
 uatizque, inic aoquic ceppa titlatlacoizque: tito
 tlacemitalhuizque inic ticchiuazque, inic tictone-
 miliztizq̄ itenauatiltzin dios: yuan tictēcixtlauiliz-
 que, tictēcuepilizq̄ inleī totech poliuhlica teaxca:
 yuan tiepacaihiovizq̄ ipaltzinco in dios, in çaçoq̄
 nami topan vallaz netoliniztli, yuan çan iuan yo-
 coxca tictēmozq̄, in totech monequi nican tlaltic-
 pac: auh çan tlaixyehocolli, amo cenca micc: ca in
 aquin

DOCTRINA CHRISTIANA.

aquin yuhquichiuain, yehuatl vel quipia in justicia initechpoui tlaneltoquiliztli: yuan quicnopilhuia in dios ygracia, inic vel quimocenquizcaiximachia in yehuarzin dios ipiltzin totecuiyo Iesu christo in topampa oquichtli omochiuhtzinoco nicá tlatlcpac. O notlaçopilhuane, ca yuhqui hin, in justicia totechmonequiticamiquizqueticã cociuizque inic titomaquixtizque.

CAPITVLO. XXIX. DEL

Sexto peccado mortal, que es

Embidia.

YNIC CHIQUACENTETL

temictiani tlatlacolli, yehuatl in nexicoliztli, in neyoleocoliztli.

Embidia.



Y Zcatqui occentlamã tli, in cenca amotechmonequiãquimatizque, velxicmoyolloticã. Macamo icximoyolcococan, macamo icximoxicotinẽ can, inipampa ic mocuil tonoua, inic motlamachia amouãpouan: yuã macamo inca xipapaquicã, iniquac itla tetolini inipan mochiua: ca yehuatlin, ic itlacau in tetlaçotlaliztli, ic anquipoloua in

in dios ygracia: ca çan yehuantin in yollotlauehilo
 que in xolopitin, moxicotinemi: yuan çan yehuan-
 tin in aquimamati, in amozealia, tetech moyolco-
 cotinemi: yehica ca immoxicouani, yuh momati, in
 atleipan icco, in vel poliui in itenyo in imauico, in i-
 quac quitta in mieçtlamantli onca in maxca in tlat-
 qui ynaxcauaque yn tlatquiuaque: niman yc cen-
 ca tlaocuya, cenca yc moxicoua, yniquac pa-
 qui mocuiltonoua, motlamachtia in occequintin:
 yuhquimma in etoliniliz ipan quimati, in occequin-
 tin in netlamachtli in necuiltonol. Auh in in tlatla-
 colli, cenca ic ixnamico in teotlaçotlaliztli, in itoca
 charidad: ic vel neci, ca in aquin tetlaçotla, amo y-
 techca nexicoliztli. Yuan in in tlatlacolli, itzin in el
 huayo in yollotepitziliztli, in ic telchiualo touam
 pouan, in amotlaocolilo, in amo yenoittalo: vel
 yuhquimma vei tequani, vei miztli, cuetlachtli ipá
 poui: yuh quitocayoti in Patriarcha iacob, in iquac
 clanezcayotiliztica oquimitalhui. Cenca vei tequa-
 ni oquiqua, oquitolo in notlaçopiltzin Ioseph. Y-
 uan ipampa in in tlatlacolli nexicoliztli, in ye huatl
 tlatecolotl, atlacayotica, muchipa cemicac quin
 yaochiua: quintlauehnamiqui in tlatlactlactlaca: vel
 nelli telchiualoni in in tlatlacolli, yehica cacenca te-
 auilquixti, teico, temauizpolo: atle in cocca, atle
 ystepaleuia, atle ic tteyollalia: yehica ca in occequi
 tlatlacolli, itla ic quipapaquiltia in tenacayo, itla
 ypan

DOCTRINA CHRISTIANA.

ipampa papaquiliztli in neicoltilo, in eleuilo: yece
 in yehuatl nexicoliztli, amotleipampa neicoltilo-
 ni, yehica ca çan niman atle ontequixtia, çanye ic
 yxnexitilo in vei tecocoliliztli, in vei toneuiztli, chi
 chinaquiztli: amo çan quenin quitolinia, quima uiz
 poloua in aquin itech ca. Ipampain (notlaçopilhua
 ne,) iniquac aca anquittazque in quimotlaçotilia
 totecuiyo, in quixcauia teoyotl, macamo tlauelilo-
 cayotica itech amoxicozque, macamo ic ammo
 yolcocoque, caic áquimoyolitlacaluzque in dios
 céca ic anquimoyolitlacauizque in spiritu sancto.
 In yehuatin tlatlacolli, ca itech nelhuayotica, itech
 antica, itech tzintitica in nepoualiztli, in atlama-
 chiliztli, in ic cequintin cenca queleuitinemi in ten
 yotl, in mauizotl: yuan in ic cenca motepanauilto-
 caznequi. Ipampain, ma vel xiquitztimotlalican in
 ixquich neueimachiliztli, nepantlaçaliztli, ca çan
 muchi nenquiça, atle ontequixtia, atle ipan poui.
 Auh in tla cenca ximocnomatican nican tlatlcpac,
 ipaltzinco in dios, ca occenca tlapanauia in ic yeua
 tzin amechmoueccapanilhuiz, in ompa ilhuicac: ye
 hica ca in yehuantin mocnomatini, muchipa quim
 motlauelcaquililia in totecuiyo, iniquac itla ic qui
 motlatlauhtilia, niman iciuhca quimmopaleuilia,
 quimmotlaocolilia. Noyuá, in mocnomatini, amo
 çan quexquich immuchipa quicelia ygracia, in ite-
 tlauchtzin dios, yuan in itetlauchtzin spiritu san-
 cto

Etō : yehica ca vel imilhuil , immaceual inic muchi
 quienopilhuizque qualli yeçtli, inipampa innecno
 matiliz. Y uan in yeuatl necnomatiliztli, vel quipia
 quimalhuia in teanima y uan in tenacayo:ca necno
 matiliztica vel âquipiezque inixquich oamechmo
 maquili totecuiyo:in aço itech poui amanima, in a
 noço itechpoui amonacayo. Auh intlacamo amo-
 tech yez necnomatiliztli, maciui in anquipiezque
 maciui in amotech yez in occequi virtudes , qualti
 liztli, yeçtiliztli, ca yuhquin atle anquipia, yuhquin
 atle qualli amotech ca. Ipâpain, ma xiccentelchiua
 can, ixpâpa xeuacan, xiçtlalcauican in nexicoliztli:
 ca cenca quitlacoua , quipopoua in tenemiliz:
 quitzintia, quipeualtia in temicçtiliztli, y uan vel ic
 tlalcauilo in charidad teotlaçotlaliztli. In moxico-
 uani, im moyolcocouani auel moteicniuhua , ayac
 vel itech momati, amono vel necniuhilo, çan mu-
 chitlacatl quitlalcauia:yehica cayeuatl quipeualtia
 quinelhuayotia in techicoitoliztli, in teteputzito-
 liztli, inic poliui temauico, inic nepa notl netlauel-
 cuitilo, inic miequïtin motlauelcuitia, moneteche
 ua, in quimonepâcuilia imaxca intlatqui:ca vel ipâ
 pa inin tlatlacolli, in yeuatl Cain, inipiltzin achto
 tota Adâ, quimiçti initeiccauh Abel: auh in Iudios
 me, çanno ipampa ininnexicoliz, oquimomiçtili-
 que totemaquixticatzin Iesu christo. Ipâpain, tech
 molhuilia in sant Pablo. Macamo intlan xitlaqua-
 can

can, macamo intlan xatlican, macamo intlan xine-
mican in moxicouani, maçan xiquintlalcauican.

CAPITVLO. XXX. DEL

Septimo peccado mortal, que es

Pereza.

YNIC CHICONTETL TE

mictiani tlatlacolli, yehuatl yn
tlatziuiztli.

Pere-
za.



Laximocaquitican, (notla
çopilhuane,) iniquac anqui
tlatziuizcaua, anoce çan an
quixiccaua inic amechmo-
nauatilia totecuiyo dios, ini
techpoui teotlaçotlaliztli,
in charidad, cacèca ic anqui
moyolitlacalhuia in amo-

reouh in amotlatocauh, ic miecpa ipan anuetzi in
temictiani tlatlacolli, initoca tlatziuiztli. Ipampa-
in, in yehuatzin totemaquixticatzin Iesu Chrillo,
techmonauatilia inic muchipa tixtoçotinemiz que
titlatlatlauhtitinemizque, inic amo çan nèquiçaz
tonemiliz, ynic amo titlatziuhtinemizque. Yuan
ypampa ynic amo techpanauiz tlacatecolotl, ini-
quac techmoyehecoltiz: ca occenca yquac tlapa-
nauia ic techmoyehecoltia, yniquac atle tai, atle tic
chiua. Auh ypampain, in yehuatzin sant Pedro, no
techmononochilia ynic titimatcanemizque, ynic
amo

amo ticochizque:yehica ca inyeuatl tlacatecolotl,
muchipa techmopachiuitinemi,techyaualotinemi
techpipixtinemi,inic tocamocacayauaz , inic tech
iztlacauiz.Ic cenca amotechmonequi,in vel anqui
mocuitlauizque,itech ammomatizque in amotla-
requipanoliz,in amotequiuh, inic vel anquipiezq̄
initenauatiltzin dios . Auh mayuh quimattie in a-
moyollo : ca intlatziuiztli , vel quitlauelnamiqui,
quiyaochiaua iu teotlaçotlaliztli, initoca charidad.
Ipampain,macamo çã xinennemican,macamo çan
xiçlatziuhcacauacã in amonauatil:ca inyehuatzin
totecuiyo Iesu Christo,inipan sancto Euágelio,cẽ-
ca quimmauilia,quimmopinauhtilia in amo tlate-
quipanoznequi, in çan nennemi : auh inic amono
amechmauiliz,amechmopinauhtiliz in totecuiyo,
ma vel xitlatequipanocan in oncan ixocomecamil
pan sancta Iglesia. (q.n.) Ma cenca xitlamaccuacã,
ixquich amotlapal xicchiuacan,inic anquimixnex
tilizque ininemaquixtiliz amanima:ca yeuatlin,in
occenca amotechmonequi in anquitequipanoz-
que. Auh noyuan quimonequiltia in totecuiyo, in
anquimixnextilizque,ãquitemozque intlein amo
techmonequiz,inic onyez in anquiquazque in an
quizque:yuan in quiquazque in quizque amopil-
huan,in amochantlaca:ca quimonequiltia in tote
cuiyo,in cenca anquintequipanozque in amopil-
huan, in amociuauan , in amotlan nemi:cenca an-

quimmocuitlauizque initechpa inimanima, vel an
 quincacquitizque, anquimmachtizque inineltoco-
 catzin totecuiyo, yuan in teonauatilli, yuan inix-
 quich qualli nemiliztli, inic quimovellamachtiliz-
 que totecuiyo, yuá inic momaquixtizq̄. Yuá amona
 uatil mochiua, inic anquimmachtizq̄ amouá pouá
 in amoquimati itlatoltzin dios. Auh in amehuátin
 antepilhuá, vel xiquicalcaquican: ca cēca amo vei na
 uatil inic anq̄nintlacamatizque in amotauan in a-
 monauan: yuan amonauatil, in cenca anquimmo-
 cuitlauizque, anquintemolizq̄ inintechmonequi,
 iniquac motolinia. Ipampain, namechtlaquauhna
 uatia, cenca xiquimmocuitlauican, xiquintlaecol-
 tican, xiquintequipanecan: yuan amocēyollocopa
 xiquintlacamatican, xiquinnepechtequilican, xi-
 quimmauiztilican. Auh in anteciuauan, nocenca
 xiquimmocuitlauican xiquintlayecoltican, yuan
 amocenyollocopa xiquintlacamatican, xiquinne-
 pechtequilican in amonamicuan, in amoquichuá,
 xiquinyollalican. Auh in antlatlacotin, xiquintlaca-
 matican in amotecuiyouan, xiquimmocuitlauicá,
 vel xiquintlayecoltican: macamo xitlatziuhthinemi-
 can, ca intla antlatziuhthinemizque, ic amechmotla
 tzacuilitiliz in totecuiyo dios, iniquac ixpantzinco
 antlapouatiui, iniquac amechmotlatlaniliz: yehica
 ca oanquinempoloque in amonemiliz.

CAPITVLO. XXXI. DONDE

se declaran los cinco sentidos: y pr^o
meramente dela vista.

NICAN MOTENEVA IN MA-
cuillamantli tonemachiliz, initoca
sentidos : achto itechpa tla-
tolo in totlachiaya.



O monequi anquimatizque
(nopilhuane)ca in yeuatzin
totecuiyo dios, inic cenca o
techmocenzquizecayechichi
uili in tlaticpac titlaca : to-
tech oquimotlalili, otechmo
maquili macuillamantli tone
machiliz, initoca sentidos.

Los cin-
co senti-
dos.

Inic centlamantli, yeuatl in totlachiaya : inic ti-
quittazque iniquitlamantli mauiçaubqui oquimo
chiuili totecuiyo dios : auh iniquac otiquittaque,
ic vel tictiximachilizque : vel yuhyez in toyollo, ca
çan iceltzin teutl, tlatouani, tlachiuale, tlapualti-
le: yuan, niman ic titocnelimatizque, inipampa ix
quich ic otechmocnelili, cenca tictoyecteneuiliz-
que, tictotlaçotilizque. Auh ca amo ipāpa in otech
momaquili totlachiaya, inic tiquittazq̄ intlein ic-
motlapololtiz tanima: inaço ic titeixeleuizq̄, anoço
çané ic titlatlattazque, titlatlachiezq̄, inic ticpaquil

Delfer-
tidoçla
vista.

DOCTRINA CHRISTIANA.

tizque in tonacayo: ca inin, niman amo monequi.
 Yc cenca antlaquauhnauatilo, inic vel anquitelchi
 uazque, amo anquittazque in tetlapololti. Ca in iz
 quitlamátli tonemachiliz, in tosentidos, yuhquim
 ma ventanas ipan poui, in oncan calaqui miquiz-
 tli, in quitlapololti, yuan quimiçtia in tanima: ipá
 pain, cenca totechmonequi titotlacaualtizque: çá
 cenca ic anchocazque in amixtelolo, ipampa caoá
 quimoyolitlacalhuique in dios, yuan ipampa in in-
 tlatlacol amouampouan: yuan inic anquitztimo-
 tlalizque in ixquich miçtlan tlaihiouiliztli, yuan in
 amomiquiz: yeuatl ipampa inic amo anquimoyoli
 tlacalhuizque in amoteouh, in amotlatocauh dios.
 Auh occenca ipampa anchocazque, inic amouel
 anquimati, in campa anyazque, in campa amech-
 motlaxiliz in totecuiyo, iniquac amechmotlatzon
 tequililiz: muchipa ipampa anchocazque in, amo
 ye ic anchocazque, in aço quemmanian anquipo-
 loua amotlatqui, in tlatlcpacayotl, in anoço an-
 quincava amociuauan, in anoço amopilhuan: tel
 monequi quemmanian, impampa tichocazque in
 aquique techpaleuia initechpa qualli yeçtli, in-
 quac momiquilia. Ca iniquac impampa tichocain,
 amo ic titlatlacoua: çá iniquac itla ipampa tichoca
 in atle yanima, in amo yuli, in atle y sentidos, ca a-
 mo qualli in ticchiua. Ipampain, vel xicmatican;
 (notlaçopilhuane,) ca in tla ipampa anchocazque;

in onicteneuh, in amo yuli, in amo tlacaqui, ic an-
 quimoyolitlacalhuizque in totecuiyo dios : in mo-
 i. equi impampa anchocazque, caychuátin in oqui
 moyolitlacalhuique ininteouh, inlatocauh dios:
 auh nomonequi inipápa anchocazque ini pafsio,
 initlahiouiuitzin in totemaquixticatzin Iefu Chri-
 fto, ca cenca ic anquimouellamachtilizque, yuá ic
 cemicac ampapaquitiui in ilhnicac.

Yuan, in yehuatzin totecuiyo otechmomaquili
 in totlacaquia, inic ticcaquizque inixquich qualli
 tenonotzaliztli, initlatoltzin dios, in techmomela
 uililia in yehuantin itlatenquixticauan in sacerdo-
 tesme : inic vel teotlatoltica tictoneltoquitizque:
 yuan inic velticcaquizque, ticmauicozque in izqui
 tlamantli mauicoauhqui in topampa oquimochiui
 li : ca in tlacamo anquicaquizque, niman atle vel
 anquimatizque. Auh initechpa tlalticpacayotl, yuá
 initechpa tlacatecolotl, amotechmonequi ammo-
 nacattzaquazque, inic amo anquicaquizque in a-
 qualli cuicatl, in catzauac tlatolli, in çanéquizqui,
 in teauilquixti : ca vel ic itlacauí in qualli nemiliz-
 tli, (iniuh quimitalhuia fant Pablo.)

Yuan otechmomaquili in totecuiyo dios, in to-
 tlauelmatia: inic ticuelmatizque, (immacaçan atl,
 tlaqualli,) inixquich tixpan quimotlalilia tonan-
 tzin fanta Iglefia: in teotlatolli, ca yuhquimma tla-
 qualli ipan poui, cenca tlayecchichiualli : auh çan

*Delfen
 tido d
 yr.*

*Delfen
 tido d
 gusto.*

yehuantin cauiacamati in itlaçouan totecuiyo. Ni-
man amotechmomaquili in tötlauehmatia, inic cē
ca itech titomatizque in velic, in auiaç, in tlachichi
uhtli tlalticpac tlaqualli: ca techmonauatilia in to-
tecuiyo, in çan ti quixyehcozque tlaqualli, in itech
poui tonacayo: amo yuh tiechiuazque iniuh ce-
quintin quichiua, in tlauantinemi, in tequitlaqua-
tinemi, in xocomictinemi, in moxuititinemi. Ipam
pain, (notlaçopillhuane,) çan xiquixyècocan intle
in anquiqua, intlein anqui.

*Defen-
zi do dñ
oler.*

Yuan otechmomaquili in totlanecuiya, inic ti-
quinecuizque incenca qualli, in cenca auiaç in qui
mopielia sancta Iglesia: in oncan cenquiztoc in ix-
quich tlaçotli pahatl, in itech quicça in izquitlaman
tli cenquizcaqualli sacramentos: yuan ipampa in o-
techmomaquili, inic ticcaquizque, ticacicaittazq̃,
iniuhquimma tiquinecuizque, ticmauiçozque in
tenyo in imauicço, in inyecnemiliz itlaçouan totecui
yo dios: iniuhqui cēca auiaç copalli ipá poui. Amo
ic otechmomaquili, inic tiquinecuizque intlein te-
tlaecti, in catzauac, inic neyoleualo itechpa tlaelpa
quiliztli, yuan nepoualiztli.

*Delabo
caylla
legua.*

Noyuan otechmomaquili in totē, in tonenepil,
inic muchipa cemicac tictoyecteneuilizque, ticue-
capanozque in cenca mauicçauhqui itocatzin: yuá
inic tictonochilizque, tictotlatlauhtilizque. Amo
ic otechmomaquili, inic titechicoitozque, inic ti-

teiztlacauizque.

Yuan otechmomaquili in totlamatocaya , initech quiça in toma yuan tocxi:ipampa inic tiquim paleuizque , tiquintequipanozque immotolinia, inicnotlaca, incocoxcatzitzintin:tiquimpatizque, tiquintocuitlauizque. Amo ic otechmomaquili in totlamatocaya, inic ticmatocazque intlein yaman qui, in çan ipampa tlauelilocayotl:in anoço icticte cuilizque inteaxca:in anoce icticmatocazque intle in catzauac, initechpoui tlaelpaquiliztli.

CAPITULO XXXII. DE LOS SIETE SACRAMENTOS de la Iglesia, y primeramente se declara el primero, que es el Baptismo.

NICAN MOTENEVA IN CHI
contlamantli sacramentos, initech
poui sancta Iglesia.

Los siete sacramentos de la Iglesia.



Otlaçopilhuane , cayeoanquimocaquitique inimela-uaca neltoconi , yuan in teo nauatilli , yuan in temiçtiani tlatlacolli, inic vel anquimatizque in quezquitlamãtli amonauatil, in anquintocazque, in anquichiuazq̄: yuan in quezquitlamantli anquitlalcauizque. Auh in axcan , namechmelauiliznequi, yuan namechilnamictiznequi in achto onamechilhui , initechpa in quenin timuchintin tlatlacolpan titlacati. Tla-

ximocaquitican,ca iniquac techtlacatilia in tonã
uan totauan,niman totech valyetiuh intlatalcolca
tzaualiztli:auh inin ca ipampa inintlatalcol achto
totauan,achto tonauan Adam yuan Eua.Inin tlatla
colli,motocayotia peccado original.(q.n.tlatlacol
peuhcayotl,tlatlacoltzintiliztli,yehica ca intech
peuh,intech nelhuayouac inachto tota inachto to
nan:auh muchitlacatl ipan tlacati, ic cenca tlaiho
uia,motolinia inixquichtin tlalticpac tlaca,inciua
yuan in oquichtin:yehica ca inin tlatlacolli origi
nal,vel quitlauelnamiqui,quimoyaotia inixquich
qualli yectli:in queleuia initech vetzi in toyolia in
tanima: auh intlein quitlauelnamiqui tanima,ca
motocayotia itenanatil in tonacayo, itlauelnami
quia:yehica ca velyeuatl ic techtlallauiznequi,tech
tlanitlaçaznequi,techpanauiznequi,yuhquin to
pan tlatocatiznequi.Auh inquenin mantiui,moz
caltitiui tlalticpac tlaca,ca noyuh intechyetiuh ini
tlauelnamicoca tanima.Ipápain,inic veltopeualoz
inin tlatlacolli,in yeuatzin ipiltzin dios,in itlaçoco
netzin sancta Maria,yehica ca cenca motetlaocoli
liani,cenca quimonequiltia inic muchitlacatl mo
maquixtiz:yuan inic timuchintin topã neltiz inic
otechmochiuili,yuan inic otechmotemoli,otech
momaquili inipatica:yuá intlein ic topeualoz inin
tlatlacolli:ca yeuatl in cenca chicauac qualtiliztli,
initechpa quica ini passion totecuiyo, inic topápa
mo

motlahiouilti: yuan otechmocauililitia in izquitla
 mantli sacramentos, in cenca qualli patli, ceca chi-
 cauac: ca tetchipaua, techyeçtilia initechpain tlatla
 colpeuhcayotl, yuan itechpa in ixquich occequi
 remiçtiani tlatlacolli: auh cenca tetchicaua inipan
 gracia, yuan inipan itlaçotlaloca dios, yuan vel ic-
 tiçtopeua in tlatecolotl, yuan in ixquich iteiztlá
 cauiliz. In yeuatlin sacramentos, ca chicontlaman-
 tli.

DEL PRIMER SACRAMENTO

que es el Baptismo.

Y NIC CENTETL SACRAMEN

to, yeuatl in nequatequaliztli,
 itoca Baptismo.



Y Nic centlamantli, moto-
 cayotia Baptismo. (q. n.)
 nequatequaliztli: inin caitzin
 ipeuhca, yuá yuhquimma itla
 tzacuillo poui in nemaquix-
 tiliztli: yehica ca niman ayac
 vel momaquixtiz, in tlacamo
 achtopa moquatequiz. Auh
 ipampain, nouian ceca necui
 tlauiilo, in icmoquatequiz que
 in pipiltzitzinti: ca in yeuantin, ipampa in auellato
 ua, paleuilo: auh cenca monequi in antetauá, in tix
 pan anquinalhuicaz que, yuá noteuantin totech-

*Baptis-
 mo.*

monequí tiqintemozque. YUAN moneqni anqui
 matizque, ca in Baptismo, amo yeuatl moteneua,
 inic çantlapic moteca atl: amono yeuatl inic mal-
 tia, inic chipaua tenacayo, ca inin vel amehuantin
 anquichiuazque: çan in atl ic nequátequilo, amo
 çaçan vel molhui atl, ca tlateochiualli: auh intlatol
 li, amo çaçá noilhuiz tlatolli, ca itlatoltzin in dios:
 yuan in atl, mouicaltiz initlatoltzin dios, çanmocé
 chiuaz, cenneneuiaz, yuan mouicaltiz initlanelto-
 quiliz sancta Iglesia, inic vel sacramento mochiua
 inin nequatequiliztli: ipampa ca yuh quimotlalili
 in totecuiyo, yuan ca itencopatzinco immochiua:
 ictecaquitilo, yuan tinez cayotililo, ca in Baptismo
 vel quichipaua in tanima, initechpa tlatlacolpeuh
 cayotl, ica inigracia totecuiyo, initechca inin sa-
 cramento, (iniquac ayamo ceppa ámoquátequia)
 yehica ca çan vel ceppa in celilo Baptismo, amo vel
 oppa anoço expa. O cayeuatlin, inic vel pati pipil-
 tizintin, initechpa tlatlacolpeuhcayotl. Auh in
 yehuantin yequaquauhtique, in yeixtlamati, immi
 cētlamantli tlatlacolli oquichiuque, cēca intech
 monequi quinchoctiz, quintlaocoltiz inintlatla-
 col, in cenca ic motequipachozque, inic oquimo-
 yolitlacalhuique totecuiyo dios: cenca quimotza-
 tzililizque, yuan quimotlatlauhtilizque, inic quim
 motlapopolhuiliz, inic quimmopolhuiliz inix-
 quich intlatlacol: yuan mocemixnauatizque inic

aoquic ceppa tlatlacoique : noyuan quicemitoz-
 que, inic monemilizcuepazque: yuan quineltocaz
 que, in izquitlamantli neltoconi: yuan quipiezque
 quichiuhque, quitequipanozque in itenauatiltzin
 dios, yuan in itenauatiltzin sancta Iglesia. Iniquac
 oyuh quichiuhque in, quinquac moquàtequizque
 quicelizque in Baptismo: ic vel chipauaz in imani-
 ma, yuá ic vel momaquixtizque. Yehica ca in sacra-
 mento Baptismo, ic muchi poliui in intlatlacol, in
 manel miec oquichiuhque tlatlaticpac: noyuan ic po-
 liui in tlatlacolpeuhcayotl, in ipan otlatatque. Ipá
 pain, vel xicmatican, ca in ixquichtin pipiltzitzin-
 tin momiquilia, in ayamo moquàtequitiui, amo
 vel calaqui in ihuicatlitlic, yuan amo vel quimottli-
 lia in dios. Ipampain, ma vel xicmocuitlanican, inic
 anquinalhuicazque teopan, inic moquàtequiz-
 que. &c. Auh in amehuantin in yeanchicauaque, in
 ye amixtlamati, in aço ancequintin in noçan aya-
 mo ammoquàtequia, xiccemilcauacá, xiccentelchi-
 uacan in ixquich amotlauehilocayo, in ixquich amo
 tlatlacol, yuan xicmocenneltoquitican in totecui-
 yo dios: yuan xiccelican innequatequiliztli Baptif-
 mo, xiquimotlatlauhtilican in sacerdotisme, in-
 ic amechquatequizque: ma çannen anquitlatziuiz-
 cauhti in in Baptismo: ca intla çan anquitlatziuiz-
 cauazque, vel nelli namechilhuia, ca ypampa a-
 mechmotlatzacuikiliz in totecuiyo dios, yuan ic
 amech

amechmotlatzontequililiz, yuá amechmotlaxiliz
 miçtlan, inic ompa cemicac antlaihiouizque. Auh
 inaxcan (notlaçopilhuane,) in oammoquatequi-
 que, intla quémajian antlatlanilozque, intla amil
 huilozque. Aquin itech ampoui, tleamotoca? An-
 quiteilhuizque. Ca titlaca tichristianome, occeppa
 yancuicá otechmotlaocolili inipalnemouani dios:
 inic ipaltzinco totecuiyo Iesu Christo opoliuh in-
 totlatlacol, yuhquin occeppa yancuican otitlacat-
 que, otiyolque: yuan otimaquizque ica initlaçoez
 çotzin totecuiyo Iesu Christo, otechmomaquixtili
 inimacpa tlatecolotl: yuan otechmoyolceuilili
 initlaçotatzin, inic aocmo totechmoqualanaltiz
 inipampa totlatlacol, inic techmopaccaceliliz, in-
 çan vel iceltzin ipaltzinco initlaçopiltzin totecui
 yo Iesu Christo. O canican vel neci, in quenin amo
 neneuhque amo cempoui, inaquique ayamo mo-
 quàtequia, yuan in omoquàtequique, in ye christia
 nome, in oquicelique Baptismo. Ca inquenin ati-
 ca chipaua in tonacayo, iniquac nealtilo, çányuh
 qui in Baptismo: ca initlaçoeçotzin totecuiyo Iesu
 Christo, quichipaua quiqualtilia in tanima: yehica
 ca in yeuatzin, ica initlaihiouilitzin, cenca oquimo
 uellamachtli, cenca oquimopapaquiltli initlaçot-
 atzin: ic onquimonequilti, inic muchintin mo-
 quátequizeque, motocayotizque Christianome,
 (quitoznequi, (tlamaquixtiltin initechpa ixquich

tlatlacolli: yehica ca oquicnopilhuique initetlaço-
 tlalitzin, inigracia dios tetatzin. Ipápain, inixquich
 tin omoquàte quique, mieçtlamantli ic quimmo-
 tlahuilia, ic quim motlaocolilia intotecuiyo, iniuh
 qui chalchiuítl, anoço teocuitlacozcañtli ipan poui,
 in quinezcaoyotia inixquich qualli yeçtli, in mote-
 neua virtudes theologales, yuan morales, initech
 quimotlalilia in tanima, yehica ca yeipilhuan. Auh
 in occequintin, in amo moquàtequiznequi, ca vel
 itlacauan, imàceualhuan in tlatecolotl: ipápain,
 amo imilhuil, amo immaceual in macozque in iz-
 quitlamátli itetlahuítzintotecuiyo. Inin tetlahu-
 tilli, ca innenea, in yulca inixquichtin omoquàte-
 quique: itilma ipá poui, quimoquentia in tanima:
 ic paçtinemi inixquichcauítl tlatiepac monemi-
 tia. Inaxcan, (notlaço pilhuane,) ma cenca xiquitzti
 motlalican, in quenin vel yuhquimma amitlaço pil-
 huan amechmochiuilia totecuiyo dios: inic amech-
 mocuitlauitzinoua. Ca in quenin amehuantin cen-
 ca anquimmocuitlauia, anquimauizmati amopil-
 huá, inic anquimaca intlein quiquazq̄, intlein quiz-
 que intlei quiquemizq̄, çá noiuh ceca quimocuitla-
 uitzinoua, quimmomauizmachitia in totecuiyo in
 aquique itetzinco poui. Inin itetlahuítzintotecuiyo, in
 cenca tlaço tli, inic otlahuiloque tlatiepaçtlaca,
 ca yuhquin intlauiz, in chimal, in macquauh ipá po-
 uir: inic quitopeuazque, quiyaochiuazque in tlate-

tecolotl: auh inic noamehuátin vel anquitopeuaz
 que, inic aocmo ceppa imac anuetzizque, inic aoc
 mo amechmomaltiz, vel xiquilnamiquican iniz-
 quitlamantli ic amechmotlaocolilia totecuiyo, in-
 axcan, yuan in yeompa titztiui: vel ximauhcanen-
 can, inic amo anquipolozque: ca intlaxicpolocan,
 aocmo amipilhuan anyezque in totecuiyo, çá ami
 pilhuan anyezque in tlacatecolotl. Ipampain, ach-
 topa ammachtilo Per signum crucis. &c. in quitoz
 nequi. Nixquac nicquetza in cruz, yuan nocamac,
 yuan nelpá, ic nicnotlatlauhtilia in totecuiyo, inic
 nechmomaquixtiliz in inuicpa noyaouan. Inin, mu
 chipa yuh anquichiuazque, iniquac yeitla ancom-
 peualtizque, inic amechmopalculiz totecuiyo: oc
 cenca iquac in anualmena amocochian, in anual-
 quica amochan, in yeancalaqui teupan: yuan ini-
 quac ye amotecazque, in ye ancochizque: yuan
 iniquac yeantlaquazque, yeamatlizque: yuan ini-
 quac in çaçotlein tetolini amopan mochiuaz, inic
 vel yehuatzin amechmopieliz, amechmopaleuiliz
 initechpa in çaçotlein anquichiua, in çaçotlein an
 quitoua. Noyuan anquiteneuazque in ipersonas in
 sancta trinidad: anquitozque. Ninomachiotia ica
 in itocatzin tetatzin, tepiltzin, spiritu sancto. Ini-
 quac anquitozque in, amotech anquiquetzazque
 in cruz: ca ic monezcayotia, in quenin monequi
 molnamiçtinemiz in itlahiyouilirzin totecuiyo:

inic

inic ayac quilcauaz, çan vel muchipa toyollo itlan
yez. Inin omito, ca moteneua, motocayotia cruz,
yehica ca muchipa totech ticquetza, tiquitoua.
Per signum crucis. yuan ticteneua in cêquizcaqual
li itocatzin sanctissima trinidad: inic muchitlacatl
quimatiz, ca inizquitlamantli mauçauhqui ini-
techpa mitoua cruz, ca ic otimaquixtiloque: auh
yehuatzin oquimochiuili in sanctissima trinidad,
inimeixtin personas, tetatzin, tepiltzin, spiritu san-
cto: ca vel itencopatzinco, yuan vel yehuatzin yuh
oquimotlalili, inic cenca mauçauhqui omochiuh
cruz. Auh yehica, ca in tepiltzin, velyehuatzin oual
mouicac in tlalticpac, oquichili omochiuhtzino-
co: yuan timuchintin topampa omomiquilico: y-
uan yeuatzin oquimoyolceuili in itlacotatzin, ini-
pampa ixquich totlatlacol. Ipampain, tiquitoua,
yuan tictocuitia, ca vel yehuatzin otechmoma-
quixtili in timuchintin tlalticpac titlaca: yehica ca
çan vel iceltzin, quimotequipanilhui, otechmoc-
noirtili, otechmotlaocolili in nican tlalticpac, ini-
yoloco in vel inepantla tlalli: noyuan tiquitoua,
tictocuitia, ca in yehuatzin Spiritu sancto, ca cenca
vei inic techmotlaocolilia, techmocnoittilia, tech-
mocnelilia, yehica ca techmotlanextililia, inic vel
muchitiquittazque, tiquiximatizque inizquitla-
mantli omoteneuh in tocneliloca, inic otechmoc-
noittili, otechmotlaocolili totecuiyo: yuan cenca
tech

techmochicauilia, techmotlalnamiçtilia inictiçtoc
 nelilmachitizque, yuan inictiçtotlayecoltilizque.
 Ipampain, tiquitoua ca in spiritu sancto vel tone-
 cuiltonol, tonetlamachtil, yuan teoyotica toyolca,
 tonēca, vel ica initetlauhtiltzin teoyotica tinemi:
 ca techmoyollouilia, yuan techmoyoleuilia inic tic
 tonemiliztoquilizçrotēcuiyo Iesu christo: yuá inie
 ticcemanazque in teoyotica nemiliztli, inic amo ti
 toxiuhtlatizque inixquichecauitl timiquizque. Auh
 ipápain, vel tocpac tiçteneua initocatzin tetatzin,
 ic tienezcayotia, ca yehuatzin itetzinco peua, ite-
 tzinco tzinti inixquich qualli yeçtli: auh toxillá tic
 teneua initocatzin tepiltzin, ic tienezcayotia in te
 chualiztli, in nepilhuatiliztli, in tlacamecayotl:
 auh initocatzin spiritu sancto, telpan in tiçteneua,
 ipampa ca oncanca in toyollo: ic tienezcayotia ini
 tetlaçotlaltzin. O cayehuatlin, in cenca mauiztic,
 in quinezcayotia Per signum crucis, de inimicis no
 stris, libera nos deus noster.

CAPITVLO. XXXIII. DEL SE

gundo Sacramento, que es la

Confirmacion.

YNIC VNTETL SACRAMEN-
 to, yeuatl in teoyotica techica
 ualiztli, itoca Cõfirmacion.





MOnequi ^{Confir-}
 anqui- ^{mación.}
 ma tizque,
 ca inipam-
 pa in tlatla-
 col in achto
 tota, in ach-
 to tonan, in
 Adam yuan
 Eua, yuhquí
 vey cocoliz
 tli totech o-
 motlali, yuh

quin çan tiuiuixcatotontin, amo tichicauaque: ca
 in toyollo, muchipa yehuatl itech vetztinemi yn
 tlatlacolli: auh in tlatlacolli, yehuatl quicocolizcui
 tia, quitlanautia, couitilia, quiçotlaua intanima
 yuan in tonacayo. Ypampain, in amehuantin amo
 anchicauaque, amo vel antlachia, amono vel an-
 tlacaqui: yehica ca in tlatatecolotl muchipa tlatla
 coltitlan oamechnemiti. Auhinic timuchintin tito
 chicauazque, in yehuatzin totecuiyo Iesu christo,
 inipiltzin dios, in itlaçoconetzin sancta Maria, oc-
 centetl otechmomaquilitia, otechmocauilitia sa-
 cramento, ytoça Confirmacion. Yniquac ticcellia
 inin Sacramento, caic timaco in gracia: ic cenca ti
 tochicaua, titopaleuia, titomapatla ininuicpa to-
 I yao-

yaouan tlatlacatecolo (intla necencaualiztica, chi pualiztica ticeelizque) ca cenca mieçtlamantli ic mocnopilhuia initetlauhtiltzin Spiritu sancto: in amo çan iuhqui teocuitlacuzcatl ic tlaçotli: in amo çan yuhqui in cenca quali tlamacho tilmatli, inie cenca qualneci, yuan inie cenca moyecchi-chiua tanima. Auh inin tetlauhtilli, ca mieçtlaman tli.

Sabiduria.

YNie centlamantli, yehuatl in teotlamatiliztli, inie vel cacicamati, inie vel quiximati tanima, iniqualtiltzin, iniyectilitzin nelliteotl totecuiyo dios: yuan inie vel itechmomati, itech pachiu: quiuelicamati inixquich itlachiualtzin ipalnemouani.

Entendimiento.

Inie vntlamátli, yehuatl intlaacicacaquiliztli. Inin cayuhquin vei tlanextli, iuhquin ocotl clauilli ipan poui: qnimmomaquila, yuá quimotlauhtilia inima nima talticpac tlaça, inie vel cacicaittazque, caca caquizque in teotlatolli, in sancto Euágelio: auh iniquac oquicacque, vel quimotlacamachitizque in totecuiyo, ic vel quimonemiliztizque intlein yehuatzia quimonequiltia.

Confesão.

Inie etlamantli, yehuatl in tenonotzaliztli, teizcaliliztli, in quimoteyollotilia spiritu sancto: ic qui mittitia, quincacuitia in tlaçouan, in quez quitlamantli ic motzotzona, in amocacicamati, in quin

nentlamachtia, in quinq̄quipachoua, in vel yehuá
tin in anoço yehuantin inuampouan.

Inic nauhtlamantli, yehuatl in chicauiliztli, inic *Fortaleza*
moteyollotlapaktlilia spiritu sancto: ic quimmochi
cauilia inaquique quimotlayecoltilia in totēcuiyo
dios, inic vel quipanauizque quitopeuazque in iz-
quitlamantli in quinq̄quipachoua, in quimelleltia
yuan in quincualtia qualli yectli, inic nenemilizti
lo sancto Euangelio.

Inic macuillamantli, yehuatl in tlamatiliztli: ca *Sciencia*
inixquichtin quimmomaquilia, quimmotlauhti-
lia in spiritu sancto, inaquique quitemachtia itla-
toltziu dios: inic vel quiteittitizque, quitemach-
tizque inixquich teotlatolpan ic uilhuhtica, inic
motlamachtiz, inic mocuiltonoz in teyolia, teani-
ma.

Inic chiquacentlamantli tetlauhtilli, ca yehuatl *Piedad*
in teicnoittaliztli: ic vel chipaua in teanima, yuan
ic vel itetzinco pachui in totēcuiyo dios: noyuan
ic quitelchiua, quitlaclitta in tlatlacolli. Y nin ite-
tlauhtiltzin spiritu sancto, ic cenquizecaualtililo
in te anima, yuan ic pacca, yuian yucuxca nemo-
ua: yuan ic cenca temolo, ic cenca eleuilo in ilhuica
cayotl.

Inic chicótlamantli tetlauhtilli, cayehuatl inima *Terror*
caxoca dios: ic muchipa mauheaca tanima, quimi-
macaxilia in totēcuiyo, yuá quimauizoua, quiueca

DOCTRINA CHRISTIANA.

panoua initenyo inimauiço totecuiyo: ipan tlato-
ua in izquitlamantli itetzinco poui, inic vel muchi
pa paccachualoz in tlein quimonequiltia dios.

*CAPITVLO. XX XIII. DEL TERCERO SA
cramento, que es la confession y penitencia, y del tiempo
que son obligados a confessarse.*

YZCATQVI INIC ETETL SACRA-
mento, in itoca Penitencia, inic neyolmela
ualo, inic neyolcuitilo ixpan Sacerdote.

*Cōfes-
sio y pe-
nitencia*



IN tlalticpac tlaca, inic cen-
ca itechomomatque tlatla
colli, in tlauelilocayotl, in ce-
cemilhuitl amo çã quezquipa
cenca miecpa in ipã vetzi, ipã
pa in amo cenca mochicaua:
auh in yehuatzin totecuiyo
dios, yehica cacenca motetla
colhiani, quimonequiltia in
amo ticépoliuiizque, in amo miçtlan techuicazque
tlatlacatecolo: ic otechmomaquili incéca qualli, in
cenca tlaçotli patli, in itoca Penitencia (.q.n.) neyol-
melaualiztli, netequipacholiztli, tlaocoyaliztli,
inic titlaocuya, titotequipachoua, in ipãpa oticō-
yolitlacalhuique totecuiyo: yuá ipãpa in otiquinyo
litlacoç touápouá. Auh quimonequiltia in totecui-
yo iniquac oamechoçti amotlatlacol, nimã imixpã
âyazç in sacerdotes, teoyotica tetauá: céca âmocno
mattiazç, átlaocoxcoçtiaçç, âmotequipachotiazç.

Yn

Yn yehuatlin cenca amotechmonequi in anquichiuazque, inic vel anquicnopilhuizque inigracia totecuiyo dios. Niman imixpan, imicxitlan ammo tlanquaquetzazque: vel iuh anquitozque, vel yuh anquimelauazque in amotlatlacol, inquenin oanquichiuhque: atle anquitlatizque, atle anquipina uizcauazque, canel amo ampinauaque iniquac oá quichiuhque. Auh iniquac ye ammoyolcuitizque, cenca amotechmonequi in amechyolcoco, in amechtequipachoz amotlatlacol inic oanquimoyolitlacalhuizque, inic oanquimoqualancuitilique in amoteouh in amotlatocauh: niman ic amocemixnauatizque inic aocmo ceppa anquimoyolitlacalhuizque, inic aocmo ceppa anquichiuazque in oanquichiuhca: yuan aic anquichiuazque in occequi tlauehilocayotl in aic oanquichiuhque: ca in tla occeppa anquichiuazque, in tla occeppa ipan anuetzizque tlatlacolli, occenca yequene ic anquimoyolitlacalhuizque in totecuiyo, in amo machiuh achtopa: yehica ca oannemachtiloque, oamilhuiloque, oannauatiloque inic aocmo ceppa antlatlaco, noyuan ca ic veia, tlapiuia in tlatlacolli. Yuan monequi anquimatizque, ca in tonantzín Sancta yglesia, iuh omotlatlalili, inic neyolcui tiloz iniquac quaresma: iniquac in, velamonauatil in ammoyolcuitizque: ca in tlacamo iuh anquichiuazque, cenca ic antlatlaco, noyuan in tla am

DOCTRINA CHRISTIANA.

mococoque, intla veiaz in cocoliztli, intlanoço
 cana veyatl anquipanauizque, anoço yaoc anyaz-
 que: amotechmonequi in achtopa ammoyolcui-
 tizque, auh intlaçan anquitelchiuazque, cenca ic
 antlatlacoque. Auh yehica ca inneyolcutiliztli,
 cenca techipauh, cenca tequaltili, in cecexiuhlica
 inquezquipa amoyollo tlamatiz, iz quipa vel am-
 moyolcuitizque (maciui in amo quaresma) ca cen-
 ca ic motlamachtiz, ic mocuiltonoz, yuan ic mo-
 maquixtiz in amanima: yece iniquac quaresma, vel
 amonauatil inic ammoyolcuitizque. Cenca ximo-
 piecan, inic atle anquiztlacatizque, yuan inic a-
 tle anquiltatizque amotlatlacol, çan vel ixquich
 anquitozque in quexquich amoyollo cõmati inic
 oanquimoyolitlacalhuique totēcuiyo, iniquac on
 yez sacerdote, teyolcuitiani, ixpan ammoyolcuitiz-
 que: auh intlacayac, ixquich amotlapal anquichi-
 uazque, inic anquitemozque: auh intlacacá anquit-
 tazque, ca ic ammomaquixtia, ic anquixtlaua in na-
 uatilli, intlanel ye ammiquizque, intlacayemo am-
 moyolcuitia: çan vel ixquich amonauatil in amech-
 tequipachoz, amechoçtiz amotlatlacol inixpatzin
 co dios: ca in yehuatzin niman amechmotlaocoli-
 liz, amechmocnoitiliz, yehica ca oamechoçti in
 amotlatlacol, yuan ca acan anquitta in teyolcuitia-
 ni. Auh inaxcan, (notlaçopilhuanc,) vel ximimatca
 nemican, cenca ximocuitlauican inixquich amo-

nauatil. Auh iniquae ammoyolcuitizque, cenca amotechmonequi, vel melauac, vel cenquizqui yez in amoneyolcuitiliz: yuá netequipacholiztica, choquiztica, necltepiniliztica in anquipouazque, in anquitozque amotlatlacol inic oanquimoyolitlacalhuique totēcuiyo, yuan in amouanpouan: vel ammocemixnauatizque, inic aocmo ceppa antlatlacoazque, ca in yehuatzin totēcuiyo inic cēca motetlacoliliani, moteicnoittiliani, nimá amechmopopolhuiliz inixquich amotlatlacol: yuá in yehuatl sacerdote, inixiptlatzin totēcuiyo, amechyolpachiuitiz, in ca oamechmotlacolili totēcuiyo dios yuan amechmomaquiliz in abfolucion, ica initocatzin tetatzin, tepiltzin, Spiritu fancto: ipampa ca vel yeuatzin in dios amechmochipauilia, amechmotlapopolhuilia, ca çan vel yceltzin inquitlaocolia, quichipaua intanima, ica initlaçomiquitzin totēcuiyo Iefu chrifto: yuan ica initepaleuiliz Sacerdote, ipápa ca oquimouelitili intotēcuiyo dios inic amechteochiuaz, inic amechmacaz in abfolucion: ca ixquich ic poliui in amotlatlacol, iniquac quitoua. Ego te abfoluo. (quitoznequi.) Nimitztoma initechpa in motlatlacol. Inic neci ca in yehuatl teopixqui in sacerdote, ca itencopatzi neo in totēcuiyo Dios, amechteochiua, inic amechtoma initechpa in amotlatlacol, yuan initechpa initzacuiltiloca: yehica ca ytequiuh, ca ynauatil,

DOCTRINA CHRISTIANA.

Ca ic quimixquechili in totecuiyo, inic ixpá mochi uaz inin Sacramento: yuan inic yehuatl quitéquix tiz itlatoltzin Dios: auh in itlatoltzin totecuiyo, ca cenca mauçauhqui, cenca chicauac: intlanel quem manian amo cenca vel amechoçtiz amotlatlacol, in amo cenca anueliti, iniuhca amonauatil, çan ipampa intlatolli quitenquixtia Sacerdote, vel mu chi icpoliui, vel ixquich ixiptlayuua in amotlatlacol, inic amo cenca oammotequipachoque, iniuh monequia. Auh in ipampa Absolucion, yuan in ipá pa gracia in ammaco, in antlaocolilo, ic anqualne ci, anchipaua in ixpantzineo totecuiyo dios: ca in achtopa, cenca antlilitique, ancatzauaque oancatca, in ipampa amotlatlacol: yehica ca intlatlacolli, cenca tetlilo, cenca tecatzauh, tetlaelti: auh in penitencia, yuan in gracia totecuiyo inic techmotlacolilia, cenca techipauh, tequaltili, teyeçtili: cenca ic techmoqualittilia yuan ic techmotlacotilia in totecuiyo: yuan ic techmochicaulia in titlaneltocaca uan, inic toquallachiuahztica tiquicnopilhuizque in qualli yeçtili, inic çatepá tiquicnopihuizque in il huicac tlatocayotl, yuan in cemicac papaquiliztli in itoca gloria.

CAPITULO. XXXV. DEL QUAR-

to Sacramento, que es dela Eucharistia : y
del quinto, que es la Orden
Sacerdotal.

YZCATQVIINIC NAVHTETL

yuan inic macuiltetl sacramēto, ca yeuatl

in Eucharistia, ininacayotzin yuá yez

çotzin in totecuiyo Iesu christo:

yuan in teopixcayotl, in mo

teneua Sacerdocio.:



NOyuan monequi, anquimatizque, ca in yehuatzin totecuiyo Iesu Christo, inipiltzin dios, initlaçoconetzin Sancta Maria: iniquac ye topampa momiquiliz, inic techmomaquixtiliz quimmouiquilitinca in matlaçtin omome itlamachtihuan (iniuh-

*Eucha
ristia y
ordē sã-
cerdo-
tal.*

qui intiachcauan cata in occequintin in quimoneitoquitiaya totecuiyo. Yn yehuantini itlamachtihuan totecuiyo Iesu Christo, iniquac ça iyuppa intlan mocoçcayotitzino, niman oncan imixpan achtopa quimochiuili in missa, yuan in sancta Comunión, inic celilo ytlaçonacayotzin. Ynin, ca vel yehuatl ic molnamiqui initlaçomiquitzin, inictopampa cruzritech momiquilitzino: yuan quimmo nauatili initlamachtihuan inic muchipa quilnamiquizquein, inic çan noiuhquichiuazque inque-

nin

DOCTRINA CHRISTIANA.

nin oquimochiuili. Inia sacramento inic cēca vei,
 inic cēca mauiztic, ca quipanauia in occequi sacra
 mētos: yehica ca iniquac sacerdote oconito, in vel
 oquitenquixti, in vel oquitzonquixti teotlatolli,
 in quimitalhui totecuiyo Iesu christo iniquac mo-
 cochecayotitzino, ca niman iquac valmotemouia
 in totecuiyo Iesu christo, oncā moetztica initic sa-
 cramento, vel oncā mocemitquitica ininacayotzin
 yuā inianimantzin, yuā initeoyotzin: yitic moyetz
 tica in hostia consagrada, in iuhqui tlaxcalli icneci,
 yece aocmo tlaxcalli: ca nimā poliui inic tlaxcalli,
 iniquac yeomito teotlaotolli. Inin ca cencavei, cen
 ca mauizauhqui, atle quineneulia in nican tlatic
 pac inic cenca mauiztic: yehica ca in yeuatzin tote
 cuiyo Iesu Christo, maciui in cenca vei, ca vel oncā
 itic moyetztica in çan tepiton in iuhqui tlaxcalli ic
 neci. In amehuātin, (notlaçopilhuane,) cenca amo
 techmonequi in anquichicauacanelto cazque in, ca
 cenca ic antlacnopilhuizque inixpantzinco tote-
 cuiyo. Auh ma ipan ammotzotzontin, manen amo
 anquineltocati, vel amoyollocopa xicacicanelto-
 cacan, ma vel pachui in amoyollo. Auh inic celiloz
 in yeuatlin cenca qualli sacramento, in cenca vei,
 in cenca mauiztic, totechmonequi cenca ticchipa-
 uazque, ricyectilizque in toyolia in tanima: ca in
 tixquichtin ti christianome, touei nauatil, inic ce-
 cexiuhlica ticcelizque inin sacramēto, iniquac pas
 qua

qua, inipan inezcalilitzin totecuiyo Iesu Christo: ca ipampain, titoyolcuitia, in titocencaua iniquac quaresma. Auh in amehuantin, ipampa in quinyan cuican oantlaneltocaque, yuan ayamo ancacicaca qui in quenin cenca vei sacramento, yuan occenca vei chipualiztli amotechmonequi inic vel anquimocelilizque: ipápain, in amo amuchintin tamech maca, in amo amixquichtin áquimocelilia: yece in amehuátin in ayaic anquimocelilia, imactzinco ximocauacan in totecuiyo, yuan xiccentelchiuacan, xictlalcauican in tlatlacolli, yuan vel xicmoneltoquitican, ximocentcutican intotemaquixticatzin Iesu Christo, in oncan moyetztica itic sancto sacramento, ca vel nelli teutl, yuan vel nelli oquichtli. ca in yeuatzin ipampa in cenca vei itetlaocotlaliztin, yuan in cenca vei itetlaocolilitzin, çan ixquich ic iyollotzin pachiuiz, ic anquimouellamachtilizque.

Y Van amotechmonequi anquimatizque, ca iniquac mococheayotitzino totecuiyo Iesu Christo, quimmoteupixcatlalili in matlactin omomen apostolome: quimmonemaçtili, quimmotlauhtili, inic sacerdotesme yuan obisposme yezque: intech quimocauili iniuelitilitzin, quimmonauatili, inic noyehuátin quimixquetzazq̄, quinteopixcatlalizq̄ inoçcequintin ayamo sacerdotes: auh iniquac yefacerdotes, quitequipanozque i yehuáti apostolome
qui-

DOCTRINA CHRISTIANA.

quitequipanouaya: in velteoyotica tetauá tenauan
 yezq̄: auhinaxcá amehuátin áquintocayotia padres
 me. (q. n.) tetauan: in in vel melauac inic anquinno
 tza, yehica ca cenca mauíçauhqui inic oquimmo-
 tlaocolili totecuiyo: ca oquimmonauatili inic no-
 uian tequàtequizque, yuan temachtizque, yuan te
 teochiuazque quitemacazque in absolucion, inic
 popoliui tlatlacolli, iniquac imixpá neyolcuitiloz:
 auh çaniyoque in intech oquimocauili, amomuchi
 tlatatl: yuan yuhquimotlalili in totecuiyo, oiuhqui
 monequilti, inic çan teupan mochiuazin, ipampa
 in, nouian moquetza inicaltzin totecuiyo, in Igle-
 sia: inic oncan tlatlatlauhtiloz, yuá oncan missa mo-
 chiuaz: oncan temacoz in izquitlamantli sacramé-
 tos, in cenca teyollali, tetlamachtí: amo ipápa inic
 oncan miçtilozque pipiltzitzintin, in anoço yeue-
 ueintin tlaca, iniuh yeuecauh anquichiuaya in in-
 chan tlatlacatecolo, ca ipampain, anquiquetzaya
 incal, inic oncan mieçtlamantli ic ammoxtlau azq̄.
 Inixquichin, ca cenca temamauhti, cenca catzauac
 cenca tetlaelti, amochiualoni, inic oamixpopoyoti
 tinenca, inic amechtlapololtica tlatlacatecolo. Ma-
 vel commati in amoyollo, in quenin cenca vei tla-
 uelilocayotl anquichiuaya, inic anquimmiçtiaya
 pipiltzitzintin, in amotle in tlatlacol, in aquen oa-
 mechiuhque: yuan in quenin cenca vei tlaueliloca-
 yotl ipan anuetzia, inic anquimmiçtiaya in veucin
 tlaca

tlaca, in amouampouan, in occenca monequia an
 quintlaçotlazque, iniuhca amonauatil, immanel
 itla ic oamechtolinique: ca yuhcatqui in itenauatil
 tzin totēcuiyo dios: quimonequiltia in timuchin-
 tin titlaca, titonepan tlaçotlazque, titonepan pale
 uizque: yuan tictotlaçotilizque, tictotlacamachi-
 tizque in totēcuiyo: amo titlatlacozque, amo tic-
 tlauelnamiquizque in itenauatiltzin: ca in ic cenca
 otechmōtlaçotili totēcuiyo dios, ipāpa otechmo-
 cauilitia in in sacramento, iniquac quimochiuili
 missa, in ic notehuantin tictocelilizque in in acayo-
 tzin: yuā in ic muchipa tiquilnamiētīnemizque in
 tlaihiouilitzin, in iniquitiztin, in ic muchi poliuz to
 tlatlacol. Auh iniquac quitoua missa in sacerdote,
 vntlamantli in quitequipanoua: in ic centlamantli,
 ca vētzintli quimana in ixpātzinco dios, timuchin
 tin topampa quimotlatlauhtilia, in ic techmopo-
 polhuiliz totlatlacol, in oc tlatiepac tinemi: yuan
 impampa tlatlatlauhtia in omomiquilique touam
 pouan, in ic quimmotlaocoliliz, quimmocnoittiliz
 totēcuiyo in ompa cate Purgatorio: yehica ca in in
 ventzintli in quimomanilia, in quimouenchiuilia
 sacerdote, ca yehuatl in in acayotzin in ic çotzin to-
 tēcuiyo Iesu Christo, in cēca tlapanauia ic tlaçotli:
 vel muchitlacatl ipampa quimomanilia. Auh in ic
 vntlamantli in quitequipanoua sacerdote, ca ye-
 huatl in ic ixpantzinco intetatzin dios, quiuenchi-
 ua

DOCTRINA CHRISTIANA.

ua, yuan quiuemmana inipassion, in itlahiouiliz-
 tzin, in itlaçomiquitzin in itlaçopiltzin Iesu christo
 in cenca ic oquimouellamachtli in itlaçotatzin:
 yuan muchipa ic quimouellamachtilia, in ic ipam-
 pa in itoneuiz, in ichichinaquiliz techmopopolhui-
 liz in totlatlacol, yuan techmotlauelcaquililiz ini-
 quac itla tic itlaniliz que.

CAPITVLO. XXXVI. DEL SEXTO

*Sacramento de la yglesia, que es el
 Matrimonio.*

YZCATQVI INIC CHIQA-
 centetl sacramento, in itoca matri-
 monio, nenamiçtiliztli.

*Ma-
 trimo-
 nio.*



Onequi anquimatizque, ca in tote
 cuiyo dios, iniquac quimochiuili in
 achto tota in achto tonan Adam,
 yuan Eua, niman quimmocetlili,
 quimmonamiçtili: yuan quimmo-
 nauatili in ic monepá tlaçotlazque: vel iquac peuh
 in nenamiçtiliztli, in quitoznequi, yehuatl in ic mo-
 cetilia, monepanoua in oquicheli yuan ciuatl, in ic
 tlaçachiuazque, in ic mopilbuatizque, yuá in ic mo-
 nepan paleuizque in itechpa in netoliniliz: yehica
 ca in tote cuiyo dios, vel quimomachitia in amo ti
 chicauaq, in cenca itech titomati tlatlacolli, in amo
 ticcaualiztlamati. ipampain, in ic amo titlatlacoz-
 que, in ic amo ipan tiuetzizque mieçtlamátli tlatla
 colli

colli,yuan inie amo titotolinizque,oquimochiuili
 in sacramento nenamiçtiliztli.Iccenca antlaquauh
 nauatilo,iniquac ammonamiçtizque inamoquich
 tin,ancecême çan vel ce ciuatl anquimonamiçtiz-
 que:amo ome, amo yei: inih yeuecauh anquichi-
 uaya,in miequintin amociuauan catca, ca cenca ic
 amechiztlacauiaya in tlacatecolotl. Auh inaxcan,
 (notlaçopilhuane,) ca yeancuicaqui initenauatil
 tzin totecuiyo Iesu christo,monequi inaxcan in ye
 ompa titztiui, vel anquimoyollotizque intlein ic
 amechmonauatilia:yuan vel anquichiuazque in iz
 quitlamátli quimonequiltia:ic vel patiz inixquich
 amotlauehilocayo. Ca in yeuecauh,ic oanquimoyo
 litlacalhuique in totecuiyo, in çan muchipa tlatla-
 colpan oannenque:in cenca oanconitilique ama-
 nima.Cenca amotechmonequi, in vel melauac an
 quitozque inimixpan teopixque, in amechmach-
 tia,in amechittitia ineltococatzin totecuiyo Iesu
 Christo. Auh intla miequintin amociuauá anquin
 uicatinemi,amotechmonequi,inixquichtin áquin
 cauazque, çaniyo anquimonamiçtizque inaquin
 achtopa anquitlanque,in achtopa amonemac mo
 chih:yehica ca inaquin achtopa amonemac mo-
 chih,in achtopa ancanç:ca vel yeuatl achtopa an
 quimacaç in amoyollo,in amocecaliz, in çaniyo ic
 nelti,ic mochiua nenamiçtiliztli.Ca iniquac achto
 topa ancáç ceciuatl,á quicemitoç inácénemizç,in
 aic

DOCTRINA CHRISTIANA.

aic ammocauazque inixquichcavitl ammiquizq̄,
 inixquichcavitl annemizque tlalticpac. Auh noyuá
 vel commati in amoyollo, ca yuhquimonequiltia
 in totecuiyo, in oquichtli, çance ciuatl in quimona
 miçtitz: auh in ciuatl, çan noce oquichtli in quimo-
 namiçtitz, yehica ca in totecuiyo dios, iniquac yan
 cuicá quimmochiuli in tlacaxinachtin omochiuh
 que, çanoc vel ciel in oquichtli quimechiuli, inic
 çan noce iciuauh yez: auh in Eua achto tonan, çan
 ocno icel in ciuatl quimochiuli, inic çan noce ini
 oquichui yez. Yc quimonezcayotili in totecuiyo,
 in amono miequintin in ciuauá yezque in toquich
 tin: auh in ciua, amono miequintin imoquichuan
 yezque. Initechpain, cenca oamechixpopoyotilica
 oamechtlapololtica in tlacatecoltl. Ca in tlaltic-
 pac titlaca, yehica ca tinacayoque, cēca tiqueleuia,
 cenca itech vetzi intoyollo inin tlaelpaquiliztlatla
 colli, auh cenca ic topan mochicaua in tlacateco-
 lotl, inic ipan techtlaçaz: ipampain, cenca oamoca
 mocacayauh, oamehcuitlauilti inicmiequintin an
 quimpiezque amociuauan: ipampa iniuh quichiua
 ya, inic occenca anquimoyolitlactalhuizque inamo
 teouh in amotlatocauh. Auh inaxcan, in amuchin
 tin, ma çan vel cecemme teoyotica xiquimmona-
 miçtican: auh in amehuantin anciua, maçan nouel
 cecemme teoyotica xiquimonamiçtican inoquich
 tin. Auh in aquin anquimonamiçtitzque, amo ye-
 huatl

huatl in quen an quino tza: ynaço amoueltiuh, anoço amaui, anoço amouepol: amo yehuatl in ye on tlamampan amoueltiuh: ca inin, quimotecaualtia in totēcuiyo. Auh iniquac ammonamictizque, achtopa anquilhuizque inteupixqui in amechpachoua, in amechmocuitlauia, inic yehuatl vel amecetilz, amechnamictiz: inic amo çanitlacauiz amonenamictiliz, ca iuh amechmonauatilia in tonantzín sancta Iglesia: auh in aquin ciuatl teoytica anquimonamictizque, ca amonauatil inic aic anquicauazque cenca anquitlaçotlazque, iniuh ammotlaçotla. Ca inic cenca chicauac initecetiliaya inin Sacramēto: amotechpa mitoua, ca in amoquichtin yuan in amociuauan, çaniuhquin anceme ipan ampoui, inic ancetia itechpa in amonacayo. Auh in tla iuh ammotlaçotlazque, iniuh monequi, ic vel anquimotlacamachitizque in totēcuiyo, yuan yn yehuatzin cenca amechmocuitlauitzinoz, cenca amechmopaleuiliz inic aocmo ceppa amechiztlacauiz tlacatecolotl. Yuan nican neci in quenin tlaçēpanauia ic temamauhti tlatlacolli, inic cequintin oquichtin çanno oquichtin intechaci: anoço ciua, çan nociua intechaci: inin, ca amo yehuatl ic techmochiuili in totēcuiyo: ca cenca catzauac, cenca temamauhti, teiçauí inin tlatlacolli: cēca tlapanauia inic quitlaueleuitia Dios, in aquique oquichtin, in anoço ciua iuh quichiua: amo çaquenin quimmo

DOCTRINA CHRISTIANA.

tlatzacuiltilia, ca itencopatzinco in motlali nauatilli, inic miçtilozque, tlatilozque, chichinolozque inaquique yuh quichiuazq̄. Ipápain, maica yuh an quichiuh tin, ca icamechtlatizq̄, ic amechichinozq̄.

CAPITVLO. XX XVII. DEL SEP

timo y ultimo Sacramento de la Iglesia, que es la Extrema vnction.

INIC CHICONTETL SACRAMENTO, initoca Extrema vnction.:

Extrema vnction.

Marc. 6 cap.

Ia. 5. c.

*Theo-
phila su
p̄ Mar
cū. 6. c.*



Van monequi anquimatizque, ca onca occentetl sacramento, yehuatl in çatlatzacuiya, inic chicontetl: initoca Extrema vnction, in maco, in quicelia in yehuantin in cēca yemomiquiliznequi in oquimixnauatique titici in tepatiani. Auh inin sacramento, oquimochiuli, oquimotlalili in totecuiyo lesu christo. Auh quimmonauatili in itlamachtiltzitzia apostolome, inic quitemacazque, inic impá quichiuazque in cocox catzitzintin, in yehuantin in cenea yemomiquiliznequi. Auh in çatepan, ixquichtin sacerdotesme in nauatil omochiuh inic quitemacazque, inic impá quichiuazque in cocoxque, yehuantin in cenea yemomiquiliznequi. Auh novel innauatil mochiuh in ixquichtin sacerdotes, inic quitemacazque inin sacrameto, in ixquicheauitl tlamiz cemanauac. Auh inin

inin sacramento, ca quipia in materia, yuan forma. Auh in materia, ca yehuatl motocayotia in tlateochiualli azeite, in itoca olio consagrado. Auh in forma, ca yehuatl moteneua in tlatolli in quité quixtia sacerdote, iniquac itech caalauilia in cocoxqui in nacayo, iniquac quitoua. In ipápain, in teoyotica te techalauiliztli, yuan ipápa in vei tetlaocoliliztli, in teicnoittaliztli, ma mitzmopopolhuili in totecuiyo Iesu christo in ixquich oticpilchih, in otiquitlaco motlachieliztica, monacaztica, motlanecuiliztica, motlauelmachiliztica, motlamatoquiliztica, monenemiliztica, yuá motlalnamiquiliztica. Amé. Auh ma motlanye in itetlamatcanemitiaya totecuiyo dios, in itoca paz. Y uan monequi anqumatizq̄, ca in ipanin sacramento, ca oncá celilo, yuan icnopilhuilo in gracia, (iniquac vel melauacayotica mocécaua, in atle tlayelleltia in itechcopa cocoxqui,) yuá ic vel ixquich popoliui in itlatlacol: cēca ic moyollia, ic motlamachtia in ianima: yuan ic maco cenca vei nechicualiztli, in ic vel ixquich quitopeuaz, quipanauiz in iteneye cōcoliliz tlatecolotl, (in vel iquac, in yeimmá in itetoliniayan) yuan amoquimacac in itetoliniliz miquiztli. Ipápain, itehuatl tichristiano, titlaneltocacauh totecuiyo Iesu christo cēca motechmonequi mocéyollocopa, motlateomachiliztica, yuá motlaneltoquiliztica ticmocoliliz inī sacramento: vel itetzico timotemachiz imoteouh: yuá

DOCTRINA CHRISTIANA.

titlaneltocaz, vel yuhyez moyollo, ca vel icpatiz in maniman yuan in monacayo, ypampa in cenca vei itetlaocolilitzin. Auh intlacamo cenca mitztlapololtiz, mitzamanaz incocoliztli, iniuhquíma mitzi xiuintiz, intla vel titlacaqui, intlauel titlalnamiqui ma icamoyolia inmanima, anoço ica inmonenepil ticmotlatlauhtiliz intotecuiyo dios, (inoquic mitz momaquilia Extrema vncion sacerdote,) tiquitoz.

TLatouanie diose, in titetatzin, in ilhuicac timo yetztica: cenca nimitznotlatlauhtilia ypampatzinco motlaçopiltzin intotlaçotemaquixtica tzin Iesu christo, inic ticmoyollaliliz, ticmocneliliz in yehuatl nanima, in cenca mieçtlamátli inetoliniliz: mateoyotica xicmomamatilhui papaquiliztica yuan ica inigracia spiritu sancto: yea incéca vei motetlaocolilitzin, iniuh axcá tlaocolilo, yuan teoyotica mamatilolo in izquitlamátli itechca nonacayo: yuá maxiemonequilti, ma céca tlacaua in moyollo tzin, inic tinechmomaxquixtiliz itechpa izquitlamátli tetolini, tetlahiouilti, in notlatlacoltica onicno maceui: yuan maxinechmotlanextilili, inica teoyotica tlanextli: yuan ica in cenca tepapaquilti ilhuicac cemicac papaquiliztli. Amen.

AVh inic cenca moyollaliz, mochicauaz in coxocatzintli, (initechpa izquitlamantli quihiouia quitequipachoua) monequi moyolno notzaz iniquac yeoquiceli, in yeomacoc Extrema

vncion, itic quimolhuiz, vei netemachiliztica qui
 toz. Yn nehuatl, nelli vel itertzinco nipoui in notla
 çotemaquixticatzin Iesu christo : yuan nitiacauh,
 niyaoquizcauh , auh ipampain in onimamatilo-
 loc inica olio' confagrado, (yniuh techmocaquiti-
 lia in Apostol sant Pablo). Auh inaxcan, in tehuatl
 intitlayuualiztlatquiua, in cenca titliltic , in cenca
 ticatzauac titlacatecolotl, ma veca xinechtalcaui:
 ipampa ca atle notechca in maxca in motlatqui:
 yuan amonotle ipampa motech nipoui, yuan amo
 no itla ic notechtipoui: yehica ca in totlaçotema-
 quixticatzin Iesu christo , omitzmototoquili, inie
 aocmo nicã cemanauac tinemiz. Auh maçoiui, in
 cenca mieçtlamantli mieçtlancayotl temamauhti
 tinechttitiz , inie tinechtlapololtiznequiz, inie vel
 nipoliuiz, inie amo ninomaquixtiz, ca vel nelli a-
 mo nimitzimacaciz: yehica ca occenca miequin-
 tin notlancate , in nechmopaleuilia, amomachix-
 quichtin in motlan nemi, in motlan cate: auh in ne
 huatl, ca muchintin notlan moyetztecate inifancto
 uã totecuiyo dios, inixquichtin sancta Iglefia itech
 poui, in muchipa nopampa tlatlatlauhtia: auh amo
 çan inceltin, ca vel noyehuatzin in totecuiyo Iesu
 christo, in vel nelli omitzmototoquili, omitzmo-
 panauili, yuan omitzmocuilili , omitzmotlaçaltili
 inizquitlamantli in nican tlalticpac otictecuilica,
 oticmaxcatica: auh in yehuatzin, onechmopaccace

DOCTRINA CHRISTIANA.

lili, inie muchipa nechmopaleuiliz, nechmoyollaliliz: yuan vel itetzinco ninotemachia, vel comma ti, vel yuhca noyollo, ca nelli nitlacnopilhuiz, nopan mochiuaz, niquittaz in miectlamantli itetlao colilitzin iteicnelilitzin, inipampa onicceli iniquitlamantli Sacramentos, in quimopielia tonantzin sancta Iglesia: auh inaxcan yenotzonquiçaliz pan, oniteochiualoc, onimacoc in absolucion, yuá initlaçonacayotzin totecuiyo Iesu Christo: noyehuatl in Extrema vnction, inie vel cempachiuhtica noyollo, ca vel nelli nechmotlaocoliliz, quimonel tililiz in itlatoltzin, yuan in itlacemitoltzin in teotlatolpan ycuiliuhtoc, inie muchipa cemicac itetzinco nipouiz. Amen.

CAPITULO. XXXVIII. DEL

*Inyziogeneral, y dela resurreccion
delos muertos.*

NICAN MOTENEVA, IN QUE

nin motetlatzontequililiz totecuiyo

Iesu Christo, iniquac tlamiz ce-

manauac: yuan in quenin oc

çepa muchitlacatl

mozcaliz ..



VENTEADIVDICIUM.



Inyzió
 general
 y la re-
 surrec-
 tion de-
 los cuer-
 pos, y de
 la car-
 ne.

S
V
R
G
I
T
E
M
O
R
T
V
I
E
T

Y E onamechilhui, (notlaçopilhuane,) in que-
 nin timuchintin timiquizq̄, ca onomomiquili
 intotecuiyo Iesu christo, (inic oquichtli:) noye
 huarzin in itlaçonãtzĩ sancta Maria, nimã aiac ixpã
 payeuz in miquiztli. Auh monequi anquimatizq̄,
 ca in tlatiepac̄tli, in çã topãpa oquimochiuli dios,
 notlamiz, nopoliuiz : inic occeppa quimoyancuili
 liz: yehica ca in totecuiyo dios, inic cenca ixquichi
 ueli, vel quimochiuiliz in occeppa quimoxitiniliz,
 K iiii qui

DOCTRINA CHRISTIANA.

quimopopolhuiz in tlalticpaçtli : auh in opoliuh,
 aocmo tlatiuaz. Auh iniquin, in canin tzontecti
 ca, teneuhtica in oncan motetlatzôtequililiz, amo
 ticmati, çan iceltzin quimomachitia in dios . Auh
 in yeimman, in yeoncan tlamiz cemanauac, in ye-
 huatzin totecuiyo dios, ilhuicacpa quiualmiualiz
 in tletl, inic tlalli xotlaz , inic tlatlaz tlalticpaçtli:
 auh niman iquac, itencopatzinco in dios, oceppe
 mozcaliz ininnacayo mimicque, oceppe imiticca
 laquiz ininanima: noyuan monextizque in tlatla-
 catecolo, yuan angelome. Auh inin, macamo ic xi-
 motetzauican, macamo tetzauitl ipan xicmatican:
 ca ixquichiueli in dios, amo çaniyo vel quimochi-
 uiliz in , ca occenca mieçtlamantli vel quimochiui
 liz, intla quimonequiltiz . Auh iniquac mochiuaz
 in, oceppe quintin yoltinemizque, ayamo miquizque
 ic vel neltiz in neltoconi, in mitoua. Ca in totecui-
 yo quimmotlatzontequililiz in yolque, yuan in mi
 micque. Yece in yoltinemizque, nimá miquizque,
 yuan oceppe mozcalizque. Auh niman cecni tito
 centlalitiui, ixpantzinco ticenquiçatiui in dios ipil
 tzin Iesu Christo, in itlaçoeonetzin sancta Maria.
 Auh iniquac valmouicaz, cenca miequintin quin-
 ualmouiquiliz angelome, inic muchitlacatl tlatete
 moliloz, tlatzontequililoz initechpa ceceyaca itla
 chiuah. In qualtin, in vel oquipixque, in veloquimo
 nemilizti que itenauatiltzin totecuiyo Iesu christo,
 quim-

quimmotocayotiliz itlaçopilhuan, itlateochiual-
 huan initatzin: auh ininnacayo yuan ininanima,
 muchipa cemicac quimpapaquiltiz, quintlamach-
 tiz: cecni cēca qualcan, cenca yeccan, tepapaquilti
 can quimmotlaliliz, oncan inaic teocioua, aic ami
 coua, aic ciaoua, aic cecmicoua, aic tonalmicoua:
 atle netoliniliztli, atle choquiztli, amotle miquiz-
 tli: atle teyolitlaco ompa ca, çan ompa cēquiztoc
 inixquich necuiltonolli, netlamachtilli, ayac vel
 quiteneuaz, anoyac vel quicaquiz in quexquich
 inecuiltonoltzin Dios, in quimmopielilia inaqu-
 que ompa calaquizque: yehica ca vel quimottiliz
 que, ixco motlachiáltizque in dios, inic muchin-
 tin vel inyollo pachiuhtiez, atle quimelleltiz inic
 muchipa cemicac quimotlamachrizque totecui-
 yo dios. Yn oncanin, itocayocan Parayfo (.q.n.) ne
 tlamachtilyan. Ynin tetlatzōtequililiztli, vel mo-
 nequi in mochiuaz, yehica ca in totecuiyo Iesu
 christo, topampa in omotlahiyouilti, ic cenca mo-
 nequi çan yehuatzin totlatocauh, totetlatzonte-
 quililicauh mochiuaz: ic cenca monequi tipapa-
 quizque, inin çan noyehuatl totlocpa eua, totloc-
 pa moquetza intetlatzontequiliani, in topāpa mo-
 miquili. Ynin ca vei teicneliliztli, yece monequi
 cēca techmauhtiz in tonemiliz in totlachiual, inic
 amo tictoyolitlaca luizque: çan occenca tictotlaye
 coltilizque, ca toteuh totlatocauh, totetlatzonte-
 qui

*Gloria
 del cie-
 lo.*

DOCTRINA CHRISTIANA.

quilicauh:yuan ipampa inic moyolceuitzinoz ini-
tlaçotatzin. Auh iniyaouan totecuiyo, in tlatlaco
uanime,céca temamauhti inic tlatzacuiltlozque:
auh ca yehuantin in çan yuh miquizque, in amo
quinchoçtiz,in amo quintlaocoltiz intlatlacol,in
amo ipampa tlamaceuazque:monequi cenca tech
mauhtiz inin totlatzontequililoca, yehica ca céca
oui,temamauhti.inic titlatemolilozque, ca muchi
ic titlatlanilozque in totlatnamiquiliz,in totlatol,
in totlachual. In yehuatlin, ic omomelauh in on-
tetl neltoconi,initechpoui ininezcaliliz tonacayo,
yuan in tetlatzontequililiztli.

CAPITULO. XXXIX. DEL *Purgatorio, y del Infierno.*

*Purga
torio.*



NICAN
moteneua y-
nitlatolo in
Purgatorio,
nечipaualo
yan, yuan in
Infierno.

YE oname
chilhui,
(notlaçopil-
huanc,) in ç
nin timuchī
tin timiquiz

que,in ayac mocauaz:yehica ca in tonacayo, maci
ui

ui in nelli nacatl, ca çã tlalli, ca çã çoquitl, (intla an
 quilnamiqui í achto onamechilhui,) ca in yehuatzi
 totecuiyo dios, çan tlalli inic techmochiuili, iniuh
 pani neci iniquac micoua: ca iniquac timiqui, tlallã
 in techtoça, auh çaniquez quilhuioç, nimã tlalli mo
 cuepa in tonacayo: auh in anima in iticca tonacayo
 ca amo miquni, aic vel miquiz, yehica ca spũ: auh
 iniquac timiqui, çã quitlalcauia in tonacayo, yuã ix
 pãtzinco vico in dios: auh itla qualli in emiliz omo
 chiu, intla vel oquipix itenauatiltzin dios, itla ipã
 quitlalcauia in acayo iniqualtica, inigracia totecui
 yo dios: intla vel motequipachoua in ipãpa itlatla
 col, ompa yauh in ilhuicac, itlãtzinco monemitia in
 dios, yuã intlan in sanctome: yuã quimotlamachtia
 in ilhuicac neciltonelli. Noyuan monequi anqui
 matizque, ca micuintin òcate animas, in amo vel
 otlã, in amo vel otzõquiz ic otlamaceuhq̃ nicã tlat
 tiepac, in ipãpa intlatlacol, maciui in omoyolcuitiq̃
 ixpan teyolcuitiani, iniquac oquitlalcauiq̃, in anoce
 ayac catca teyolcuitiani, intlaçã oquimotzatzilhq̃
 dios, yuã oquinyolcoco inico quimotlatlacalhuiliq̃
 in iteouh in tlatocauh, in iteyocoxcauh: in ineyolme
 lualiz, in anoço yeuatl in neyolcocoliz, ca amo vel
 ixquich icopoliuh in tlahiuiliztli inic tlatzacuilti
 lozquia ipãpa itlatlacol: ic amo nimã tlamelaua in
 ilhuicac: yehica ca í dios, vel cẽquizca qualli, cẽquiz
 caycãli, cẽquizca chipauac: ipãpa quimonequiltia

La im-
 morta-
 lidad dñ
 anima.

in aqui que ompa calaquiz que initetlamachtiayá,
 in ilhuicatlitic, atle intech yetiaz tlatlacolcatzaua
 liztli:auh yehica cacenca motetlaocoliliani, mote
 icnoittiliani in Dios, çan occeeni quimmotlalilia
 in yehuantini animas, oncan yeçtia, mochipaua,y
 uan tlaihiyouia : auh inintlaihiyouiliz, ic ixtlauy
 nintlatlacol. Y pampain, in sancta yglesia tipilhuan
 impampa tictotlatlauhtilia in dios in totiachcauá
 in touanyolque, in touampouan , inic quinalmo
 quixtiliz in ompa tlaihiouia , yuá inic ompa quim
 mouiquiliz ilhuicac, initecētlamachtiayan : auh in
 ompa tlaihiouia, itocayocan Purgatorio . Inin, vel
 xicneltoacan, ca noyuh quimoneltoquitia in san-
 cta Iglefia.

*In fier-
no.*

OCno cequintin oncate animasme , iniquac
 quitlalcauia innacayo , amo tlamaceua, amo
 quinyolcocoua, amo quintequipachoua inin
 tlatlacol:in yehuantinin animas, niman quimmol
 huilia in totecuiyo dios. Xiuian in amitlacentelchi
 ualhuan notlaçotatzin:niman quimmixnauatilia,
 ompa quimmialia in miçtlan: ompa cemicac tlai-
 hiouia, yehica ca ompa cenquiztoc inixquich neto
 liniliztli, toneuiztli, chichinaquiztli, tlaocoyaliztli
 cocoliztli, netequipacholiztli, choquiztli, cecmi-
 quiliztli, tonalmiquiliztli, in aic tlamiz, aic tzóqui
 çaz : ayac oncan quichia itla papaquiliztli, anoço
 neyollaliliztli.

CAPITVLO. XL. DELA GLO-
 riosa virgen e Maria, y de sus vir-
 tudes y concepcion.

NICAN MOTENEVA
 in acyhuatzin inantzin
 Dios.



O Namech-
 nomelau-
 lili, inaquí
 La ma-
 dre de
 dios.

moteneua dios,
 in toteouh, into
 rlatocauh, in vel
 nelli tonecuilto
 nol, in tonetla-
 machtil: auh in
 axcan monequi
 innoyuan anqui
 matizq̄ inaquin
 moteneua sanc-
 ta Maria. Xicma
 tican, (notlaço-
 pilhuane,) ca ce

tlacatl ichpuchtli, cenca chipauac, cenca qualnez-
 qui, cenca qualli, cenca yeçtli, nican tlalticpac oqui
 mochiuli totecuiyo dios: auh ixquich oquimoma
 quili in qualtiuani virtudes: ic oquimotemitili ini-
 gracia: auh yehica ca cenca qualli, cenca qualnez-
 qui inianima yuan inacayo, yehuatl oquimopepe-
 nili

nili in totecuiyo dios inic inantzin möchiuhtzinoz: auh oquimonantitzino: yece aic opoliuh inich puchotzin, çan muchipa vel nelli ichpuchtli, iniquac omotlacachiuli, yuan in ayamo motlacachiulia: auh iniquac omotlacachiuli, çan muchipa vel ichpuchtli: yehica ca aic oquimottli oquichtli. Auh in quexquich ipantzinco omochiuh, inic oquimonantitzino totecuiyo Iesu christo, ca yehuatzin oquimochiuli in spiritu sancto: niman aic tle itetzinco onez in tlatlacolpeuhcayotl, in itoca peccado original, in anoço actual: muchipa cenquizaqualli, cenquiza yeçtli. Ipampain, in itlaçocone tzin cēca oquimouecapanilhui, ca oquincempanaui in ixquichtin angelome. Inin ciuapilli, ca amotepantlatocatzin, vel monequi anquimotzatzililizque iniquac itla ic antlaihiouia: ca in yehuatzin, muchipa quimopaleuilia in sancta Iglesia: noyuan amechmopaleuiliz in amehuantin, in tla itetzinco ximocauacan: ca in tepantlatocauh in tlatlacouani, in ixpantzinco totecuiyo dios. Ipampain, muchipa xicmotlatlauhtlican, muchipa xicmoyeçtencuiliacan: ca ipampain, in muchipa tiquitoua Aue Maria. Inin muchi oniçtencuh, in itechpatzinco muchipa ichpuchtli, ca ipan ca inic etetl neltoconi, in oncan moteneua, in mitoua: ca in totecuiyo dios, iticetzinco monacayotitzino in sancta Maria, muchipa vel nelli ichpuchtli. Inin, monequi ic tiquil-

namiquizque inichipualiz, inicenquizca qualtiliz in muchipa vel nelli ichpuchtli, ca opepenaloc inic inantzin yez dios ipiltzin: yuan inic ipantzinco mochiuaz vei tlamauicolli. Ipampain, in yehuatzin sancta Iglesia miecpa tixpan quimotlalilia in nemilitzin sancta Maria, inic itetzinco titixcuitizque, yuan tictotlaquamacazque, inic tictonemiliztoquilizque: yuan inic vel ticmatizque, in quenin cenca quimouellamachtilia in totecuiyo dios in chipauacanemiliztli, in nepieliztli: inic vel tiquiximatizque, ticueicamatizque, ticyecteneuazque in itlamauicoltzin, iniuelitilitzin totecuiyo dios: ipampa, ca in yehuatzin sancta Maria, in cenquizaqualli, quicempanauia in ixquich itlachiualtzin dios: ic ixpantzinco titopechteca, yuan tictomauizililia, ipampatzinco ticyecteneua in itlachiualtzin, in itlamauicoltzin dios, in ipantzinco omochiuh.

CAPITULO. XLI. DELA
veneracion delas imagines.

NICAN MOTENEVA,
in itlatollo tlaixip
tlayotl.



Las y-
magi-
nes.



MOnequi an-
quimatizq̄,
ca in tlaixiptla-
yotl, in teupan
mopia, ca amo-
teutl, amoyeuatl
in dios : amono
yehuatl in sancta
Maria, amonocce
me yehuantin in
sanctome : ca in
tlaixiptlayotl, a-
mo yuli, ca çan
quauitl, amatl,
tilmatl in tlacui
loli: auhamo ipá
pa in teupan mo

pia inie neteotiloç, çan ipampa inie tiçtolnamiq̄
lizq̄ totecuiyo Iesu christo, in ilhuicac moyetztica:
yuan inie tiçtolnamiq̄lizque in itlaçonátzin, yuá
in sanctome, ca çan tlanamiconi. Ipampain, in teo
pan mopia tlaixiptlayotl, in anoce cruz : auh inin
cruz, cenca ticmauiztilia, yehica ca techilnamiçtia
i totecuiyo Iesu christo, initech cruz topápa mama
çoualtiloc: yehuatzin tiçtoteotia, tiçtomauiztililia.
Auh occenca valca inie monequí ticmauiztilizque
inixiptlatzin totecuiyo Iesu christo, amo machiuh

ma-

mauiztililoz inixiptlatzin inantzin Auh ipampain
 ticmauiztilizque inixiptlatzin sancta Maria, yehi-
 ca ca tlapanauia inic vei ciuapilli, inic itetzinco ca
 in vei mauicotl, inic inantzin omochiuh totecuiyo
 dios. Inic ticmauiztilizque inimixiptlauan sancto
 me, çan ipampa ca qualli ininnemiliz omochiuh ni
 can tlalticpac:ca itetlayecolticauan, ca itlaçouá in
 dios. Ipampain, anquimmauiztilizque inimixiptla
 sanctone, yehica ca techilnamictia ininqualnemil-
 liz, inic intechtitixcuitizque, tiquinnemiliztocaz
 que:ca ipampa inilhuiquixtililotiui, inic titoyolno
 notzazque, tiquilnamiquizque, ca intla yuhtinemi
 can iniuh yehuantin omonemitique, intla noyuh
 tiechiuacan, iniuh yehuantin oquimochiuilique,
 ca cēca titlacnopilhuizque iniuh yehuátin otlacno
 pilhuiq̄. In tlaixiptlayotl, atle itech ca teoyotl, amo
 yuli, atle yanima, amo neteotiloni: in monequi ne
 teotiloz nican tlalticpac, ca yehuatl ininacayotzin
 totecuiyo Iesu christo in quiualmacocuilia teopix
 qui, iniquac missa mitoua: ca yehuatzin nelli dios,
 maciui iniztac tlaxcaltzintli ic neci, ca amo tlaxcal
 li, ca vel inacayotzin in totecuiyo Iesu christo, vel
 yehuatl iniconetzin sancta Maria: ca in sacerdote,
 iniquac oconito teotlatolli in quimitalhui tote-
 cuiyo Iesu Christo, iniquac intlan mocoheycayoti-
 tzino in itlamachtihuan, iniquimoteochiuli tlax
 caltzintli, niman quicaua inic tlaxcalli, vel inacayo

tzin mocuepa in totecuiyo Iesu Christo: ic cenea monequi tictoteotizque, yehica ca oncan moyetz tica in vel nelli dios, in vel nelli oquiehtli. Auh çan noiui iniquac anquittazque in valmacocui caliz, amo yuh ammomatizque in caçan vino oncan ca, ca in yehuatl vino, oquicauh inic vino ocatca, nelli aocmo vino, ye itlaçoezçotzin in totecuiyo Iesu Christo: yehica ca yea initlatoltzin totecuiyo in- quitenquixtia sacerdote, in yehuatl vino yuan atl in teocuitlatecomacca, niman yezçotzin mocuepa in totecuiyo Iesu Christo. Ye onamechnonotz ini techpain tlamauicçolli, ca cenea vei, cenea oui, auh in amotlacaquiliz, in amotlamatiliz amo vei, amo can caciz, ic cenea monequi, vel yuh anquinelto- cazque in quenin namechilhuia: ca çatepan, cenea vei inipaltzinco anquicnopilhuizque in dios: ye huatzin amechmotlanextiliz.

CAPITVLO. XLII. DELASOBRAS

de misericordia, assi spirituales, como corporales.

NICAN MOTENEVA IN TE-
tlaocoliliztli, initechpoui tanima,
yuan in tonacayo.





E Stote *Las o-*
 misericordes, sicut *bras de*
 & pater ve- *miseri-*
 ster miseri- *cordia,*
 cors est. Xite *assi spi-*
 tlaocolicā, i *ritua -*
 iuh motetla *les como*
 ocoliliaamo *corpora*
 tatzin, in il- *les.*
 huicac mo-
 yetztica. No
 tlaçopilhua

ne, xicmocaquitican: ca in axcan namech nonotzaz
 nequi, namechcaquitiznequi, in quenin antetlaoc-
 colizque, in iuh motetlaocolilia amotatzin, in il-
 huicac moyetztica. In yenepa in ompa otuallaque, vel
 anquimati ca amotech omoqualanaltitica ca ini-
 cel teotl dios, oamechtlaue liaya, oamechtlatzacuil
 tiaya in ipampa amotlatlacol: ayamo quimonequil-
 ti in icamechmocno itiliz: auh in axcan, ye uel pa-
 ni neci, ca oquimonequilti in totecuiyo dios, in ic
 amopan aciquiuh in itetlaocolilitzin: ye anquitta,
 ca in nican nouian amotlalpan, oquitzauctimo-
 man in itetlaocolilitzin dios, ca in yehuantin amo-
 quimiximachiliaya, ye tlachia, ye imixtlapoui, ye-
 quimiximachilia in axcan. Ipampain, no amotech-

monequi antetlaocolizque , yuh anquichiuazque
 in quenin quichiua qualtin tepilhuan , ca itech-
 mixcuitia in intatzin, intla qualli inyollo . Ipampa
 inaxcan vel namechtlaquaub nauatia, ma muchipa
 icnoyoua in amoyollo ininuicpa in motolinia, ma
 amoyollocopa xiquimicnoittacan: ca in yehuatlin
 tetlaocoliliztli, cenca totechmonequi in toyollo
 itlan ticltalizque, inniman aictiquilcauazque, ano
 ce ticpolozque. Ca yeantlachia in nican tlalticpac,
 in quenin quitzauctimani tlatlacolli , yuan inix-
 quich cococ teopouhqui , in netoliniliztli inico-
 tlacayotl, vel melauac tiquitozque, ca in oncan ti-
 nemí cenquiztoc, mocemacitoc inixquich netoli-
 niliztli, auh ca nelli in chocouayan tinemi. Ipampa
 in, xicmatican, ca inic cenca qualli tetlaocoliliztli,
 quipanauia in occequi qualtiuani virtudes : cenca
 totechmonequi, in totech yez , (in ocnican tlaltic-
 pac tinemi,) yehica ca iniquac otitomiquilique,
 cenca techpaleuiz. Ipampain, quimitalhuia in tote
 cuiyo Iesu Christo in ipan sancto Euangelio. Quem
 mach vel yehuantin, oimicnopiltic oimmaceualtic
 in tetlaocoliani, ca yehuantin tlaocolilozque. Ma
 iuhye in amoyollo, ca çaniyoque inaquique tetla-
 colia , atle tecoco tlatolli quicaquizque iniquac
 tlatzontecoz: yehica ca in tetlaocoliani, ic maqui-
 çazque inintetlaocoliliz: auh in yehuantin amo te
 tetlaocoliznequi, telchiualozque, ix nauatilozque.

Auh in amehuantin, ma yuhquimattie in amoyollo, ca intlacamo xitelaocolican nican tlalticpac, amono antlaocolilozque iniquac antlatzontequi lilozque. In tetlaocoliliztli, vellapanauia inic qual li, inic yeçtli: ca inçuenin tonatiuh, çan vel inçixca uil inic tlanextia: yuan intletl, çano inçixcauil inic tlatotonilia, çan noyuhcatzintli in totēcuiyo dios, vel inçixcauiltzin inic motetlaocolilia. Ipampain, intla itetzinco ximixcuitican, intlano xitelaocoli cā, canoamechmotlaocoliliz. Auh canelli, vel iquac antetlaocoliani ammoteneuazque, iniquac anqui mienoitazque inienotlaca, in motolinia: in veliuh qui anquimmacazque in amoyollo, (niquitoznequi,) in amoyollo itech aciz ininnetoliniliz occequintin: in iuhquimma vel amehuan amonotoliniliz ipan anquimatizque, vel anquimpaleuizque in yuh ammpaleuilillani.

N Elli namechilhuia, ca in tetauan in tenauan, niciuhca quimilcaua inimpilhuan, maciui incē ca quintlaçotla: çan in totēcuiyo dios, nimā amo quimmolcauilia: ca iuh oquimochiuli intotēcuiyo Iesu christo, vel oitechmixcuititzino initlaçotatzin in ilhuicac moyetztica: vel otechmomaquili iniyollotzin, vel otechmocnoittili: ca vel ic oual mouicac inic motetlaocolilico nicā tlalticpac, yuā ic oquimmotlaquauhnauatili initlamachtihuan, inic notetlaocolizque: yuan in timuchintin vel to

DOCTRINA CHRISTIANA.

nauatil omochiuh. Ipampain, in dios tetatzin, qui
 motocayotili tetlaocoliliztli in itlaçopiltzin Iesu
 Christo: auh çan noyuh antocayotiloçque, intla xi
 tetlaocolican: ca niman yuh ti quiça, niman ipan ti
 tlacati in tetlaocoliliztli, intla quinequiz toyollo,
 ca muchipa vel titetlaocolizque, muchipa itech ve
 tziz in toyollo intetlaocoliliztli. Namechtlatlania,
 iniquac aca amechquauitequi, in anoço cana amo
 tlacapan amechuitequi, cuix amo nouian comma
 ti in amonacayo inic amechcocoua? Ca yenelli, ca
 quemaca: çan noyuh monequi vel cõmatiz in amo
 yollo, ca intixquiçtin, çance in teoyotica tonaca
 yo, auh in totzontecõn mochiuhtica, ca yehuatzin
 in totecuiyo Iesu christo. Ipampain, iniquac aca an
 quittazque amouampo, in itla ic motolinia, mone
 qui anquicnoittazque, anquitlaocolizque, yehica
 ca amocotonca amouiltecca. Ic cõca monequi, mu
 chipa ammonepantlaçotlazque, ammonepan ic ne
 lizque: ca yehuatl in quiteneua sant Pablo, in qui
 toua. Intla anceme ammococoua, ca nonehuatl ni
 nococoua. (q. n.) ca in yehuatl sant Pablo, vel iyol
 locopa quimicnoittaya iniuápouan, ic motequipa
 chouaya in innetoliniliz. Inin tetlaocoliliztli, no in
 tech ca in occequintin itlachiualhuan dios, in amo
 yoli, in amotle imanima, in amotlacaqui, in amotle
 onca in yolilizmatiliz, in moteneua razõ, yehica ca
 yuhquin ic techicnoitta, yuhquin ic techtlaocolia
 in

intlein intech quimotlalili totecuiyo dios. Ca into
 natiuh, in metztli, in cicitlaltin, ynic techtlanextilia
 yuhquimma ic techtlaocolia: auh in tlalli, in atl, in
 tletl, in checatl, iuhquimma noi techtlaocolia, in ic
 pactinemi tonacayo : yuan in quauitl yn itzmolin-
 toc, yuan in occequi xiuitl, yuhquimma ic techicne
 lia, in ic totechmonequi . Intla yeiuhqui yn , cuix a-
 mo occenca totechmonequi intitone pantlaçotlaz
 que tehuátin in onca totlacaquia, toyolizmatiliz?
 Ic cenca monequi antetlaocolizque , yniuh mote-
 tlaocolilia amotatzin , ilhuicac moyetztica. (q. n.)
 Ca in quenin yehuatzin totecuiyo dios, cenca qui-
 mocuitlauitzin oua in ic melauac , qualli otli quin-
 toctiz in amo qualli innemiliz in tlatlacouani: çan
 noyuh ticchiuaz que in tehuantín: amo çaniyo que
 in tocníuan tiquinnequilizque in qualli yeçtli, çan
 noyehuantin in toyaouá. Auh in quenin yehuatzin
 totecuiyo dios quimmopaccaihíouiltia , ocquim-
 mochielia inaquique amo iuiçtzinco mocuepazne
 qui, çan noyuh ticchiuazque in tehuátin: monequi
 tiquinchiezque in touampouan , in quexquichca-
 uitl amo techtlatlauhtizque, in aço itla yc otechto
 linique, otechtequipachoque : monequi titoyolce
 uizque tiquintlapopolhuizque : yuá amo ic tiquin-
 teixpáuízq̄ intlein ic otechtoliniq̄: çan iuian techix
 tlaulizque intleí topal oquimotlacuíq̄. Auh mone
 qui anquimatizq̄, ca intetlaocoliliztli, in ic techmo

tlaocolilia totecuiyo dios, vel innenca inchicauacà
 inixquichtin tlatlacouani, inic amo vel quimanaz
 tlatecolotl, inic amo miçtlan quinuicaz. O caye-
 huatlin, inic amonepà paleuiz que, inic amo amech
 motechtiz tlatecolotl. Auh cuix amo anquitta,
 inquenin yehuatzin totecuiyo dios, cèca quimmo
 cuitlauitzinoua inixquichtin itlachiuahuan, inic
 quintlaqualtia inixquichtin manenemi, in patlan-
 tinemi, in atlan nemi: ca çan noyuh monequi nepa
 notl ammopaleuiz que, amonocpà icneliz que. No
 yuà in totecuiyo dios inic quimonextilia initetlao
 colilitzin, ca quimopopolhuia intlein icpeua, in-
 tlein icztinti tlatlacolli. Cuix amo anquitta, in que
 nin totecuiyo dios mieçtlamantli topà quimochi
 uilia tetoliniliztli, inic amo titlatlacoçque, inic a-
 mono tlatlacoltica titlaelpaquizque, inic amo vel
 ticchiuazque, amo vel ticçtōquixtizç intlein amo
 qualli tiquilnamiqui? Ca tetoliniliztica, tlathioui
 liztica in quimopopolhuia ipauhca tlatlacolli. Ipà
 pain, occenca yehuatl anquimocuitlauizç, inic an
 quitlalcauizque in ipauhca tlatlacolli, yuan in tetla
 pololtiliztli, inic amo amonocpà tlapololtizque.
 Auh xicmaticà, ca in yehuatzin totecuiyo dios, mu
 chipa quimotzatziliztica in toyollo, aic mociauh-
 caneçtzinoua, aic techmoxicauilia: çan noyuh mo
 nequi amo titociauhcanequizque in tehuatin inic
 titonepantzatzilizque, ticçtocuitlauiltizque in ne-

nemilizcuēpaliztli, in tlamaceualiztli. Ca in totecuiyo dios, in ic quimotemolia in quenin titomaquixtizque, in quemmanía itenecuiltonoliztica, auh in quemmanian netoliniliztica in quimotzatzililia to yollo: çan noyuh ticchiuazque in tehuantin, ticte-mozq̄ in tonemaquixtiliz: ca atle yuhqui in ic qual li ixpantzinco dios, cenca ticteuellamachtilia iniquac tonoma titotlaocolia, iniquac tiquicnoitta in toyolia tanima: ca in yehuatl tanima, cenca tlapanauia in ic tlaçotli, amomachiuh tlaçotli in ixquich talticpac onoc. Noyuan in totecuiyo dios, ic quimonextilia itetlaçotlaliztin, iniquac quimopaccacelilia tlatlacouani in tlamaceua, in iuiçtzinco mocuepa, niman quimomaquila in ipopolhuiloca itlatlacol: çan noyuh amotechmonequi àqui chiuazque in amehuantin, in ammuchintin, ammo yolceuzque, anquimpaccacelizque in aquique itla ic oamechtoliniçque, anquintlaçotlazque.

NOyuan monequi anquimatizque, ca occan quiztica in moteneua tetlaocoliliztli, cequi itechpoui in tonacayo, auh cequi itechpoui in toyolia in tanima. In itechpoui toyolia tanima, ca yehuatl in qualli tlatolli ic nonotzaloz in aquin anquitta in ca itechmonequi tenonotzaliztli, in ic amo quimotlatlacalhuliz totecuiyo Dios: yuan in ic amo itla ic quitoliniz yuampo. Noyuan tlatzacuiltiloz in aquin motlapololtia, in itla ic quimo yoli-

*Las o-
bras de
misericordia
spirituales.*

yolitlacalhuia totecuiyo dios. Auh inaquin tequipachiuhtinemi, initle yc tlaocoxtinemi, yollaliloz. Yequene inaquin teyolitlacoua, initle yc teyoltequipachoua, tetolinia, ylcauililoz, popolhuiloz ini teyolitlacoliz, initetoliniliz. In yehuatlin, ca quiyacatia inixquich tetlaocoliliztli: ca iniquac antetlapopolhuia, yuhquimma tletontli amoyollo ixco ca, yehuatl quitlatia in amoyollo: auh yeanquitta, ca in quexquich tlaueilli qualantli amiticca inic antetlaueilia, inic antecocolia, çan noyehuatl amechtolinia, yniuhqui quitlecuiloua amoyollo. Noyuá intlatlatlauhtiliztli, cacéca vei tetlaocoliliztli, yehica ca iniquac antlatlatlauhtia, vel yehuatzin anqui monochilia in dios, áquimomaquila in amoyollo.

*Las o-
bras de
misericordia
corporales.*

AVh in occequi tetlaocoliliztli, initechpoui tonacayo, ca yehuatlin. Ihiocuitilozque, itlatzin tlaqualtzintli macozque, inaquique intechmonequi in motolinia, in ayaxcan neci in cochca in neuhca. Yuan itlatzin tlaocolilozque, tlaughtilozque inaquique petlauhtinemi, initzutzumatzin yetinemi, in motolinia. Yuan intlatlacotin, in anoço mamaltin, tlaocolilozque, inic aocmo tlatlacotin yezque, maquixtilozque. Yuá inaquique momiquilia in christianome, teyollocopa tocozque. Yuan tlaocolilozque in acan vel tepal mocochoitia. In nenencatzitzintin, techan calaquilozque, inic oncan mocochoitzique.

Ynin

YNin tetlaocoliliztli, ca cēca qualli, cenca yeçtli,
 ye quimotemaquila in totecuiyo dios in cemi-
 cac yoliliztli. Y ece occenca valca, occenca vei inte
 tlaocoliliztli initechpoui tanima: monequi occēca
 yehuatl tlapanauia ye anquicnoittazque in amani
 ma: cenca anquitlalcauizque in tlatlacolli : yehica
 maciui in vel ixquich anquichiuazque tetlaocoli-
 liztli, çan intlacamo amotech yez in teotlaçotlaliz
 tli, ca atle amonquiçazque, atle ic ammocnelizque
 inipampa amotetlaocoliliz : yehica ca occenca ye-
 huatl monequiz , in ticōtomaquilizque totecuiyo
 dios in occenca qualli, in occenca tlaçotli intotech
 ca, ca yehuatl intoyolia in tanima, intotlanequiliz:
 ca in yeuatl tanima, vel yaxcatzin, vel itlatquitzin,
 vel yeuatl intechmitlanililia, yehuatl monequi tic-
 tomaquilizç. Ipápain, ma amoyollocopa xicchiua-
 can in izquitlamātli in omoteneuh: ca vel ic anqui
 moyolceuilizque in totecuiyo dios , yuan ic ampo
 polhuilozç in ixpopoyotiliz, in itlayuuallo amani-
 ma: yuá ic anquicnopilhuizç intlein anquitlanizç:
 ca iuh quimitalhuia in totecuiyo, itlatoltica in pro-
 pheta, quitoua. In motolinia maxiçtlaqualti: auh in
 icnotlacatl, nenēcatzintli, mochan xiccalaqui: ini-
 quac aca tiquittaz petlauhtinemi, xiçtlaquçti , itla
 xiçtlaughti: amo xiçtelchiua, ca çannomonacayo. In
 tlahuic xicchuacani, iniquac áquimonoçhilizç dios
 vel nelli amechmocaquitiz, ca tetlaocoliani. Yuáic

pilhuan ammochiuazque in dios, yuan ic anquim
 mocniuhtizque in motolinia, in teoyotica mone-
 mitia: yehica ca muchipa impampa quimotlatlah
 tilia in dios inaquique in teicnelicauan, in quimic
 nelia.

Y Van xicmatican, ca inic cēca qualli tetlaocoli
 liztli, cayehuatl amotlatqui yetiaz iniquac am
 miquizque, ca yquac cenca amotechmone-
 quiz, ic antlaocolilozque. Yuan mauel iuh ye in a-
 moyollo, ca atle iuhqui inic tepaleuia tetlaocoli-
 liztli: ca iuhquimma yehuatl tepan tlatoua inixpá
 tzinco dios: yuan in yehuatl tlalticpacayotl, in çan
 tlamiz, in çan poliuz, ic vel ic nopilhuilo in cemi-
 cac yuliliztli: ca iniquac çan achiton ic tetlaocoli-
 lo ypaltzinco in Dios, ye iclaonoc, yeiccencauh-
 toc in tlaxtlaulli, in cenca vei: ca intla centlaman
 tli ic xitetlaocolican, macuilpoalpa ixquich ic mo
 tlapiuiz, inic amechmocuepililiz totēcuiyo dios.
 (q.n.) Ca tlacēpanauia, nimá atle inamic in amma
 cozque: amo quineneuilia intlein anquitemaca,
 in anoço quinye anquitemacazque.

Y Van xicmatican, ca in tetlaocoliliztli inic cen
 ca mauicauhqui, yehuatl quitepopolhuia yn
 tlatlacolli: ca yuh quimotencuilia in totēcui-
 yo Iesu christo, quimitalhuia. Ynaquique in an-
 quintlapopolhuizque amouápouan, in anquimil
 cauilizque in quexquich ic oamechtolinique, inic

oamechyolitlacoque, ma yuhye in amoyollo ca in yehuatzin amotatzin in ilhuicac moyetztica, noamechmopolhuiliz in amotlatlacol: yuan ance cemme anquittazque amotech aciz in amotlaxtlauil.

Y Van namechilhuia, ca inamaquique initla an quimmacazque motolinia, in aço tilmatzintli amotechpa anquiuallazque inicanquintlaocolizque: in anoço itla occentlamantli anquimmacazque in anquipia nican tlalticpac, in mocaua, in aoemo amotechmonequi, ic antlaxtlaui lozque in ompa ilhuicac. Auh intlacamo çaniyo ic antetlaocolizque intlein mocaua, in aoemo amotechmonequi, intla çannoyuan xiçtemacacan intlein vel amotechmonequizquia, ca cêca veiaz in amotlaxtlauil. Auh intla muchi xiçtemacacan inquexquich amaxca, ca ic anquinnemiliztocazque initlamachtilhuá totecuiyo Iesu Christo: auh in ammacozque amotlaxtlauil, ca amo çan quexquich, amo çan tamachiuhqui, cenca vei: ca yuh quimitalhuia in totecuiyo Iesu christo inipan Euangelio, in oquimicuilhui sant Matheo. Nelli, vel nelli namechilhuia, inamaquique vel ixquich anquicauazque tlalticpaca yotl, yuan annechnemiliztocazque, ca ipan anyezque inimicpal matlaçtli omome itlacamecayo Israel. O tlaxiccaquican, ca iniquac yeimman, anquittazque, cêca antlamauiçozque, yuhquin içaz amoyollo

yollo:cenca vei papaquilztica acouetziz in amo-
yollo:quiniquac vel anquimatizque, ca vel nelli,
amo çan tlapiçtli inixquich tamechmachtia.

AVh inaxcan, inixquich tlein anquichiua, mu-
chi iuicpatzinco xictlachieltican in totēcuiyo
dios, çan muchi ipampainiyecteneualoca, ini
mauiztililoca xicchiuacan. Auh mayuhye in amo-
yollo, ca inixquich ic antlatequipanozque tetla-
coliliztica nican tlaticpac, çan noixquich ic an-
tlaxtlauilozque, noixquich amacozque innecuilto
nolli netlamachtilli, in quimmopielilia totēcuiyo
dios, in quichieltitica inaquique tetlaocoliliztica
itetzinco mixcuitizque.

CAPITULO ULTIMO, DONDE EL

*Auctor recopilalo dicho, y encarga mucho al lector
la diligencia, que deve tener en po-
ner lo por obra.*

INIC TZVNQVIC, A TEMACH-
tiliztlatolli, oncan moteneua in qual-
tiuani yectiuani Virtudes, in
moteneua Theologales,
yuan Cardinales.





Niuh ninomati, ca onamechittiti, onamechmelaui in itemachtiltzin, in itlatoltzin totecuiyo I E S V christo: on can onicteneuh intlein anquineltocazque, intlein anquichiuazque, yuan intlein anquitlalcauizque. Auh in

Exhortacion a cerca de las virtudes, theologales y cardinales.

axcan, namechnonotza, namechtlaquammaca in totemachtli, in totenonotzal: ma vel xiepiecan, ma amoyollocopa xiccelican: ca ic otiualaque in tamechpaleuico, tamechittitico in nemaquixtilizotli. ma vel xitlachiecan, matlapoui in amix in amoyollo, ma ximozcalican in amehuantin otamechmachtique: oc axcampa qualcan, vel anquicnopil huizque in ipatiliz, in inemaquixtiliz amanima. Ma camo çan nenquiça in amonemiliz: ca yetlaneçan in annemi, oquimonequilti in totecuiyo dios, in ic amechmotlanextiliz. Auh in axcan, in ye ompa titz tiui, ma vel ximozcalican, vel ximimatcanemican. ma aca anquitlapololtitin: ma aqualli machiotl ne ixcuitilli teixpan anquitlalitin, ca ic ancauilquixtizque, yuan ic anquimauizpolezque in totemachtli. Cenca vel ximocuitlauican, in ic vel nelli amitelayecolticauan anyezque in yehuatzin totecuiyo dios. Auh in in, ca vel yehuatl ic neltiz, ic anquineltilizque, in tla vel xiccentelchiuacan in ixquich

yeuecauh ic antetlapololtiaya:yuan intla xicmotla
 quammacacan in tlapaccaihioiliztli , inic vel an-
 quipaccaihionizque in netoliniliztli,in netequipa
 choliztli,in nentlamachiliztli,in cocoliztli,intecal
 tzaqualiztli:yuan inixquich cococ teopouhqui, in
 icnotlacayotl:yuan in ixtoçoliztli, in neçualiztli:
 yuan intla cenca xicmocuitlauican inic ammone-
 milizcuepazque in çã ipápatzinco totecuiyo dios:
 in vel anchipauacanemizq̃, in vel anquichipauaca
 piezque in amanima yuan amonacayo.Auh ca inic
 vel anquicnopilhuizq̃ in yehuatl qualtiuani,in mo-
 teneua virtudes,monequi pacca anquihioizq̃ in-
 ixquich omoteneuh in tecoco in tetolini . Ca ina-
 quique quipaccaihioia,yehuatin intechpa quimi
 talhuia in totecuiyo Iesu Christo . Quemmach vel
 yehuantin inaquique tlapaccaihioia,inipampa in
 qualli,in melauac nemiliztli, ca yehuantin imaxca
 in ilhuicac tlatocayotl.(q.n.)Ca monequi vel ipan
 amnochicauazque in tlaneltoquiliztli,inic vel am
 melauacanemizque,yuan inic anenquizecachipa-
 uazque initechpa tlatlacolli : ca cenca qualli inin-
 tlaneltoquiliztli: vel yehuatl ic quincẽquizecaqual
 tilia in totecuiyo dios tlalticpac tlaca . Y pampain,
 amoyollocopa anquihioizque inixquich netolini
 liztli,in netequipacholiztli, inipampa tlaneltoqui
 liztli amopan mochiuaz. Auh intla monequiz vel
 ip ápa ammiquizque,ammictilozque:ca yuhoqui-

*Dela. 7
 biena -
 uentu-
 rança .*

mochiuili in totecuiyo Iesu christo, yuan in yehuã
 tin itlamachtihuan, yuan in occequintin itlanelto
 cacauan: itemachtiltica, inemilztica oquimmo-
 yoleuili, oquimmonemilizcueli, in niman iquac
 oquimopeualtili itemachtiltzin: auh inic oquimo
 peualtili sancta Iglesia, achtopa oquimmomacht-
 ili in itlamachtihuan, inic quipaccaihiovizque in
 çaçotlein tetolini impan mochiuaz: yuan inic amo
 quimimacacizque tlalticpac tlaca: yehica ea intla-
 nel quimictizq̃ in tonacayo, çan amono vel quimic
 tizque in tanima. Y uan ic quimmonochili in to-
 tecuiyo Iesu christo, inic çan vel yehuatzin quimi-
 macaxilizque in totecuiyo dios, iniacatzin in itla
 chiualtzin in tanima yuan tonacayo: ea vel quimo
 chiuiliz inic vntlamanixti miçtlan quimotlaxiliz.
 Inin tlatolli omoteneuh, vel ic otechmottitili, tech
 momachtili in totecuiyo dios, in quenin cenca mo
 nequi necuitlauiloz, yuan ipampa netoliniloz in
 qualli nemilztili, ea ichicauaca in tlaneltoquiliz-
 tli. Ipampain, techmonauatilia, inic amo tiquimi-
 macacizque tlalticpac tlaca, çaniceltzin tiçtimaca
 xilizque in totecuiyo dios. Auh inic amo acame mo
 tequipachozque, inic amo momatizque, açoçan
 quimmoxiccauiliz in totecuiyo dios, iniquac toli-
 nilozque, vel tixpan quimonextilia in quenin ye-
 huatzin cenca quimmocuitlauitzinoua in totome
 in patlantinemi, yuan in occequintin manenemi:

DOCTRINA CHRISTIANA.

ic neci, ca in tehuantin occenca valca inic tech-
mocuitlauintzinoua. Auh inic vel netoliniliztica,
yuan tlapaccaihiouiliztica chicauaz in totlanelto
quiliz, ma vel tictocuitican, ma tictiximatecatocacá
teixpan in totecuiyo Iesu Christo nican tlalticpac,
inic noyehuatzin techmocuititzinoz ixpantzinco
itatzin, in ilhuicac moyetztica. Auh ca icuepca mo
chiuhtica, inaquique amo quimocuititzinozque
teixpan, in nican tlalticpac, amono quimocuititzi
noz inixpantzinco itatzin. Ipampa inaxcan, ma vel
ic amoyollo pachui in tlaneltoquiliztli. anh maca
mo xiquimacacican inixquich tlaihiouiliztli, in ni
can tlalticpac amopan mochiua. Ca in itlaçouan
dios in factome, vel in yollocopa quipaccacelique
in miquiztli, atleipan oquittaque inixquich itoli-
niloca in nacayo, inic vel ipan omochicauhque in
tlaneltoquiliztli : çan noyuh monequi anquichi-
uazque in amehuantin, vel anquipaccaihiouizque
inixquich tetoliniliztli, in amoyollocopa anquih
youizque, ipampa in tlaneltoquiliztli. Ca iuh qui-
mitalhuia in itlaço totecuiyo dios Sanctiago. Mo-
nequi cenca ampapaquizque, iniquac amopan val
laz in nepapan teneyhecoltiliztli, yuan iniquac
amopan mochiuaz tetoliniliztli: yehica ca ic nelti,
ic chicaua in amotlaneltoquiliz: auh inichicauaca,
inineltica, ca itechpa vitz in tlapaccaihiouiliztli: ca
yehuatl quicenzizecaqualtilia in amotlachiuah,
vel

velicneci in quenin anquimotlaçotilizque tote-
cuiyo dios.

Y Van vel ximocuitlauican in nezcaliliztli, in x
clamatiliztli, in yolizmatiliztli, in ic vel ammo
maquixtizque: yuan in ic vel anquimatiz que
intlein itechpoui tlaneltoquiliztli. Ca in yeuecauh
inic amo ammozcaliaya, in ic amotle amotechcat-
ca nezcaliliztli, ca tlacatecolotl vel oamechmotla-
cauatica, yuhquin amopan otlatocatea. Vel xicma
tican, ma vel yuhye in amoyollo, ca inipampa amo
nontlamachiliz, amonetoliniliz, ca ic anquienopil
huizque in ilhuicac neceuiliztli, in papaquiliztli,
in vel yehuatzin quimotemaquila inipalnemoua
ni. Noyuan intlan xipaccanemican, xiquimpaccait
tacan, xiquinyollalican in amouampouan. In in paç
canemiliztli, ca vel itechpoui in totecuiyo dios, a-
mo itechpoui in tlatiepacayotl, in çan teca moca-
cayauani.

M Acamo çan xitlaixpanican, in ic antetlaçoç
tla. Macamo itech xitlaquauhtlamatican in
amotlachiuah, çan yehuat, itech ximochica-
cauan in melauac itetlatzontequililiz totecuiyo
diosica vel amechicauaz in ic amo ammocuecuetla
xozque, amoxiuhlatizque, yuan ammotlauel-
nequizque iniquac antlaihiouizque, amotolinizç.

DOCTRINA CHRISTIANA.

Intla miec ne cuiltonolli amechmomaquiliz tote-
 cuiyo dios, amo ic ammopouaz que: auh intla neto
 liniliztli amopan quimotemouiliz, amo ic ammo-
 cuecuetlaxozque, yuan amono ic ammoxiuh-
 tizque in amehuantin amitetlayecolticauan dios:
 ea yuh impan omochih in itlamachtilhuan totecui-
 yo Iesu christo, in nican tlalticpac, yuan occequin-
 tin martyres yuan confesores: ca iniquactlalticpac
 monemitiaya, in quemmanian qu alin ipan macho-
 ya, auh in quemmanian tlauehiloque ipan macho-
 ya, in quemman tlaçotlaloja, in quemman totoco-
 ya, toliniloja: yece in yehuantin itetlayecolticauan
 dios, amo quencommatia. Ma noyuh xicchiuacan
 in amehuantin, in ye ompa titztiui, tetlaçotlalizti-
 ca xitlapaccaihioican, yuan cenca xicmimacaxili-
 can in totecuiyo dios. Intla yuh anquichiuazque in
 ic atle catzauac itech yez in amoyolia yuan amo-
 nacayo: yuan ic amoyollo pachiuhtiez, amoyollo
 commattiez, ca tehuantin otamechmachtique,
 otamechittitique in paccanemiliztli, yuan in amo-
 nemaquixtiliz. Auh intla xitlauehilocanemican, in-
 tlacamo xitlamaceuacan, ca vel amixcoyan amotla-
 tlacol yez: ayac anquimamaltizque, ayac itech am-
 motlamizque: mayuhye in amoyollo, ca ompa an-
 yazque in teeni cenca amo qualcan, cenca tetlael-
 tican, vel temamauhticá, in itocayocá Infierno ca
 inic oquimochiuli totecuiyo dios in Infierno, ca

impampa in tlátlacatecolo, yuá impampa in tlatlacouani: tlalli itic in oquimotlalili, cenca tlayuuaticac, apochquiyauayocan, atlecallocan, amo tlancici, iniuh quitotiui amocolhuan: ompa cate in tlatlacatecolo, in ilhuicac valuetzque: noyuan in ompa cenca ceua, cenca tona, cenca tlayaya: ompa cemicac choa, tlaihiouia, chichinaca in tlatlacouani: aic tzonquicaz in intlaihiouiliz. Auh in ócanin micltan, in cenca amo qualcan, ompa vi inaquique tlatlacolli ipan miqui, in oquimoyolitlacalhuique totecuiyo dios, yuan inuampouan. Y equene iniquacemicque, amo motequipachoque in ipampa in tlatlacol: amono quimotzatzililique in totecuiyo dios, amono moyolmelauhque: çan yehuantin ompa yazque in tlatlacouani: ompa yaz in innacayo, yuan in imanima: cenca mieçtlamantli tlaihiouiliz tli in ompa quihiouizque, aic tlamiz in intlaihiouiliz: ompa cate in amocolhuan in amociuan, in amotauan, in amonauan, in amotiachcauan, in amocniuan, yuá in ixquichtin omimicque nican tlalli ipan in amo quimiximachilitiaque in totecuiyo Iesu christo. Auh in tla vel ammonemitizque, yuan in tla ixquich amotlapal anquichiuazque, inicanquimotlaçotilizque dios, yuan in tla anquintlaçotlazque in amouampouan iniuh ammotlaçotla, ca ompa anyazque in ilhuicatlitic netlamachtloyan, ompa cemicac moçeuiz in amoyolia in amanima: yuan

anquimotlamachtizque inixquich nequiltonolli
 in amechixtoc, ca ipampa in oanchiualoque. Ma-
 amechmotlanextilili in totecuiyo dios, inic
 vel anximatizque in nemaquixtiliz-
 otli, inic çatepan vel anxichopil-
 huizque inixquich nequiltonol
 li, netlamachtilli, in amo-
 tech oquimopouili ini
 cel teutl dios. Ma
 yuh mochiua.



HONOR, ET

SOLIDEO

IHS

GLORIA.



TABLA POR ORDEN ALPHA

betico, de todas las materias principales desta Doctrina christiana, en lengua Mexicana.

A.

Adoracion dela cruz. Folio.	xix.
Anima, dela immortalidad della. folio.	lxxviiij.
Angeles, quando fueron criados. folio.	ix.
Articulos dela diuinidad de nuestro dios. fol. Ibidé.	
Ascension de Christo. folio.	xxiiij.
Auarcia, segundo peccado mortal. fol.	xlviij.

B.

Baptismo, primer sacramento dela Iglesia. fol.	lxj.
Bienauenturança septima. fol.	lxxxviiij.
Boca, y lengua. folio.	lix.

C.

Causa dela adoracion dela cruz. folio.	xix.
Causa dela passion del hijo de dios. folio.	xviiij.
Causa dela redempcion de Christo. fol.	xxij.
Confesion y penitencia, tercero sacramento dela Iglesia. folio.	lxviij.
Confirmacion, segundo sacramento de la Iglesia. Folio.	lxv.
Concepcion dela madre de dios. folio.	lxxix.
Communion delos sanctos. folio.	xxviij.

TABLEA.

Consejo, don del spiritu sancto. fo.	lxv.
Conuersacion y predicaci6n del hijo de dios. fo.	xvj
Criacion de los angeles. fol.	ix
Criacion del hombre. fol.	xj.

D.

Decimo mādamiēto de nuestro señor dios. f.	xxxix.
Declaracion de la sanctissima trinidad. fol.	v.
Descendio el anima de christo a los infiernos. fo.	xx
Diez mandamientos de nuestro señor dios. fo.	xxix
Distincion de las personas de la sanctissima trinidad. folio.	v.

E.

Embidia, sexto peccado mortal. fol.	liiij.
Entendimiento, don del spiritu sancto. fol.	lxv.
Extrema vncti6n, septimo y vltimo sacramento de la Iglesia. folio.	lxxiij.
Eucharistia, quarto sacramento de la Iglesia: y del quinto, que es la orden sacerdotal. fol.	lxxviii.

F.

Fortaleza, don del spiritu sancto. fol.	lxvj.
---	-------

G.

General iuyzio. folio.	lxxv.
Gula, quinto peccado mortal. folio.	liij.

H.

DESTE LIBRO.

H.

- Hombre, quando y como fue criado. fol. xj.
 Humildad, contra la soberuia. fol. xlv.

I.

- Iglesia sancta, vniuersal, y de su vnion. fol. xxvj.
 Imagines, dela veneracion dellas. fo. lxxx.
 Immortalidad del alma. fol. lxxviii.
 Infierno. folio. lxxvij. y. lxxviii.
 Ira, quarto peccado mortal. folio. l.
 Iuzio general. folio. lxxv.



Tecnológico
de Monterrey

- Licencias del excelente Señor Don Martin Enriquez: y del Illustre y reuerendissimo señor Arçobispo de Mexico: y del reuerendissimo Commisario general desta nueua España Fray Rodrigo de Sequera. folio. j.
 Luxuria, tercero peccado mortal. folio. xlviij.

M.

- Madre de dios, de sus virtudes, y de su conception. Folio. lxxix.
 Mandamientos diez, de nuestro señor dios. fo. xxix
 Matrimonio, sexto sacramento dela Iglesia. fo. lxxj.

*no me que aqui ma t l b N.
que Ca no es ti can to te am*

TABLA.

N.

Nono mādamiéto de nuestro señor dios. fo. xxxviii

O.

Obras de misericordia, así spirituales como corpō
rales. Folio. lxxxj. y. lxxxij.

Oçtauo mandamiento de nuestro señor dios. Fo-
lio. xxxvij.

Orden sacerdotal, y dela Eucharistia, quarto y quin-
to sacramentos dela Iglesia. fol. lxix.

P.

Passion del hijo de dios. Fol. xvj. y. xviii

Peccado de Adam. fol. xvj.

Peccados mortales. folio. xlj.

Perdon y remission delos peccados. fol. xxviii.

Personas dela sanctissima trinidad, y dela distinció
dellas. Folio. v.

Penitencia y confesion, tercero sacramento dela
Iglesia. fol. lxvj.

Pereza, septimo peccado mortal. fol. lvj.

Piedad, don del spiritu sancto. fol. lxvj.

Predicacion y conuersacion del hijo de dios. fo. xvj

Primer mandamiéto de nuestro señor dios. fo. xxix.

Primer peccado mortal. folio. xlii

Pri-

DESTE LIBRO

Primer sacramento de la Iglesia, que es el Bautismo.
Folio. lxi.

Purgatorio. folio. lxxvii.

Q.

Quarto mandamiento de nuestro señor dios. fo. xxxiii.

Quarto peccado mortal, que es Ira. fol. l.

Quinto mandamiento de nuestro señor dios. f. xxxiiii.

Quinto peccado mortal, que es Gula. fol. liii.

R.

Recopilacion de todo lo contenido en esta obra.
Folio. lxxxvii. y. lxxxviii.

Redempcion del genero humano. fol. xiiii.

Remision de los peccados. fol. xxvii.

Resurreccion de los muertos. fol. lxxv.

Resurreccion de Christo. fol. xxv.

S.

Sabiduria, don del spiritu sancto. fo. ix.

Sacramento segundo de la Iglesia, que es la Confesion.
Folio. lxiiii.

Sacramento septimo y ultimo de la Iglesia, que es
la Extrema unccion. fol. lxxiii.

Sancta Iglesia vniversal, y de su vnion. fol. xxvi.

Sacramentos de la Iglesia siete. fol. l.

Sciencia, don del spiritu sancto. fol. lxxv.

TABLA.

Segundo mandamiento de nuestro señor Dios.	
Folio. xxxj.	
Segundo peccado mortal, que es Auaricia.	folio. xliiij.
Sentido de la vista.	folio. lviiij.
Sentido del gusto.	folio. lix.
Sentido del oyr.	folio. Ibidem.
Sentido del oler.	folio. Ibidem.
Septimo mandamiento de nuestro señor Dios.	
Folio. xxxvj.	
Septimo peccado mortal, que es pereza.	fol. lvi.
Sexto mandamiento de nuestro señor dios.	folio. xxxv.
Sexto peccado mortal, que es Embidia.	fol. liiiij.
Siete peccados mortales.	folio. xli.
Soberuia, primer peccado mortal.	folio. xliij.

San Jase T.

Temor, don del spiritu sancto.	folio. lxxvj.
Tercero mandamiento, de nuestro Señor Dios.	folio. xxxij.
Tercero peccado mortal, que es luxuria.	folio. xlviiij.
Trinidad, declaracion della.	folio. v.
Trinidad sanctissima de nuestro dios, primer articulo.	fol. iij.
	v.

TABLA.

Veneracion de las imagines sanctas. fol.	lxxx.
Venida del spiritu sancto. fol.	xxv.
Virtudes dela madre de dios. fol.	lxxxix.
Vnction extrema, septimo sacramento dela Iglesia. folio.	lxxiiij.
Vnion vniuersal dela sancta Iglesia.	xxvi.

FIN DELA TABLA



Tecnológico
de Monterrey

Facultad de Ingeniería
Comunicación y Electrónica
Monterrey, N.L.

LICENCIA.

Por quanto vuestra reuèrencia, padre Fray Alonso de Molina, ha hecho de nueuo vna Doctrina Christiana en lengua Mexicana, muy buena y muy pronechosa para la salud spiritual de estos naturales: la qual està aprouada por buena y catholica. Portanto, por la presente doy licencia a vuestra reuerencia, para que la haga imprimir, con las condiciones, que la impresion requiere, (conuiene a saber,) las licencias del muy excelente señor dō Martin Enriquez, Virrey desta nueua España, y del muy illustre y reuerendissimo señor don Pedro Moya de Contreras, Arçobispo de Mexico. Y porque tanto trabajo y diligencia, no carezca de merecimiento, se lo mando ad meritum obediētie salutaris Hecha en sant Francisco de Mexico, a primer de junio, de mil y quimietos y setenta y ocho años.

Fray Rodrigo de Sequera,
Cómisario general de
sta nueua España.



Tecnológico
de Monterrey



Tecnológico
de Monterrey

my West

~~De Vroede Gemeente der Vrije Borse
de maecde van de mueren van der
Heide als de Heermeester der
haren veem eoperecaerders van sekeren
Catharen~~

van de salme Gnepderho. de l^{on} con Fran^{co} besta
Neste hees y gila zenta Michelerij tyn ned de 20.
comune tipo quea causa. Esti p^{ro} vno. sen tenado.
derzen velha ba da aboz de almu ne da y da da og
de caer de 2^o. p^{ro} no g^o a

Vno sup^o vno. Se mede mandam^o. de apremio con
tra e engenho nobre ena de m^o. de n^o b^o de persona q
reen bio. e n^o de caer de of com^o. de strada de
de caer de 2^o. p^{ro} no g^o a

Tecnológico
de Monterrey




[Faint, mostly illegible handwritten text in Spanish, likely bleed-through from the reverse side of the page. The text is written in a cursive script.]

1771



Tecnológico
de Monterrey



Tecnológico
de Monterrey

